

1722  
REVERENDI ET CLARISSIMI  
VIRI  
JOHANNIS AMOS  
COMENII

PANSOPHIÆ PRODROMVS,

In quo admirandi illius & vere incomparabilis  
Opëris, Neceffitas, Poffibilitas, Utili-  
tas, folide, perfpicue, & ele-  
ganter demonstratur.

*Ei, quæ nova hac editione accefferint, indi-  
cat prefatio S. H. & proxima  
post eam pagina.*



LONDINI,  
Typis M. F. Sumptibus L. FAWNE, &  
S. GELLIBRAND,  
M. DC. XXXIX.

Vœnit in cœmiterio Paulino sub  
figno serpentis ænei.

d.





*Lectoribus, vera Sapientie  
Cupidis, S.*

**Q**UAE biennio fere  
abhinc, multo-  
rum impulsu, Au-  
thore inscio, ali-  
quanto timidius in lucem de-  
dimus, Clarissimi COMENII  
Panfophiæ PRAELVDIA,  
seu PRODROMVM; ea  
nunc denuò fidentius con-  
spectui omnium exponimus,  
cum ab Authore ipso, prioris  
nostri approbationem ausus,  
tum quamplurimorum alio-  
rum præstantium Virorum  
applausum nacti. Superfede-  
re tamen labore isto, donec  
promissa ibidem opera ad  
umbilicum deducerentur,  
poteramus, si prior editio;

ea Authori auxilia elicuiſſet,  
quæ conatus tam ardui &  
eximii non requirebant ma-  
gis quam merebatur. Nunc,  
cum liberalitatem multorum  
nullâ re magis reſtrictam fu-  
iſſe compererimus, quàm,  
quod vel ſcopum COMENII  
prorſus adhuc ignorarent,  
vel de animo ejus & viribus  
certiores eſſe cuperent: cun-  
ctis quodammodo, ut iteratâ  
hac editione ſatisfieret, ſedu-  
lò eſt à nobis allaboratum.  
Nam non modo, ut omnia,  
quæ in priori continebantur,  
hic iterum & quidem haud  
paulò emendatiùs compare-  
rent, operam dedimus, ſed  
etiam, ut alia non minoris  
momenti, ex ejuſdem Arti-  
ficis officiâ iis accederent,  
facile fidem factura eorum,  
quæ

quæ antehac supra fidem,  
pluribus quoque non in-  
ruditis, visa erant. In quo bo-  
na quadam fortunâ accidit,  
ut liberaliores esse possemus,  
quam initiò speraveramus.  
Cum enim præter DISSER-  
TATIONEM de studio ser-  
monis Latini, &c. & DI-  
DACTICAE MAGNAE  
titulum ex ipsius Authoris  
autographo descriptum, ni-  
hil, quod PRODROMO  
jungeremus, ad manum no-  
bis esset, & jam ad finem ho-  
rum propè omnium, operæ  
pervenissent; ipsa CONA-  
TIVVM ejus PANSOPHICO-  
RVM dilucidatio à Come-  
nio nobis transmittitur, ut  
diu desideratum, ita prorsus  
inexpectatum munus. Quæ  
etsi non eo animo ab Autho-



re typis mandata erat, ut publici juris fieret, sed tantum, ut privatim cum amicis communicari tanto facilius posset; haud tamen magnopere eum offensum iri credidimus si maiore praesentis opportunitatis, quam ipsius voluntatis ratione habitâ, comitem eam superiorib' quoquo modo adderemus: quippe, in qua ingenium Viri & vix creditam haecenus tantorû moliminum possibilitatem, clariùs, quam in ullis ejusdem haecenus datis lucubrationculis videremus relucere, nosque adeò omni, cavillis aliorum & scrupulis in antecessum hîc occurrêdi molestia, semel liberari. Qui enim ab Optimo Viro pro se allatis non acquieverint, iis utpote oblo-

obloquendi magis libidine ,  
quam veritatis amore incen-  
sis , frustra ejusdem coepta  
probare satageremus. Quare  
rectius, quod unum restat, &  
res ipsa flagitat, vos omnes,  
*vera Sapientia Candidati*, in  
quorum manus ista pervene-  
rint, seriò moneo & obtestor,  
ne hæc animi gratiâ legatis  
tantum, multo minus, dam-  
netis, etiam antequam lege-  
ritis: sed, cum validis satis  
fundamentis cuncta inniti a-  
nimadverteritis, id potius e-  
nitamini, ut vestris tum cõli-  
lis, tum auxiliis, & potissimū  
quidem pecuniariis surgere  
aliquando bene fundata inci-  
piant. An, cum Ichnographiā  
tam insignis operis & quam  
plurima alia non minora, ex  
divitis illi<sup>9</sup> ingenii penu, gra-

tis jam acceperitis, paucis aliquot nummis, queis lapides, ligna, & reliqua tantæ structuræ necessaria coëmat, bajulos aliquot & cooperarios conducatur, &c. vicissim vobis obstringere gravabimini Architectum, vel solâ eximiâ pietate suâ, & diuturni exilii malis liberalitatem cujusvis cordati meritum? Passura ne sitis, Magnæ & Generosæ Animæ, ut tam vili pretio vœnalem se vobis sistat Sapientia omni pretio major, nec ullum ex vobis reperiat emtorem? Ut foetus tam præclari, & alioqui immortales, obstetricationis extinguantur inopiâ? Prohibeat Deus ter Opt. Max. ne ita timor ejus & posteritatis reverentia vestris excedant animis, ut pudentia

dendâ tenacitate perpetuam  
conscientiæ & famæ vestræ  
labem malitis aspergi, quam  
superfluis opum vestrarum  
perennem utriusq; serenita-  
tem adipisci. Nam, ne falla-  
mini, non Comenii, sed DEI,  
sed populi ejus causa agitur.  
Illius gloria, hujus tranquilli-  
tas & salus, nulla re compen-  
diosius, quam inusitata hac  
sapientiæ omnimodæ instau-  
ratione promovetur. Quorū  
curam nullum Christianum  
pectus insuper habuerit. Co-  
menio quidem facile erit un-  
de vivat, Vos videre ne con-  
tempto raro hoc thesauro,  
desit aliquando unde bene  
vivatis. De fructu quidē im-  
pensę huc liberalitatis vestræ  
nunquam erit, ut jure dubi-  
tare queatis: Qui tantum de  
ingenii



ingenii sui proventibus, spō-  
te vobis est elargitus, quid  
non faciet beneficiis vestris  
provocatus? O utinam vide-  
re aliquando contingat par  
pulcherrimum, & seculo no-  
stro tot calamitatibus hor-  
rente dignissimum, non, uti  
ille ait, *Sapientem* cum mala  
*fortunâ*, sed Comenii *indu-*  
*striam* cum Meccœnatū *mu-*  
*nificentia* compositam, dubiâ  
semper manente inter utros-  
que victoriâ. In quo omine  
desino, & ad ipsamet opera,  
Vos, Benevoli Lectores, in-  
offenso pede transmittō. Cu-  
jus pectus illa non moverint,  
eum neque accendet oratio  
nostra. Valete, & huic pro  
publicâ causâ libertati meæ  
benigne ignoscite.

Londini ex ædibus  
meis. Cal. Ianuar.  
Anno 1639.

Samuel Hartlibus



## Hoc libello comprehensa.

1. Operis Panfophici *Prodromus*, biennio abhinc titulo *Praeludiorum* publicatus.

2. *Didactica dissertatio*, de Latini sermonis studio, per *Vestibulum*, *Ianuam*, *Palatium*, & *Thesavros Latinitatis*, quadripartito gradu plene absolviendo, &c.

3. *Conatuum Panfophicorum dilucidatio* NB. Hæc, quod operis jam ad finem fere superiorum progressis inopinato Authoris munere nobis obveniret, in hunc locum rejici debuit.

4. *Didactica Magne*, jam absolutæ, *Titulus*, & capitum *Lemmata*, ex Authoris autographo descripta. NB. Hisce superiori dissertationi præmittendis ultimum locum dedit operarum incuriâ.



OPERIS PANSOPHICI  
A JOHANNES AMOS  
COMENIO COEPTI,

PRODROMVS,

Biennio abhinc, PRAELVDIORVM  
titulo publicatus.



Eccles. 5. vers. 18.

*In re magna eque ac parua, ne unquam quidem  
ignorato.*

Cicero Epist. ad Attic. ex Phoc.

*ἐν τῇ μεγάλῃ καὶ τῇ μικρῇ ὁμοίᾳ.*

LONDINI,  
ANNO M. DC. XXXIX.



# OMNIBUS SAPI- ENTIAE, LUMINIS, ET VERITATIS AMANTIBUS,

à Christo Sapien-  
tiae, luminis, & ve-  
ritatis fonte, Salutem & Be-  
nedictionem.



Sapientiam (quæ Ari-  
stoteli est multarum mi-  
rabiliūque rerum sci-  
entia: Ciceroni verò re-  
rum divinarum & hu-  
manarum, causarūq;  
quibus ea continentur, cognitio: Salo-  
moni denique, omnium rerum artifex,  
ducens omnia) magnis Elogiis antiquitus  
fuisse celebratam, ignotum esse non po-  
test sapientiae studia consecretantibus.  
Pretiosior est cunctis opibus (inquit mor-  
taliū Sapientissimus) & omnia, quæ  
desiderantur, huic non valent comparari.  
Longitudo dierum in dextra ejus, & in  
sinistra divitiæ & gloria. Viæ ejus viæ  
pulchræ, & omnes semitæ ejus pacificæ.  
Lignum vitæ est illis, qui illam appre-  
hendunt, & qui eam possident beati sunt.  
Prov. 3. 15. Cicero autem, Nullum præ-  
stantius bonum, neq; datum est mortaliū  
generi, neque dabitur. Horatius verò sic:  
Ad summum sapiens uno minor est Jo-  
vis: Dives, non bono, pauper, non malo.

Sapientia  
Encomia.



*Liber, honoratus, pulcher, rex deniq;  
regum.*

Causam si quæras, eur unam hanc  
virtutem tanti faciant, respondebunt.  
Seneca quidem: Sine sapientiæ studio  
neminem bene, sed nec tolerabiliter vi-  
vere posse. Cicero: Sapientiam esse omni-  
um artium matrem: quæ nos primum ad  
Dci cultum, deinde ad jus humanum,  
quod situm est in generis humani societate,  
tum ad modestiam magnitudinemque ani-  
mi crudit: eadẽque ab animo tanquam  
ab oculo caliginem dispellit, ut omnia su-  
pera, infera, prima, ultima, media vi-  
deamus. Denique esse animi medicinam.  
Et addit Solomon: Sapientiam sapien-  
tem confortare super decem Principes  
Civitatis, Eccl. 7. 20. & thesaurum esse  
hominibus indeficientem, quo qui utuntur,  
cum Deo contrahere amicitiam, donis ex  
eruditione profectis commendatos. Neque  
enim à Deo diligi quenquam, nisi qui cum  
sapientia habitat, Sap. 7. 14. 28.

*Sapientia  
studia.*

Merito igitur selectissimi hominum  
quovis ævo posthabita rerum transito-  
riarum, opum, voluntatum, honorum  
curâ, eò cogitationes, vota, studiaque  
conferebant, ut rerum contemplationi  
se dedentes, quicquid mente compre-  
hendi potest comprehenderet, eaque ra-  
tione mundum subigerent. Cujusmodi  
homines verè id sunt in reliqua morta-  
lium turba, quod ipsum sapientiæ do-  
num

num inter alia mortalibus concessa bona, fulgentissimæ gemmæ, imo sydera mundanarum tenebrarum dispellentia caliginem. Grate proin agnoscendum est divinæ misericordiæ opus, non solum quod sapientiæ suæ theatra Naturæ & Scripturæ nobis aperuit, sed & instrumentis nos ea spectandi lumenque sapientiæ colligendi, sensu & ratione, suâque divinâ, sensus & rationis defectus supplente, revelatione instruxit. Sed & hoc divinæ debemus beneficentiæ, quod literarum studia, quibus illud sapientiæ studium fovetur, & ab aliis in nos transfunditur, ad nostram usque ætatem conservata sint : imo nostro seculo efflorescant, qualiter antehac nusquam : ut sibi non immerito eruditionis nomine, & placeat, & gratuletur sæculum præsens, majorisque adhuc luminis spes affulgeat. Necessè enim est mundo idem evenire quod homini, ut non nisi seris cum annis ei veniat sapientia : quia nempe per naturam rerum aliter non potest. Sapientia siquidem multarum rerum experienciâ comparatur. Experientia verò & diuturnitatem temporis, & occasionum varietatem necessariò requirit. Fit autem, ut quò diutius vivitur, eò plus rerum agatur ; & rerum tractatio crebra experientiam augeat ; Experientia sapientiam, juxta Syrac. *Vir in multis expertus cogitabit multa.* Et

*Sapientia  
serius cum annis  
venit.*

*Sapientia  
illustrioris  
spes.*

Poëta istud: *Per varios usus artem experientia fecit.* Nos igitur præsentis ævo tot experimentorum auxiliis instructi, quot nulla antè ætas instrui potuit, quidni altiùs aliquid sapiamus? Non solum enim Typographiæ beneficio, (quam artem Deus non sine mysterio postremis reservavit temporibus) quicquid ab antiquis sapienter cogitatum, antehac autem tenebris fuit pressum, jam in lucem protractum est, innotuitque; sed & ipsi moderni homines novis excitati occasionibus, nova quoque moliri aggressi sunt, & multiplicata est variis experimentis, multiplicatùrque ad miraculum usque indices sapientiæ: quemadmodum de postremis temporibus prædixerat Deus. *Dan. 12. 4.* Accessit scholas ubique gentium aperiendi ardor, qualiter ullis retro seculis factitatum fuisse historiæ haud memorant. Unde librorum per omnes linguas & gentes tanta multiplicatio, ut agricolis & mulierculis jam innotescant, quorum antehac vix eruditis & divitibus libros magnò redimentibus, poterat esse copia. Nunc denique pertinax nonnullorum conatus emergit, *Methodum studiorum* ad talem deducendi perfectionem, ut omnia humana, cognitione digna, facillimo negotio mentibus instillari queant. Quod si processerit (spero autem) & reperia fuerit, quæ quæritur, omnes omnia

omnia promptè docendi, via; non video, quid obftet, quò minus illud prædictum, & expectatum tam pridem illuminatum *Aureum seculum*, & agnoscamus, & gratanter excipiamus.

Ad quem tamen obtinendum scopum unum quoddam adhuc magni profusus momenti desiderari videtur, ut nempe, quemadmodum *linguas* facilis docendi compendium fructuosum (in *jantia L.L.* nuper publicatâ) adinventum est, ita modus aliquis excogitetur ipsarum rerum *jannam* extruendi, ad facile, quicquid usque Artium & Scientiarum est, ingenio penetrandum. De qua re ferias suscipi cogitationes, (si modo quàm optimè consultum volumus rebus humanis) plusquam necessarium esse primum demonstrabo. Dein modum tanticonaminis exquiram: tandem quâ occasione ipsemet, & quo successu tam inusitatu opus hoc si aggredi, explicabo.

Primum autem in confesso pono, literarum studia, quibus nunc ubique gentium occupatur juvenus, Animosum culturam esse debere ad *Sapientiam*, ut extra quem scopum non nisi *vana vanitas* esse queat. Sive enim ponamus scientiam desiderari sciendi causâ ad curiositatem: sive animi gratiâ ad oblectationem: sive existimationis ad eminendum: sive lucri causâ ad externa bona venandum: inepti sumus, qui pro scopo tam sublimis

*Ad sapientiam profectum quid adhuc desideretur.*

*Sapientia sit literarii studii scopus.*



& divini doni tam humilia & temporaria figimus. Sapientiam igitur quaerendam esse, ratum sit. Sapientia verò cum dicatur *Omnium rerum Artifex, omnia docens: Sap. 7. 21.* Patet literarum beneficio promoveri nos debere ad *universalem rerum cognitionem, (πανοσιαν, id est, plenam omnia intra se continentem, sibi que undique coherentem sapientiam)* ut nihil relinquatur manifesti vel occulti, quod ignoretur, *Sap. 7. 21.* quò nimirum animus hominis verè fiat, quod debet, *Pansophi Dei imago.*

Secundò, cùm sapientia dicitur tribuere *Adolescentibus intellectum & scientiam, Prov. 1. 4. ejusque via, via sint amenitatis, Prov. 3. 17.* patet, sapientiae studia debere esse sine difficultatum salebris & spinis, plana, expedita, omnibus pervia, merasque animorum illecebras.

Tertiò, cùm sapientiae semita dicatur esse *lux splendens, Prov. 4. 18.* sequitur, errorum tenebris securam esse debere.

Quartò, sapientia usum hunc homini praeitare dicitur, *ut intelligat viam suam, Pro. 4. 18. & universa quae facit: Deut. 29. 9* sequitur ergo sapientiae studia praeparare debere animos ad omnia, quibus haec vita transigitur, faciendo & patièdo.

Tandem sapientia dicitur *beatos reddere, Prov. 3. 13.* ad beatitudinis nimirum aeternae fontem Deum deducendo.

Necessariò

Necessariò igitur ejus studia ad Deum  
quærendum stimulos ingenerare, ad in-  
veniendum semitas præmonstrare, ad  
arctissimè amplectendum amoris vincu-  
la aptare debent : Aut inutilis erit to-  
tus ille apparatus. Si enim ab hoc scopo  
tandem aberratum est, nihil scire, imo  
nunquam nasci præstiterat.

Videamus autem an hæc ita consue-  
tus studiorum cultus præstet, ut si quid  
animadvertamus desiderari, facilius de  
emendatione cogitatio suscipi possit.

*Eruditionem*, quali nunc turgent scho-  
læ, qualémque proponunt, esse rem, pro  
fugacis ævi brevitate *prolixam*, pro inge-  
niorum vulgarium modulo *operosam* ;  
pro rerum amplitudine nimis *angustam* ;  
& pro veritatis rerum subtilitate ac so-  
liditate multis modis *maneam*, & *defe-*  
*ctam* ; multæ multorum sunt querelæ.  
Sapientiores etiam notant, esse non  
*fatis fini suo respondentem* : Quia raro  
ad solidos vitæ usus venientem ; ple-  
rúmque in opiniones, rixas, fumos de-  
sinientem. Quæ omnia non dicis causa  
dici, sed omino ita esse, antequam ad  
remediorum vestigationem veniamus,  
ostendendum nobis est. Nempe sapi-  
entix studia, ut nunc comparata sunt  
& in scholis traduntur, non esse *propor-*  
*tionata*,

*Vulgata lite-  
rarum studia,  
scopo suo non  
proportionata*

I. *Vitæ nostræ*, ob *prolixitatem*: juxta  
illud, *Ars longa, vita brevis est.*

II. *Ingenio*

II. *Ingenio nostro, ob Difficultatem.*

III. *Rebus ipsis, ob crebra Aberratione.*

IV. *Vsui vite, ob Alienitatem ferme rerum, quæ traduntur, ab iis, quæ in vita communi fiunt.*

V. *Deo ipsi, ob Non Subordinationem omnium satis aptam ad hunc æternitatis scopum.*

I. *Ob Prolixitatem*

*Prolixitatis argumentum primum sumo à communi omnium confessione. Quis enim est, qui non Hippocratis cæcilenam canat; Vita brevis, ars longa? Secundum à granditate librorum, quibus descriptæ extant res. Bone Deus, quàm vasta volumina de singulis prope modum materiis exstructa sunt! quæ in unum congesta tantas efficerent strues, ut evolvendis solum illis, annorum millenariis opus sit. Tertiò res ipsa docet, supra capacitatis modulum diffusas esse doctrinas, postquam inter tot eruditos, quibus repletur orbis, vix centesimum quemque aut millesimum etiam reperiatis, qui vel gustasset universalem eruditionem, possentque de omnibus, quæ in operibus Dei, aut humanis etiam rebus occurrunt, rationabiliter in medium proferre. Tam rari sunt *πάνσοφοι* & *πανμάθεῖς*, ut *πανμάθεῖς* etiam & Polyhistores pro miraculo habeantur. Hinc eruditionis illa vulgò usitata frustillatio, ut sibi hanc vel illam artem aut scientiam hic vel ille s. legat, cæteris ne à lumine*

limine quidem salutatis. Reperias Theologos, qui Philosophiam vix aspicere dignati sunt: rursúmque Philosophos, qui Theologiam nullo respectu habent: Iure-consulti plerúmque; naturalium curâ nullâ tanguntur, nec rursúm Medici Juris & æqui discimina curant. Ipsa sibi quælibet facultas separata constituit regna, sine communibus iisque certis & immotis, quæ omnes pariter colligerent, fundamentis & legibus. Sed in ipsa etiam Philosophia, alius hoc sibi, alius aliud eligit. Volunt quidam Physici esse, *Matheseos* rudissimi; & vice versa: Volunt alii esse Morales Philosophi, Naturalium nullâ cognitione instructi: Volunt audire Logici, Rhetores, Poëtæ, realium scientiarum expertissimi. Quis nescit ita esse? Et quis non animadvertit, talem artium, scientiarum, facultatum inter plures distributionem ex eo præsupposito venire, quod impossibile sit, unius hominis ingenio satis commodè capi omnia? Quasi verò tam inproportionatum rebus fecerit ærum Dominum hominem Deus. Non quod somniem, unum hominem in omnibus excellere posse; sed quod scire posse ad necessitatem omnia, excellere verò in professione sua, cuius mediocri ingenio instructo, & possibile, & necessarium, certus sum.

*Difficultatis:* (quod nec illa quidem

B &

crudi-

II. Ob Dif.  
soul atem.



particella, quam quisque captat, facile influat) testimonia sunt. Primò, quærelæ itidem publicæ, non puerorum modò, artes discientium, sed & virorum eadem docentium. Deinde, scholæ ipsæ plenæ clamorum, plagarum, vibicium. Certè enim nobis sacra Scriptura sapientiam, & sapientiæ studia, ut delicias commendat. Idemque antiqui sensisse videntur, qui literarum officinas *ludos literarios & scholas*, (id est otia) appellabant. Quid ergo monstri est, quod jam pridem *σχολῆς* in *σχολῆς*, ludos in cruce conversa videmus? Unde, inquam, id, nisi à molesta progrediendi difficultate venire potest? Illa quippe facit non solum ut laboriosa sit studiorum cultura, sed etiam ut potior eorum pars, qui culturæ adhibentur, nausæa contracta, è scholis, ut è pistrinis, avidissimè præfestinent, nunquam ad studia, quæ spineta esse (cùm viridaria communèscque humani generis deliciae esse debeant) experti sunt, reversuri. Praxis denique idem docet. Quis enim nescit, facilius linguam aliquam in hominum turba usu addisci, quàm aliquot annis in scholâ? De comparanda rerum aliqua peritiam idem propemodum est iudicium.

III. Ob Veritatem in inlubricitatem.

*Veritatem* scientiarum laborare, animadvertunt jampridem sapientissimi hominum: ideoque eam in profundo latitare questi sunt, cùmque ut quidam imper-

imperfectiōnis conscientia ad scopu-  
lum adaecti, pronunciare ausi sint, *Nihil  
sciri posse* : nempe certò & sine errore.  
Cujus effati certitudinem propemodum  
corroborarunt exemplo suo illi ipsi, qui  
hoc ut deliramentum irriserunt, scienti-  
am rerù certā sibi arrogantes. Quicquid  
enim Philosophorū aliquis asseruit, mox  
idem aliquis destruxit, nec perplexita-  
tum hodie finis est. Tota res literaria  
plena est. dissensionum, contradictio-  
num, pugnarum. Hoc autem quid nisi  
vacillantis ubiq; veritatis testimonium?  
Rectè enim hoc ipso argumento *Josc-  
phus contra Appionem* Hebræorum sa-  
pientiæ veritatem, Græcorum vanita-  
tem adstruit, quòd illa semper una ma-  
neret, hæc in sectas abiret. Recti liqui-  
dem non nisi una & simplex ratio esse  
potest: aberrationum mille figuræ. Cum  
igitur nostro etiam seculo, tot enascan-  
tur in Theologia & Philosophia sectæ,  
tòtque foveantur & pertinacissimè de-  
fendantur toto cælo dissidentes de rebus  
opinionēs: quid hoc nisi certissimum  
est testimonium, in profundis adhuc  
ignorantiæ tenebris demersum esse,  
quicquid literarum jactet seculum no-  
strum? Cum charitatis judicio præsup-  
ponamus, neminem scientem, volen-  
tem errare, aut rebellem esse lumini,  
ut *Job* loquitur, *cap. 24. 19.* Testimo-  
nio denique sunt tot quotidie in lucem  
venientes.

venientes libri, qui, quid sunt, nisi scintellæ demum, quæ ab ingeniorum collisione excutiantur, & hinc inde sparguntur, quælibet à se flammam excitatum iri sperans? sed non tamen hæcenus accendi veras faces, nec oriri clarissimum veritatis Solem, continuata illæ dissidiorum & dubitationum tenebræ ostendunt.

IV. Ob exiguum ad vita negotia utilitatem.

*Vita communis usibus non satis esse accommodatas literas, ut vulgò traduntur, magnos testes habemus. Philosophia ad scholas redacta est, inquit vir illustris, nec est qui eam revocet ad usum communem: Horret enim spinis, & tota occupatur in nectendis nodis insolubilibus & detexendis, quæ texuit ipsa, porrigitque panem lapidosum, qui dentes frangit, aculeatisque nugis fatigat ingenia. Et alius: Studium Philosophiæ nihil nunc est, nisi otium occupatum & impeditum, proficiens parum: Sciuri caveæ rotundæ includuntur, quæ in circulum morsetur: ubi semet continuo præcipitantes, non tamen è loco promoveant. Idem nos Philosophantes facimus: parùm addiscimus & labore multo; nec id parvum nos reddit meliores, sæpe deteriores: Id quod verissimè dici experientia ostendit. Non tantam enim virtutum studio, (quæ civilis conversationis basis sunt) rarissimè literati præcellunt illiteratos, sed ad res dexteritate agendas plerumque ab illis superantur.*

superantur. Nec de solis Grammaticis  
 literonibus loquor, cum sublimibus  
 Philosophis & Theologis plerumque  
 ita comparatum est, ut cum abstractis  
 suis speculationibus Aquilæ sibi videan-  
 tur, in rebus vitæ & societati humanæ  
 servientibus talpæ sint. Hinc enatum  
 scomma: *Bonus Scholasticus, malus Po-  
 liticus*: Cum tamen schola vitæ præ-  
 ludium esse debeat.

Sed ut in specie aliquid tangam,  
 Metaphysicæ Studium, constat, quan-  
 tis laudibus ad cælos usque evehatur,  
 tanquam rotius sapientiæ, & basis fir-  
 missima, & fastigium splendissimum:  
 Quod, si rem rectè æstimamus, ita est.  
 Sed quia tamen eadem illa scientiarum  
 Regina, tantis horret spinis, tantisque  
 involvitur tenebris, ut pauci subtili-  
 tates istas capiant, & qui capiunt  
 usum, ad inferiores scientias prorsus  
 ignorent, fit, ut seipsâ terminetur;  
 præterque momentaneam voluptatē,  
 qua cultores suos aliquantisper titil-  
 lat, nihil usus afferat rebus humanis.  
 Unde porro fit, ut eam nonnulli dese-  
 rant, planèque proscribant non solum  
 & Philosophiæ ambitu, (nempe *Ramæi*)  
 sed ex Academiis etiam tanquam ste-  
 rilissimæ vanitatis inutilem appara-  
 tum. Regem enim Sueciæ *Gustavum  
 Adolphum* gloriose memoriæ (quem  
 ad rem non nugas fulidæ natum faci-  
 nora

et do  
 in de taid  
 , edes  
 are  
 are  
 . 20007



nora ostendunt ) publico edicto omne  
Metaphysicæ studium è regno suo ex-  
terminasse , ( ut nemo Bibliopolarum  
sub pœna confiscationis tales libros  
importare, nemo subditorum etiam lo-  
gere auderet, ne nova Barbarie regnû  
ipsi fascina-retur , & ille in rebus ge-  
rendis disputatores & glossatores va-  
nos pro negotiorum sectatoribus nan-  
cisceretur ) *Iohannes Angelus Werden-*  
*hagen* testatur.

Studium Logicum & Rhetoricum  
propiùs ad vitæ negotia debebat acce-  
dere, cum rationis & orationis, (qui-  
bus duobus vinculis res humanæ con-  
tinentur ) expositionem profiteantur.  
Sed verissimû esse *Iacobi Acontii* testi-  
monium , res ipsa planissimè testatur.  
Dialecticorum frequens est , inquit ,  
ubique numerus : At si scripta & dis-  
putationes observes, nihil minus inve-  
nies , quàm dialecticos. *Item* : Videas  
multos Rhetoricæ præceptis probè in-  
structos , quorum etsi oratio sit pro-  
pria , ornata , elegans, copiosa, in iis  
tamen ad persuadendum vim roborque  
desideres. De cæteris Artibus & Sci-  
entiis idem est iudicium : occupari  
nos iis magis , quàm ad occupationes  
vitæ dextrè obeundas disponi.

*V. Obcre-  
bras ab ulti-  
mo scopo,  
Deo, aberran-  
tiones.*

*Pastorem* literata nostra studia nondû  
ita esse cõparata: ut nos rectâ & infal-  
libili viâ ad ultimum nostrum finem ,  
DEVM,

DE V. M., ducant; Quid opus testi-  
bus? Omni teste major Academiarum  
nostrarum profanitas, plena luxuriæ,  
fastûs, helluationum, rixarum, omni-  
genæque petulantiz, in aperto est.  
Doctrina porrò ipsa, quæ ibi colligi-  
tur, cheu, quàm multis non nisi cos  
malitiæ fit, iniquitatis per totam vitam  
exercendæ instrumentum; ut de ma-  
iore eruditorum nostrorum numero  
verissimum sit, quod queritur Deus:  
*Sapientes sunt, ut faciant mala, benè au-  
tem facere nesciunt. Jer. 14. 22.* Atque  
talibus sapientia sua ad interitum dux  
est. Hinc enim est illa Dei vox: *Non  
multos sapientes eligi, quia sapientia  
mundi hujus stultitia est apud Deum.*  
*1. Cor. 3.* Nos quidem ne urgeri nos  
ista Dei voce sentiamus de sapientia  
gentili securè id interpretamur, sed  
nec tamen alii sapientiæ studemus. Re-  
vera enim ea ipsa, quam hactenus pro-  
pinant scholæ, è gentilismo hausta est,  
& serpentino veneno infecta, scientiam  
tantum boni & mali, quæ inflat, affe-  
ctans, non charitati, quæ ædificet,  
operans. Et quia nos hæreditariâ per-  
versitate semper delicta nostra excusa-  
re, quàm emendare paratiores sumus,  
fit insuper, ut nobis ipsis, naturæ cor-  
ruptionem prætendendo, blandiamur:  
impossibile reputantes transformari,  
quia depravati sumus. Quasi verò non  
corrup-

corruptionis illius antidotum esse debeat *Timor Domini*, quem sapientiæ, & initium & finem esse toties totiesque protestatus est Deus. Verum itaque est, literarum vulgata studia esse

I. Occupationem infinitam.

II. Distractionem ingeniorum perplexissimam.

III. Aberrationum palæstram perpetuam.

IV. Negotiorum vitæ remoram.

V. Tandem aberrandi à Deo multiformem occasionem, quod maximè deplorandum.

*Consultatio de  
remediis.*

Hujus tam calamitosi literarū & literatorum statūs, cum jam pridem viros quosdā optimos misereri cepisset, variè variè morbis illis remedia quærere tentârunt. Alii quidē omnem illum antiquæ à gentilibus mutuatæ sapientiæ apparatus abjicere suadentes; alii delectum adhibendum, Artésque & Philosophiam, non nisi parcè usurpandas dictitantes; nonnulli transfusionem quandā, & transformationem scientiarum omnium moliri occipientes; alius sic, alius aliter. Et sanè quicumque consilii aut opis hîc aliquid ferre possunt, ut ferant, plusquam necessarium est. Primò quidem ne tam pusillum illud sapere, quale vulgares conferunt literæ, tot tantisque sudoribus constet: aut certè si labores impendendi sunt,

ut uberiores refundant fructum. Deinde, ut nos & literas ab illiterata plebe opprobrio vindicemus: qui, dum quos eruditionis nomine sibi præferri vident, eos rerum peritiâ, morum honestate, pietatisque zelo, nihil admodum antecellere, sæpe simpliciorum vestigia vix premere animadvertunt, vel in risum solvuntur, vel in rei literariæ contemptum concitantur. Denique ne Dei, qui cœlitus demisso sapientiæ dono suam in nobis vult reparare imaginem, incurramus iram, non ad ejus gloriam tam divinum dispensantes donum.

Verum enimverò, quia temere cura morbi, causâ nondum morbi perspectâ, suscipitur; videamus an indagine certa ad radices tanti mali, quo res literaria premitur, penetrare, easque detegere queamus: ut inde ad remedia tutior sit transitus. Dicam ergo quid causæ putem subesse singulis jam à nobis recensitis malis; simulque quid remedii loco opponendum, explicabo.

*Prolixitas* studiorum, uti vulgò tractantur, è tribus exsurgere videtur. Primò, ab incuria necessariâ à non necessariis discernendi. Inde enim secundum *Senecæ* querelam evenit, ut necessaria ignoremus, quia non necessaria discimus. Omnino ita est. Si à studiis

*Causarum  
tanti mali  
vestigatio.*

*Prolixitatis  
causa triplex.  
I. Non neces-  
sarium mi-  
nima mixtura.*



studiis nostris minus necessaria seque-  
 strentur, duplo plus, (mollissimè dico)  
 temporis, duplo minus pensi habituri  
 sumus. Habenda verò sunt pro non ne-  
 cessariis. Primò, quæcunque salvâ  
 eruditione ignorari possunt, ut sunt  
 pleræque gentiliû nugæ, Deastro-  
 rum nomina, cum suis mendacibus hi-  
 storiis, similibûsque fabulis. Deinde,  
 quæcunque nullo insigni usu fatigant  
 ingenia, ut sunt pleræque Grammati-  
 corum regulæ, quibus pueriles animi  
 macerantur, & anni perduntur, cæ-  
 teræque similis farina nullum extra  
 scholam habitura usum. Tandem om-  
 nes rerum & verborum ambages, quæ  
 non nucleum excludunt, sed mille vo-  
 lucræ oblectum prensant tantum. At-  
 que talibus tamen plerique scholastici  
 libelli oppleri sunt, ideoque juvene-  
 tem maximam partem inutilibus &  
 non necessariis distinent & distendunt.  
 Et mirum sit rarò aliquem ad solidio-  
 rem aliquam pervenire eruditionem.

Remedium itaque erit, ut è *rebus &*  
*verbis* solidissimis, ac non nisi verissi-  
 mum usum habituris; *Eruditionis Semi-*  
*narium* conficiatur. Tantundem enim  
 fructus colliges, si uno tritici puri mo-  
 dio agri jugerum conseras, ac si decem  
 palearum modiis superadmixtis pa-  
 leas cum tritico per decem jugera de-  
 cuplato labore diffemines.

Secundò

Secundò, quòd literarii labores *inextricabilis quidam labyrinthus* sint, in quo sine fine oberratur à plerisque, & rebus diffusa varietas, & oceanus quidam, quo absorberi, quàm exhaustire promptius sit, facit studiorum confusio, quòd quæ discenda sunt, nondum in satis certum evidentemque ordinem, hætenus redacta sunt. Necessè verò est, quæcunque dispersa sunt, multa videri, collecta in parvum cogi.

Remedium erit, si omnia discenda maxima, minima, tam perspicuâ disponantur serie, ut ea literarum candidati, tam ante se habeant, quàm digitos suos, pervideântque jam inde à principio, & medium & finem; certi totum eruditionis oceanum, hac ipsâ, quam conscendunt, Navi, enavigatum iri, ad portum usque desideratæ perfectionis.

Tertiò, portentose diffusa literarum studia facit inutilis quorundam omnium minutiarum consectatio; Talem enim in *rebus & verbis*, (cum sint infiniti tam naturæ, quàm ingenii lusus & casus) nullus est finis & modus. Ideò qui particulari Rerum descriptioni in quocunque Scientiarum, & Artium genere se dedunt, in eîsq; sive desudare, sive delitlari consuescunt, illi quidem peregrinationem menti  
satis

II. *Discend-  
rum confusio.*

III. *Minu-  
tiarum nimia  
consectatio.*

fatis amenam inveniunt, ad sapientiam tamen universalem informationis remoram patiuntur necessario: imo faciunt ut opplera mente singularibus quibusdam certi generis, cetera vi locum inveniant.

Remedium erit *Concinnatio libelli*, in quo omnium, quæ sunt & cogitari possunt, verâ institutâ Anatome, omnia revocentur ad verâ sua genera & species: & quidem ita, ut quicquid de ulla re dicendum est, simul & semel de omnibus dicatur, de quibus dici potest. Ita omnia spe breviora & solidiora erunt: quia intellectus, paucis regulis, infinitis repagulis poterit liberari, ut suapte vi per omnia feratur & penetret ubique. Verè enim *Seneca*; „ Non multis opus est (scilicet ad sapientiam) præceptis, sed efficacibus: „ Seminis modo spargenda sunt, quod „ quamvis sit exiguum, cum occupârit „ locum idoneum, vires suas explicat, & „ ex minimo in maximos actus diffunditur.

Difficultatis  
causa triplex.  
triplexque  
remedium

J. Servili  
studia tra-  
ctandi modus

Quod verò *impeditum & salebrosum* visum fuit studiorum iter, causam putato fuisse: Primò, quod non præcedebat animorum digna præparatio ad avidè hauriendum doctrinas, nec miscbatur satis utile dulci ad inescandum ingenia, sed qualiter accedebat quicque, taliter admittebatur. Tractabatur autem

autem non ut in convivio solent hospites, humanitate & deliciis, sed ut in pistrino solent mancipia, clamore, vi, plagis. Pugni enim & terulæ, virgæ & scuticæ dapes erant in scholis usitatissimæ, quotidianaque bellaria. Et mirum sit nausæasse & caligasse aliquem? Nihil profectò tam facile est, quin difficile fiat, si invitus feceris. Quomodo ergo literæ poterunt esse faciles inter trepidandum discendæ? qualiter in nulla mechanica arte addiscendâ fit. Severitas necessario confundit, & intricat mentem; ut ubi sit, nesciat, & si paulò debilior, vertiginem quandam patiatur. Arte itaque opus est ad capiendos, inescandos, demulcendosq; animos. Quæ ars partim docentium humanitate, partim methodi prudentiâ constabit; ut literarum studia ingeniorum illecebræ fiant, & lusus merus videantur.

Secundò, Difficultatis bona pars in eo hæret, quòd non per autopsiam res docentur discipuli, sed per ambagiosas enarrationes, quibus difficulter imagines rerum intellectui imprimuntur, memoriæ verò debiliter hærent, ut vel evanescant rursus facillè, vel variis modis confundantur.

Huic remedium erit, omnia per autopsiam sensusque præsentia (visibilia

vi-

2. *Persu-  
storia rerum  
explicatio.*



vi sui, gustabilia gustui, tangibilia tactui offerendo. Facilius enim mihi & firmitus Elephantis imaginem, unica ejus (aut saltem effigiei) inspectio expresserit, quàm si decies mihi narratum fuisset, quia

*Segnius irritat animos demissa per aures,  
Quàm quæ sunt oculis commissa fidelibus.*

3. Methodus  
nimis ad huc  
imperfecta.

Tertium & maximum difficultatis momentum à methodo est, quâ vulgò Scientiæ & Artes traduntur, non satis vel rebus, vel intellectui humano proportionatâ. Omnes quidem clamant, incedendum esse naturæ ordine à prioribus ad posteriora, à generalibus ad specialiora, à notis denique ad ignotiora; Sed quis præstat? Nihil dum tale videmus: Hystera proterâ omnes Artes & Scientias, si *Mathesin* excipias, revera obtenebrant. Nam si libri, quos habemus, à notis ad ignota leniter, nusquam interrupto passu, ingenia ducerent, tam certò scientiæ cupidī lectores ad ignotissima quæque deducerentur, quàm quilibet pedibus instructus in quamlibet altissimam rupem deduci potest, si in ea gradus existuantur. Quod cum non fiat, nemōque quid isti libri tradant, capiat, (nisi si insigniter ingeniosus, qui suomet acumine res penetret & vi propriâ eleveat, aut cui vivâ demum voce aliter atque aliter eadem inculcentur, ut

velut

veluti per nebulas quiddā videre incipiat) argumento id certo est, non gradatim viā planā intellectum duci, sed per salebras, scrobes, antra, & hiatus raptari.

Remedium erit; omnium Scientiarum & Artium talis conformatio, ut ubique incipiatur à notissimis, fiatque gradatim lentè processus ad ignotiora: ita nempe ut prima secundis, secunda tertiis, tertia quartis lumen ministrent, præferant ad finem usque: prorsus ut in catena annulus annulum excipit ac trahit. Quod vel solū si quomodo fieri debeat, à nobis hoc opere monstrari poterit, sat dignum operæ pretium tulisse videbimur.

*Veritatis* passim nos per totum scientiarum ambitum deserentis, causa verissima triplex assignari potest: nempe,

I. *Scientiarum laceratio.*

II. *Methodi ad res ipsas non penitissima alligatio.*

III. *Verborum & styli, partim incuria, partim intempestiva luxuries.*

Primum enim pro conscientia restor, in libris, quos videre contigit, nihil me adhuc vidisse amplitudini rerum satis respondens, quod totam rerum universitatem exhauriret: Quicquid tandem libri nonnulli Pansophiarum,

*Veritatis per totam literaturam laborantem causa triplex.*

*I. Scientiarum laceratio.*

rum, aut Encyclopædium, aut Syntaxem artis mirabilis, & quoscunque titulos præferant, Multò minùs videtur totum intellectus humani apparatus, ita è suis certis æternæque veritate immotis principiis exstructum, ut omnia essent à primis ad ultima sibi mutuò concatenata sine veritatis hiatus ullo. Nec enim fortassis quisquam id egit adhuc, ut constitutis & omni proportionem ad invicem coæquantis universalibus rerum principiis, quæ versus diffluentem rerum varietatem, certis rationum limitibus cingeret: quo per universalem, & inter omnes proportionatam harmoniam se ipsam detegeret occulta, invariabilis tamen & invincibilis rerum veritas. Id, inquam, nemo adhuc quævisse videtur, ut per universalissima cognoscendi principia, còsque ad ultimas usque conclusiones rite deducendi modos universalem aliquam veritati rerum cognoscendæ aperiret viam. Sibi cantillant Metaphysici, sibi plaudunt Physici, sibi choreas ducunt Astronomi, sibi leges figunt Ethici, sibi bases fingunt Politici, sibi triumphant Mathematici, sibi regnant Theologi. Imò in singulis facultatibus & scientiis singuli fermè particularia sibi constituunt principia, ex quibus placita suæ extruant ac defendant: suisque deque habito,

habito, quod alii è suis præsuppositis eliciunt. Quam tamen eo modo per omnia latenter sparsam & undique colligi cupientem veritatem impossibile sit erui. Dum enim quisque sibi & suæ phantasiæ tantum attendit, æquè non diffugitur dissonantia, ut in Musicorum choro, si quisque sibi canet, posthabito ad communem modulum respectu; aut quis credat, benè ordinatam rempublicam esse posse, ubi non communibus legibus vivitur, sed pro arbitrio quisque agit? Arboris ramos videmusne vivere quidem posse, nisi omnes pariter à communi trunco communibus radicibus succum trahant? Et sperari possit sapientiæ ramos salva eorum vita, hoc est, veritate, divelli posse? Ut nempe aliquis sit Physicus, qui non idem Metaphysicus? aut Ethicus, qui non antè Physicus? (saltem certè humanæ naturæ cognitione imbutus) aut Logicus, qui non realium scientiarum peritus? aut Theologus, Jure-consultus, Medicus, qui non prius Philosophus? aut Orator, Poëta, qui non omnia illa simul? Lumine, manu, normâ seipsum privat, quicumque scibilium aliquid à se removeret. Nunquam certè Astronomi (ut hoc exempli causâ addam) tam contrarias & absurdas fuissent ausi introducere & defendere hypotheses, si è communi veritatis

C

fundamento



fundamento hauriendæ fuissent : nec  
 alia tam incerta & lubrica essent , aut  
 certè viderentur omnia propemo-  
 dum , quæ traduntur. Ita enim tra-  
 duntur, ut nemo ferè adstruat aliquid  
 quod non alius destruat, aut destruere  
 moliatur. Elegans sanè visa fuit, &  
 divina *Platonis* Philosophia: sed quàm  
 vanæ speculationis coarguit *Peripa-  
 teticorum* schola? *Aristotelis* Philoso-  
 phia compta satis sibi visa est : sed  
 quam nec scripturis divinis ullo mo-  
 do, nec rerum veritati per omnia  
 respondere Christiani Philosophi sa-  
 tis deprehenderunt. Astronomi cum  
 suis sphaeris eccentricis, epicyclis pla-  
 serunt sibi tot seculis, sed à *Copernico*  
 explosi sunt. *Copernicus* novam Astro-  
 nomiam suam ex opticis rationibus  
 plausibiliter construxit, sed quam  
 Physica immotæ veritatis principia  
 nullo modo admittunt. *Gilbertus Ma-  
 gnetis* speculatione abreptus, totam  
 Philosophiam ex magnete deducere  
 voluit : sed evidentissima cum injuria  
 principiorum Physicorum. *Campanella*  
 in Naturalibus reassumptis antiqui  
 Philosophi *Parmenidis* principiis tri-  
 umphat pene : sed à *Galilæo Galilæi*  
 unico tubo optico dejicitur. Et quid  
 alia recenseam?

Profecto si à communibus & iisdem  
 principiis omnes sua eruerent, fieri non  
 posset

posset, ut in contradictiones ruerent cum manifesta non solum audientium remora, sed & veritatis ipsius iactura, quæ altercando plerumq; amittitur. Dum enim res proponuntur inutiles, (non ex universali fundamento) non possunt non videri, obscuræ, & ambiguae, tergiversationemque in animis audientium parere. Ad quos porro in assensum pertrahendos assumuntur principia, undecumque arrepta, nec satis nota, nec alteri concessa, nec in se veritatis indubitata: quippe limitationibus & exceptionibus variis (tales enim sunt vulgatæ Philosophiæ, ac Theologiæ canones plerique) obnoxia. Et quid ergo sequatur nisi contradictio & contentiones molestissimæ? ut audire tædeat tantas de rebus per se claris, vel hæitationes, vel altercationes.

Omnino igitur aliter instituenda res est, providendumque, ut clara luce veniens rerum veritas, hæitationum lacunas, contradictionumque tela effugere, omnesq; errores eluctari queat. Id autem fieri non posse arbitramur, nisi veritatis per omnia sparsæ radii in unum coeant, ut in omnibus sensualibus, intellectualibus, & quæ à divina revelatione veniunt, una eademque symmetria appareat. Quam sola principiorum cognitionis (quæ enim possunt nisi tria esse, *Sensus, Ra-*

tio, & divina *Revelatio*) exæquatio, & ad immobile usque robur consolidatio detegere, perque id controversias de rebus tollere poterit. Nam detecto rerum fundamento, necessariò patebit, vel contradicentium alterutrius partis error, vel scientiarum diversitatis ratio, quod nimirum diverso respectu utraque pars rectè sentiat fortassis, & loquatur, licèt se non intelligant, diversi respectus fundamento non percepto. Certè aut hac viâ errores, qui mortalium animos variè obsident, expugnari, mentèsq; in clarâ luce sisti poterunt, aut nullâ aliâ. Necesse enim est, claro veritatis sole orto, infinitarum opinionû nebulas ultrò evanescere; quin & ipsum Atheismi caliginem Dei ope tandem discuti.

2. *Methodorû*  
*volubilitas.*

Secundam vacillantis passim veritatis causam dixi *Methodorum volubilitatem*, quòd se non rebus ipsis omnino alligant scriptores, ut eo planè modo res, quo illæ intra seipsas sibi constant, immutabiliter tradant: sed ad fictam aliquam, & à se excogitatam concinnitatem res trahant, & distrahant mille modis. Quod nil aliud est, quàm in conspectu mentis res distorquere, & à nativa forma in alias transfigurare. Atque tum quid nisi monstra pro rebus apparere possunt? Porro methodum rebus omnino parallelam dari

dari non posse, certum est, nisi rebus  
universis ad tantam in intellectu har-  
moniam reductis, quantâ seipsas ex-  
tra intellectum revinciunt & conne-  
ctunt. Hactenus excogitata fuisse ad  
placitum Philosophemata multa, rur-  
sumque ab aliis convulsa, monui mo-  
dò. Quod similiter de Theologiæ dog-  
matibus, aut etiam integris methodis,  
intelligatur, extrui & destrui posse:  
cum non ad immutabilem rerum nor-  
mam, sed ad hujus vel illius cerebelli  
plumbeam regulam effectæ sint.

Ultinam igitur pereant omnes vagæ  
ad placitum luxuriantium ingeniorum,  
hactenus excogitatæ, & posthac exco-  
gitandæ methodi, ut tandem aliquan-  
do res omnes uno rerum ordine tradi  
incipiant. Atque talem nos *Christia-  
nam Philosophiam*, seu potius *Panso-  
phiam* quærendam docemus, ubi om-  
nia ex immotis principiis in immotam  
assurgant veritatem, perpetuâque har-  
monia ita sese connectant, ut opus  
hoc mentis tam sit indissipabile, quàm  
ipsa mundi machina. Nempe, ut quem-  
admodum rerum universitas non no-  
stro regitur arbitrio, sed ad suas leges  
procedit immutabiliter; ita ejus spe-  
culum *Pansophia* eâ tradatur methodo,  
à quâ discendi non possit, si quis vel  
rumpatur variandi libidine: quod fiet,  
si omnia tradantur demonstrativè per

*Remedium.*



causas & effecta proxima. Sed ad hanc rem prorsus necessarium erit, res non per externa de rebus testimonia, id est, traditiones, sed per ipsas res doceri ac disci. Authoritates enim tam rebus fucum facere, quàm eas illustrare possunt, ad minimum certè discentem distrahunt, & à rebus ad se avocant: Res autem ipsæ aliter se imprimere sensibus non possunt quàm uti sunt. Aut sicubi sensus deficit, adhibenda est ratio certis normis instructa, ne aberrare possit. Deniq; ubi ratio quoq; hiat, revelatio divina succurrat. Quæ tria cognitionis principia, Pansophiæ bases instituenda sunt, ne posthac quicquid Philosophorum aut Theologorum alicui ore vel calamo excidit, pro oraculo habeatur, sed ut res ipsas perspicillis sepositis intueamur & accurato examine, quid se esse aut non esse fateantur, exquiramus. Nonnulla quippe sunt magnis etiam viris satis leviter cogitata: quæ tamen hominum admiratores promiscuè adorare consueverunt. Multis id exemplis ostendere, proclive esset, sed parco, sperans fore, ut lucidiore accensâ veritati face infinita ejusmodi ultrò pateant.

3. Verborum  
incuria &  
luxuries.

Tertia veritati præjudicans res est, ut dixi, sermonis, quo res explicantur, incuria, vel luxuries. Et luxuries quidem

dem, quod rebus explicandis adhibentur verba, phrasés, sententiæ improprie, tropicæ, hyperbolicæ, allasivæ, maximè cum Poëtæ vel Oratores, (vel etiam Philosophi, aut Theologi Poëtisantes, aut Oratorisantes) in res incidunt, easque exaggeraturi vel extenuaturi more suo, colores & pigmenta adhibent, quibus res plerumque aliam à sua nativa faciem accipiunt. Et tum quid nisi fucus est? Rerum certè veritas puro lumine sine adventitio colore spectari vult. Incuria verò sermonis est, si voces, & locutiones usurpentur obscuræ, vel sermone non intellecto, (ut sunt Latinis & cæteris nobis Græci termini) aut denique, si minùs firmæ veritatis sententiæ, pro veritatis norma venditentur: qualibus (turpe quidem dictu, sed si modo vera fatemur) Philosophorum & Theologorum libri scatent.

Affirmo itaque errorû in re literaria procreatricem & conservatricem causam esse, infelicem illam, quam dixi, trigâ: Variam sciendorum *Frustrationem*; variam *Transformationem*; variam *Incrustationem*. Nimirum quis res, uti sunt, cognoscat, dum non nisi carptim offeruntur? dum non suâ serie? dum non suo vultu? Nam rerum omnium symmetriâ ignoratâ, in quovis particulari objecto aberratio perquam facilis est.

Serie rerum non perspectâ labyrinthum ubivis invenire, nimis obvium? Re quâcunque non suo colore obviente oculos fascinari, plus quàm proclive. Hinc infiniti illi circa infinita penè errores: hinc illud ad tantam confusionem & fastidium multiplicatum librorum chaos, ut mundus jam vix ferat. Hinc illa in tam illuminato seculo (uti quidem appellari gaudet) luminis penuria, ut quemadmodum *Tantalus* quærit aquas in aquis, ita nos lumen in lumine, libros in libris desideremus, in eruditis eruditionem. Silentio prætereo errorum satis fecundam procreatricem, partem sectandi libidinem. Non immerito enim *Galenus* dixit, & surdos cæcos fieri, qui se addicunt sectæ, ut non modò, non audiant & videant, quæ cæteri facillè audiunt & vident, sed etiam veriora dicere nolint, & ea docentibus resistant, haud secus ac ebrii *Lapithæ*, qui chirurgum vulneribus eorum medicam manum adhibere parantem, pugnis & calcibus à se repellunt.

Cur Scholastica studia  
ad negotia  
vita non sat  
præparent.

Quòd non satis ad *Vitæ actiones* instruant literæ, culpa est inveteratæ illius scholarum consuetudinis aut morbi potiùs, quo per adolescentiæ annos ingenia Grammaticis, Rhetoricis, Logicis, nugis fatigantur; realibus, quæ mentem collustrare, & ad res agendas

mentes

mentes imbuere debeant, ad Academi-  
 as reservatis, ut scilicet maturiore  
 iudicio, rebus jam pares, feliciter pro-  
 grediantur. Sed ferè fit, ut expirante  
 ætatis primæ fervore, ad facultatem  
 suam festinet quisque, præparamen-  
 torum jam oblitus. Quinimò scientes,  
 volentes studia Metaphysica, Physica,  
 Mathematica, tãquam inutilem sibi re-  
 morã transiliunt omnes fere Theologi,  
 Politici, Medici futuri, errore grandi,  
 cum iudicii soliditas, nisi ab eruditio-  
 nis soliditate, obtineri non possit.

Remedium ergo erit, ut juventuti  
 omnia per totam vitam maturè pro-  
 ponantur, exercitiãq; seria seniorum  
 præludia instituatur. Quia enim fa-  
 ber non fit, nisi fabricando, scriba scri-  
 bendo, disputator disputando; necesse  
 est, pueros quoque homines fieri hu-  
 mana tractando: ut nihil admodum in  
 vita occurrere possit, cuius non ima-  
 ginem prævidissent, & præexercuis-  
 sent in schola. Quia imò tota Philoso-  
 phia ita adornanda erit, ut sit viva  
 rerum imago, occultaque animorum  
 ad vitæ negotia dispositio.

Tandem quod non ad Deum alum-  
 nos suos satis promoveant literæ, quid  
 mirum? Nondum gentilem deposue-  
 runt profanitatem, temerè Dei opera,  
 imò Deum ipsum sine Deo contractan-  
 di, & gloriam incorruptibilis in fini-

*Nec ad Deum  
 satis promo-  
 veant.*



litudines corruptibilium rerum trans-  
 formandi. Ideò enim Philosophos  
 Ethnicos Apostolus evanuisse testa-  
 tur in cogitationibus suis, & cum se  
 sapere putarent, stultos esse factos,  
 atque à Deo traditos in desideria cor-  
 dis sui ad immundiciem; quia servie-  
 runt creaturæ, potius quàm Creatori,  
 qui est benedictus in secula. *Rom. 1.*  
 Sed quid, obsecro, aliud hodiè que sit!  
 Plerique sapientum nostrorum æquè,  
 ut illi absque Deo sapiunt, nimirum  
 nec ab illo haurientes, nec ad illum di-  
 rigentes sapientiam suam, sed à crea-  
 turis ad creaturas, hoc est; alta cum  
 oblivione Dei, omnia sua agunt, se tan-  
 tum & cætera corruptibilia respectan-  
 tes; sibi & illis inservientes. Protesta-  
 tus est Deus, se *α & ω* esse, *Principium*  
*& Finem* omnium: ex quo, per quem,  
 & in quo sint omnia. Sed quis ab illo  
 (id est timore ejus) sapientiæ suæ  
 initium facit? Quis per illum sapere  
 (hoc est verbi & spiritus ejus ductu  
 regi) querit? Quis in illum sapien-  
 tiam suam terminari (h. e. ejus unius  
 gloriæ se, & omnia sua devovere) cu-  
 pit? Abscondita sunt ista ab oculis  
 plerorumque: A nobis ipsis incipimus,  
 per nos ipsos proficimus, ad nos ipsos  
 tendimus. Incipimus à fiducia nostri,  
 innitimur viribus & lumine nostro,  
 tendimus ad commodum & gloriam  
 nostram;

nostram ; cōque à nobis ad nos relabimur , & per creaturarum vana hinc inde trahimur , & rapimur , donec evanescamus ipsi quoque. Hæc est tristissima via omnis carnis , qua infelicitèr à Deo aberrant sapientissimi quique.

Remedium erit per totam Pansophiam veræ Dei cognitionis , & timoris semina ita spargi , ut quoque se vertat homo , videat omnia sine Deo nihil esse : Imo hanc nostram Christianam Pansophiam ita ordinari oportet , ut nihil sit nisi perpetui stimuli Deum ubique quærendi , & accurata indicia Deum quæsitum ubique inveniendi , & certa forma Deum inventum ubique amplectendi ; Eoque modo , ut sit quædam sancta scala per omnia visibilia ad invisibilem , usque omnium apicem summam Dei majestatem ( quæ nobis fulgore suo inferiora omnia nihil esse , nisi veræ lucis umbram ostendit ) ascendendi , ibique velut in immobili quietis centro , & desideriorum omnium meta tandem quiescendi , inque illo vitæ fonte , à quo voluptatum fontes fluunt nos æterna beatitudine demergendi.

Hoc nisi obtinemus (quemadmodum & superiora) vani sunt omnes conatus nostri , vani nos ipsi , vanum tandem quicquid agimus : pergent sapientuli suos oberrare labyrinthos , pergent scholæ

*Remedium.*

scholæ Sisyphæa sua volvere saxa, perger delirare & vestigine ambulare mundus.

*Laboranti  
ergo rei lite-  
raria, ut jam  
dandæ rectius  
succurratur  
opus est.*

At cum res nimium seria sit, in qua Dei gloria, humaniq; generis salus vertitur, ardentissimè invocandus est Deus, ut nostri misertus, caligantes nostros aperiat oculos, qui in lumine ejus videamus lumen. Et quia Christus non solum dixit: Petite & accipietis: sed etiam, quærite & invenietis; Pulsate & aperietur vobis, *Matt. 7. 7.* adjungendi sunt votis & suspiriis indefessi conatus, quomodo rebus vela detrahi, & homines ad contemplanda per claram lucē magnalia Dei, quibus circumstamur, undique disponi possint.

*Cur id author  
tenet & quâ  
fiduciâ*

Ego minimus omnium, en prodeco! sive novam facem, sive accendendæ novæ faci scintillas novas mundo inferre gestiens. Nimis quidem conscius tenuitatis propriæ, gratia tamen Dei profundissimâ humilitate fretus, non defore conatibus in gloriam suam, & multorum salutem directis, cœleste auxilium. Deo meo intima cordis nota sunt, non me ingenii fiduciâ huc agi, sed conscientiæ stimulis adigi, ut si qua parte prodesse queam, prodesse cupiam; saltem stimulos subministrando iis, qui majora possunt. Majora enim post omnia anteaucta secula & sperandi & tenendi revera tempus est.

*Templum sa-  
pientia splen-  
didum exadi-  
ficandi tem-  
pus est.*

Attende

Attende mī Lector, tot scientiarum  
hactenus indagatōnes, tot artium cul-  
turæ, tot arcanorum scrutinia, tot in-  
geniorum conflictationes, tot in lucem  
editæ de omnibus propemodum rebus  
lucubrationes; quid quæso sunt & esse  
debent, nisi eruditionis è variis totius  
mundi sylvis & lapicidinis conquīsta  
à variis opificibus variè elaborata,  
inque varios acervos, variè compor-  
tata, hinc inde tamen adhuc disjecta  
materia? Ecquid verò jam restat, nisi  
ut aliquando tandem his materiarum  
struibus in debitam redigendis for-  
mam, solertem adhibeamus manum?  
ad extruendum scilicet universale ali-  
quod veritatis luce, & harmoniæ or-  
namentis verè splendidum *Sapientiæ*  
*Templum*: de quo jure *Lucretianum* il-  
lud cani possit.

*Sed nil dulcius est, bene quàm munita  
tenere,*

*Edita Doctrinâ sapientum Templa  
serenâ,*

*Despicere unde queas alios, passimque  
videre*

*Errare, atque vias palantis querere  
vitæ.*

Aut potius *Salomonicum* illud usur-  
pari: *Sapientiam* sibi edificasse domum,  
excisis columnis septem, immolasseque vi-  
ctimas, & miscuisse vinum suum, & in-  
struxisse mensam suam, misisseque ancillas  
suas,



*Cujus formā  
solus Deus  
docere potest.*

suas, ut invitarent per collegia, & loca excelsa urbis, dicendo: Venite, comedite panem meum, & bibite vinum, quod misui vobis. Relinquitte infantiam & vivite, ambulate per viam prudentiæ. Prov. 9. Talem sapientiæ veræ Basilicam, nisi aggrediuntur sapientiæ cultores, similes erunt ignavo Architecto, semper structuram aliquam molienti, nunquam absolventi. Quin & metuendum erit rei literariæ, ne mole ruat sua, & tam vago scriptorum diluvio, si nulli aggeres opponantur, adobruatur tandem. Verum enimvero hîc demum Architectonicâ opus erit, qualem ab ingenio humano frustra sperari autumo. Domicilium enim sapientiâ dignum, nisi ab ipsa sapientia, construi non poterit. Ubi autem invenitur sapientia? & quis est locus intelligentiæ? Solus Deus intelligit viam ejus: ipse novit locum illius, Ipse, qui fines mundi intuetur, & omnia, quæ sub cælo sunt, respicit. Qui facit ventis pondus, & aquas expandit in mensura: qui ponit pluviis legem, & viam procellis sonantibus. Is solus videt eam, & enarrat, quia præparavit, & investigavit. Job. 28. 12. 13. Ideo Moses Tabernaculum Dei fornicare non potuit, nisi à Deo instructus. Inspecte, (inquit Deus) & fac secundum exemplar, quod tibi monstratum est in monte. Exod. 25. 40. Laus verò tibi, Deus,

Deus, qui hâc eâdem voce nobis eîm,  
Sapientîæ Templum *Panfophiam* stru-  
cturis, exemplar monstras, *Opera tua*  
& *Vocem tuam*: ut quemadmodum ope-  
ra & verba tua sunt vera, & viva ima-  
go tui: ita hoc, quod agimus, esse  
queat, vera & viva operum & verbo-  
rum tuorum imago.

Ignoscant mihi Eruditissimi viri, de  
quorum laboribus prænuntiare nunc  
præsumo. Quas adhuc vidi Encyclo-  
pædias etiam ordinatissimas, similiores  
*vix* sunt catenæ annulis multis ele-  
ganter contextæ, quàm Automato-ro-  
tulis artificiosè ad motum composito,  
& seipsum circumagente. Et lignorum  
strui, magna quâdam curâ & ordine  
elegantî dispositæ similiores, quam  
arbori, è radicibus propriis affur-  
genti, spiritûs innati virtute se in ra-  
mos & frondes explicanti, & fructus  
edenti. At nos Scientiarum & Artium  
radices vivas, arborem vivam, fructus  
vivos desideramus. *Panfophiam* dico,  
quæ sit viva *Universi* imago, sibi ipsi  
undique cohærens, seipsam undique  
vegetans, seipsam undique fructu op-  
plens; Hoc est, (ut ad prius positas  
metas respiciam) *Panfophiæ* librum  
cupimus constitui quod sit

*Universæ eruditionis Breviarium solidum.*

*Intellectus humani Fax lucida.*

*Veritatis rerum Norma stabilis.*

*Negotiarum*

*An vero ha-  
bemus nihil  
tale existis?*

*Transphasia  
omnia debes  
ad Numeros,  
Mensuras, &  
Pondera re-  
digere.*

*Negotiorum vitæ Tabulatura certa.  
Ad Deum ipsum Scala beata.*

Aut (ut aliter etiam cordis mei desideria exprimam) elaborandum puto, ut quemadmodum *Deus omnia in Numero, Mensura, & Pondere disposuit.* Sap. 11. 21. ita nobis

I. Omnia, quæ usquam sunt, erunt & fuerunt, sub numeros veniant, ne quicquam cognitionem effugiat.

II. Ut omnium commensurata proportio, tam ad universum, quam ad se invicem, pateat oculis nostris.

III. Tandemque ut causarum pondera extent evidenter, ad pervidendam accuratè rerum omnium veritatem.

Primum faciet ut Eruditio sit Universalis: quod primò intendimus.

Secundum: ut sit clara & distincta; quod cupidè persequimur.

Tertium: ut sit vera & solida, quod maximè optamus.

Talem, inquam, librum cupimus construere, qui *Vnus* instar sit omnium verè *Universalis Eruditionis promptuarium*: in quo nihil meritò desiderare queas, & è cuius lectione mentibus sua sponte influat sapientia, nimirum propter coherentiam rerum perpetuam, claram, distinctam, exurgentibusque omnibus è radicibus & venis, propriis, ut appareat, ita esse unumquodque, ut dicitur,

itur, nec aliter esse posse, quàm est, propter ipsam immutabilem seipsam ubique connectentem rerum veritatem. Sed tamen hæc omnia *compendiosè*, quia brevi fugacique vitæ serviendū. Omnia *populariter*, quia lumen mentis inferendum, non tenebræ: Et omnia *solidè* per causarum & effectuum connexionem perpetuam, quia veritatis quærendum firmamentum, non opinionum figmenta. Nempe ut omnia scibilia (sive sint naturalia, sive moralia, sive artificialia, sive etiam Metaphysica) simili certitudine tradantur, quàm apud Mathematicos demonstrationes procedere videmus, ut dubitationi ne locus quidem relinquatur. Unde non solum ea quæ sunt, evidenter & sine errore cognoscantur, sed & insuper cogitationum, ratiocinationum, inventionumque infinitarum fontes recludantur.

O quàm optanda hæc sunt! quàm longè meliore loco essent mortalium res! Cùm enim libri transplantandæ sapientiæ instrumentum sint, instrumentum verò excellenter bonum, ceu norma nulla parte aberrans, aberrare prohibeat artificis manum: si extaret docendæ & discendæ universalis sapientiæ tale instrumentum, quale descripsimus, posset non solum juvenus scholastica dexterrimè formari, (quod majus

*Quanti intersit talem confici Trans philosophicum librum.*



majus quiddam esse, quàm expugnare *Trojam* alicubi *Melanchthon* scripsit) sed & omnibus qui homines nati sunt, expedita pateret via universales rerum cognoscendi rationes, ad sapienter opera Dei spectandum; suaque omnia disponendum.

Cederent etiam non invitæ tam clario lumini errorum tenebræ: & hominibus circa solida rerum occupatis, adque serios fines, per vias exploratas contententibus, facilius cessarent diffidia, lites, bella, quibus se nunc conficit mundus. Conflictationum quippe causa est animorū exasperatio mutua, exasperationis irritatio, irritationis voluntatū dissidentia; dissidentiae voluntatum, animorum dissensiones; Dissentionum verò vaga & inordinata rerum confectatio. Repertâ ergo rerum viâ (quæ non poterit, nisi unica esse, quia veritatis essentia est, unum esse & simplex) evanescerent diverticula, hoc est, dissidiorum, aberrationum, contentionum occasiones. Ita fieret miserrante Deo, ut facilius Scholarum, Ecclesiarum, Politiarum vulnera coirent; restitutâque orbi Christiano pace, non solum posset, quicquid Christianarum est gentium veræ sapientiæ, & Pietatis studiis efflorescere, sed possent eodem lumine collustrari, & in Christianismi amplexum (divinitus patefactâ

patefactâ hac plenâ veritatis viâ ) per-  
 duci infideles. Atque ita videremus  
 eandem , quod venturum aliquando  
 pronunciaverunt sacra Dei oracula ;  
 fore, ut repleatur terra cognitione Do-  
 mini, sicut aquis operitur mare., *Ef.*  
*1. 9.* sîtque Dominus Rex super om-  
 nem terram, Dominus unus, & nomen  
 ejus unum *Zach. 14. 9.* Pateâtque via  
*Sionis* tam explanata , ut ne stulti qui-  
 dem deerrare queant. *Ef. 35. 8.* Hoc  
 enim efflet, (quod alius Propheta dixit  
 futurum ) montem Domûs Domini  
 ultimis temporibus constitui in ver-  
 tice montium, ut confluant ad eum po-  
 puli, & properent gentes multæ , di-  
 gentes, venite, ascendamus ad montem  
 Domini, ut nos doceat de viis suis. Et  
 erudent (pergit vox Dei) gladios suos  
 in vomeres , & hastas suas in ligones :  
 non sumet gens adversus gentem gla-  
 dium, nec discent ultrâ belligerare.  
*Mich. 4. 1.* Misere nostri ô Deus, &  
 da vivere pacem tuam super *Hierusa-*  
*lem.* Oriatur super nos gloria tua, ut  
 in lumine tuo ambulent gentes.

Sed an speranda hæc talia ? Non de-  
 speranda certè, modò universale istud  
 intellectûs humani directorium , per  
 quod clara luce gradibus nusquam in-  
 terruptis, à fundamentis rerum ad fa-  
 tigia usque infallibiliter duci queant  
 mentes hominum, exstruatur. Si enim

câ

*An sperari  
 possit ?*

*Ejus spei  
fundamenta.*

*1. Homini  
omnia sub-  
jecta.*

eâ ratione Theatri Sapientiæ Dei speculatores efficimur, non poterunt animi hominum non impleri gaudio & lætitiâ, ut acclament alii alios; Venite, ascendamus ad montem Domini, ut nos doceat de viis suis. Tale verò directorium (Pansophiæ perfectam methodum) non esse desperandum, hæc suadent.

*Primò*, certum est, ut res videantur ob infinitam multitudinem innumerabiles, ob variam disproportionem incommensurabiles, ob latentem plerumque in profundo veritatem impenetrabiles: nihilominus tamen omnia infra hominem esse, ejusque ingenio subjacere. Omnia siquidem in ejus gratiam facta sunt; sed gradu inferiore: ipse, ut ultima rerum colophon, absolutissimâq; Creatoris sui imago, omnium perfectionem in se uno completens, quidni tandem aliquando seipsum, & omnia acutè pervidere consuecat? Nam quia eum sapientiæ suæ spectatorem constituit Deus, certum est, non inhabilem tanto fini fecisse. Fecisset autem, si res ingenio, aut ingenium rebus disproportionatum fecisset. Maneat ergo, unum solum esse magnum nimis, cujus magnitudinis non est pervestigatio: *Pf. 145.*

3. Cætera ad numerum, mensuram, & pondus esse facta. *Sap. 11. 20. Es. 40. 12.*

Nunc.

umeranda proinde , mensuranda ,  
ponderanda , donec pateat universalis  
harmonia oculis nostris.

*Secundò* , Deus omnia bene fecit ,  
inquit sacra Scriptura. Sed unūquod-  
que in tempore suo , *Ecccl. 3. 11.* hoc  
est , gradatim. Frustrāne igitur cordi-  
bus hominum indidit mundi desiderium?  
Cognoscendi ea , quæ operatur ipse à  
principio ad finem *ibid.* Frustra verò  
indidisset , si finem non assequeretur  
illud ipsum desiderium. At frustra ali-  
quid facere sapientiæ summæ non con-  
venit.

1. *Desideriū  
cordi inditū.*

*Tertiò* , apparatus jam habemus  
grandem , in tot hactenus magno la-  
bore & diligentia congestis librorum  
monumentis. Nihilne omnes istos  
egisse putamus? At jam ostendi, fieri  
id non potuisse , ob supremum rerum  
præsidem, qui frustra fieri aliquid non  
permittit , ne errores quidem. Esto  
igitur , fuerint hallucinati , errārint in  
olerisque , Deus tamen, quia æterna &  
immutabilis Veritatis basis est , non  
potest non eò rem dirigere , ut veri-  
tati, indies planius detegendæ, ac robo-  
randæ, ipsi errores etiam servire tan-  
dem habeant necesse. Constat autem ,  
perpulchrè , jam reperta esse plurima:  
quidni ergo & reliqua sperentur? Non  
est profecto nihil , quod *Euxlides* , *Ar-*  
*chimedes* , alique quantitatis rationes  
ad

3. *Progressus  
non contem-  
nendi.*



ad eam deduxerunt evidentiam, ut me-  
 meris, mensuris, ponderibus miracula  
 propemodum patrentur. Non est ni-  
 hil, quod Medici, Hermetici, Chy-  
 miae ope rebus naturalibus qualitate  
 detrahere, & ad nudam propemodum  
 essentiam penetrare didicerunt. Non  
 est nihil, quod *Verulamius* mirabili  
 suo organo rerum naturas intimè ser-  
 randi modum infallibilem detexit. *Er-  
 Iungius* Saxo Logicae nunc arti ad eam  
 perfectionem deducendae insudans, ut  
 propositionum veritas adstrui, sophis-  
 matum deceptiones destrui queant, et  
 certitudine quâ *Euclidem* quodvis pro-  
 blema apodeicticè deducitur. Quis  
 alia memorem? ut clavus clavum pel-  
 lit, ita inventio inventionem trudit,  
 facundo hoc seculo nostro ingeniis: &  
 desperemus aliquam inventionem in-  
 ventionum? quâ quicquid à tot inge-  
 niis elaboratum est sigillatim, toti ge-  
 neri humano commune fiat. Non so-  
 lum, inquam, quicquid jam veritati  
 erutum est, commune fiat, sed & mo-  
 dus, rerum veritatem eruendi, ex om-  
 nibus confiat unus. Et id ô quam pul-  
 chrum esset!

4. Ex multis  
 acuminibus  
 unum fiat.

Nam si singulis sua erant penetran-  
 di acumina, suae agendi normae, sua re-  
 librandi pondera: Quid non esse pote-  
 rit, si omnia acumina in unum acumen,  
 omnes normae in unam normam, omnia  
 pondera

pondera in unum pondus redigantur ?  
 Plus candelarum, plus luminis. Modo  
 ratio reperiatur, qua omnia lumina in  
 unum lumen coire possunt : hoc est,  
 quomodo tam diversa illa, & infinita  
 ferè inventa, cognita, cogitata, in  
 unam, perpetuam, immutabilem, æter-  
 namque cogitandi, cognoscendi, inve-  
 niendi formam reduci queant. Hoc  
 enim invento, habebitur quod quæ-  
 ritur.

Quidnî autem inveniatur? Habemus  
 utique jam & rerum cognitarum syl-  
 vam non contemnendam, & grassandi  
 ad reliqua lumen methodi non obscu-  
 rum. Tentemus ergo plus ultrà ad ul-  
 timam usque rerum, & methodi me-  
 tam. Ubi enim datur ulterius, datur &  
 ultimum. Sola æternitas, cui destinati  
 sumus, limitare potest mentem no-  
 stram; quæ in tempore sunt, intra  
 mentis ambitum sunt: modo eorum  
 radices, æternæ, constantes, immuta-  
 biles rerum rationes, secundum quas  
 sunt, & sunt omnia, cognoscantur.

Et habemus expressam de ultimis  
 temporibus promissionem, fore, ut  
 pertranseant multi, & multiplicetur  
 scientia. *Dan. 12.* Pertranfierunt uti-  
 que multi, & perscrutati sunt ( hoc  
 seculo magis ac unquam ) cælum &  
 terram, maria & insulas, totumque  
 naturæ

5. *Promissio  
 Dei de ulti-  
 mi temporis  
 bus.*

naturæ regnum, nec non divinorum oraculorum libros aliter atque aliter. Et quid restat igitur, nisi, ut altera quoque pars vaticinii complementum fortiatur?

*Consultatio  
de modo ad-  
ornandi Tan-  
sophici libri.*

Sed veniamus jam tandem ad rem ipsam, modum nempe, quo res tam desideratum in effectum deduci queat. Et iis quidem, quæ jam de confusio- nis rei literariæ, tam causis quam re- mediis dicta sunt, patere nonnihil potuit: expressius tamen dicendum est.

*Tria necessa-  
ria.*

*Ad universalem rerum omnium Cogni-  
tionem; Possessionem, Usus, non puto  
perveniri posse, nisi per novam & uni-  
versalem.*

*I. Recognitio  
seu nova lu-  
stratio omnium  
quæ unquam  
exstant.*

I. *Recognitionem* omnium bonorum, unà cum inventariis omnibus.

II. *Collationem* inventariorum cum rebus, an ita se habeant res ipsæ, ut rationaria illa nostra seu regesta re- ferunt.

III. *Dispositionem* eorum, quæ re- perta fuerint, novam & universalem, ad novos universales usus.

Recognitio bonorum nostrorum hoc intender, ut quæ sit propria hæreditas nostra, & circa quod omnes omnino homines occupari conveniat, ne igno- retur. Nimis enim verum est; Non intelligere homines sua bona: nempe quod

quodd mundi sint possessores; Creaturarum Domini, æternitatis ipsius cum Deo consortes. Quod quia pauci vel nōrunt, vel credunt, vel existimant, fit; ut vanis & perniciosiss plerique se occupent, tandēque ceu indigni exheredentur. Docendi igitur sunt Christiani accuratē pensitare, quid sit Apostolicum illud: sive mundus, sive vita, sive mors, sive præsētia, sive futura, omnia vestra sunt; vos autem Christi: Christus autem Dei. 1. Cor. 3. 22. Non autem frustra dixi revidenda sima esse inventaria. Amplissima siquidem sunt opes nostræ, & variæ admodum, ut pauci vel nomenclaturam teneant, nedum, ut quid singulæ sint, & quid curæ nostræ requirant, nōrint. Describenda igitur illa omnia sunt hominibus, legis instar, planè & lucidè. Deut. 27. 8. Et quia accuratē describenda, videndū, ne quid prætereatur. Omnia proinde repertoria priora consulenda, universalialia & particularia, antiqua & nova, à quocunque adornata. Nam tametsi hæc valdè multa sunt, perfectam tamen omnium synopsis molientem, laborem hunc subire necesse est. Et utinam plura quoque extent. Sed periērunt insignia quædam monumenta: inter quæ sapientissimi hominis Salomonis de plantis & animalibus libri. Quæ cum frustra desiderentur,

*Etiam A-*  
*thorum, qui*  
*de materiis,*  
*quibuscumque*  
*jam scripse-*  
*runt.*



rentur; usurpanda, quæ ad sunt, ante omnia ipse Sacer Dei codex, Biblia, quæ nihil aliud sunt, nisi quidam ipse us Dei commentarius super iis, quæ nobis in hac vita dedit, & in futura servat. Verum quia hic Deus ea ferè tantùm agit, aut certè potissimùm, quæ animæ statum concernunt, non prætereundi sunt, qui materias inferiores tractarunt, Philosophi, Medici, Juris consulei, Mechanici, rerum variarum inventores, Historici, Cosmographi, ut ex omnibus particularibus scientiis, una tandem universalis scientiarum scientia, & ars artium, hoc est, Pansophia confiat.

*Sed quo fine?*

Non autem hoc intelligimus, ut istum in librum variaz Authorum de rebus opiniones colligantur, quemadmodum faciunt, qui multa lectione eruditionem meriuntur, ut varia, variorum de rebus placita recitare, aut etiam consarcinatis ejusmodi centonibus, & pro libris foras datis, innotescere possint. Nec simpliciter, ut varie illæ sententiæ inter se conferantur, qualiter faciunt, qui varias quæstiones pro & contra ventilant, convellendisque opinionibus, quæ non placent se fatigant, & volumina implent. Sed hoc volumus, ut in concinnando Philosophico opere, omnes, qui de pietate, moribus, scientiis, & artibus com-

commentari sunt, posthabito respectu, Christianus an Mahumetanus, Judæus an Ethnicus, & cuiusque etiam inter illos addictus sectæ quis fuerit, Pythagoricus, Academicus, Peripateticus, Stoicus, Essæus, Græcus, Romanus, Antiquus vel Recens, Doctor aut Rabbi, quæcunque Ecclesia, Synodus, Concilium, omnes, inquam, ut admittantur, & audiantur, quid boni ferant.

Hoc suademus, quia

1. Quod molimur, universalis sapientiæ thesaurus est generi humano communiter possidendus. Omnia igitur ingenia, omnes gentes, sectas, ætates, tributaria hic esse, æquum est.

2. Sedemus hic omnes mundo immissi, in communi sapientiæ Dei Amphitheatro, nobisque Christianis superadditum revelationis divinæ lumen ex æquo lucet: quidni ergo cuiusvis etiam minimo, quicquid notabile videre se putat, extensâ modeste manu & voce, submonere ceteros faciat.

3. Non fit verisimile uni alicui, aut paucis quibuldam uno & altero seculo tantum videre datum esse, cæteris nihil: sed quemadmodum nulla fert omnia tellus, omnis tamen fert aliquid, & quidem diversis etiam annis: ita Deum ingeniis varias lucis suæ scintil-

*Cir hie omnes Auctores admittendi? quia*

1. *Commune negotium agitur.*

2. *Omnes divinitus admitti sunt.*

3. *Deus variis donis distribuit.*

las distribuere per varias gentes atque  
 tésque. Ventus quò vult spirat, inquit  
 Christus, de Spiritu Sancto ejusque  
 operatione sermonem instituens. Et  
 non desunt exempla extra Ecclesiæ Po-  
 meria, sapientiæ Spiritum alios atque  
 alios afflare solitum: ut *Iobum, Eliphaz,  
 Elihu, Mercurium Trismegistum, Socra-  
 tem, Epictetum, Ciceronem*. Nemo pro-  
 inde contemnendus: (sæpe etiam olitor  
 est satis oportuna locutus) præsertim  
 in illis, quæ naturæ lumine penetrari  
 possunt. Prudenter sanè *Verulamius*  
 censet diversas hominum de rerum  
*Natura* opiniones esse, veluti diversas  
 sui per eundem textum glossas: qua-  
 rum una hoc, alia alio loco emendatio-  
 esse, & aliquid observatu utile submi-  
 nistrare potest. Maneat ergo, nullum  
 tam malum esse librum, in quo non bo-  
 ni aliquid reperire liceat. Si non aliud,  
 occasionem certè errorem aliquem e-  
 mendandi.

4. Collatis sem-  
 pter facilius inveni-  
 tur veritas.

5. Nemo con-  
 demnari de-  
 bet inauditus.

4. Certum est, neminem errare vo-  
 lentem, (quo enim fine id veller?) sed  
 errare, deceptum verisimilitudine ali-  
 quâ. Nam erroribus etiam rationes  
 prætenduntur. Ergo audiendæ: qui-  
 cum rationali creatura hominibus actus  
 est. Ita rationibus collatis facilius de-  
 tegitur fucus, & verisimilitudo veri-  
 tati, umbra lumini cedit.

5. Si quis inauditus condemnatur,  
 quamvis

quamvis condemnatur justè, justitia tamen vim patitur: quia fieri potest, ut se res aliter habeat, quàm auditione acceptum est, ergo cognoscenda potius omnia. Ut taceam, rem nimii supercilii esse, hominem homini, ob præconceptionem opinionem, vel suspicionem ita præjudicare, ut rationes ejus etiam audire nolit. Annon hoc est dicere fratri suo *Raca*?

6. Esto ignorarit hic & ille aliquid, errarit etiam in hoc & illo insigniter: quis tamen nescit, alienum errorem sapienti errorum cautelas esse posse. Possunt Pansophiæ architectis variæ aliorum aberrationes, variæque aberrationum occasiones, varia suggerere utiliter ad magis magisque expolendum Pansophiæ opus.

7. Optamus homines tandem aliquando à dissentionibus liberari, ut sectæ & odia cessent. At non cessabunt, nisi cessent suspensiones, quibus alii apud alios laborant. Suspensiones autè cessare non possunt, nisi omnibus & singulis satisfiat de sententiis & scrupulis, tam suis quàm alienis. Fieri autè satis non poterit, nisi audiantur omnium sententiæ, & conferantur placidè, & exigantur ad easdem leges, quas sibi utrinque posuerint, veritatis claræ & irrefragabilis.

8. Tandem memorabile est ad structuram sacri Tabernaculi à *Mosè*, &

6. Errores  
etiam pro  
desse possunt

7. Dissidia  
collenda sunt  
Ergo per re  
ductionem ad  
harmoniam

8. Exemplum  
populi Dei  
antiqui.



Templi à *Salomone*, non de suo tantum contulisse *Israelitas*, sed spolia etiam hostibus populi Dei, *Ægyptiis*, *Philisteis*, *Ammonitis* erepta, obtulisse, & ab architectis acceptata fuisse. Nam & aurum undecunque conquirebatur, & gemmæ alibi, quàm in terra sancta offerrebantur, & *Cedrina* ligna, in *Libani* monte defecta, advehebantur, omnia in honorem Dei *Israelis*, & splendorem domus ejus. Quemadmodum etiam in reedificando à *Zorobabel* eodem Dei Templo, *Deus* Spiritum *Cyri* regis suscitavit, ut non solum offerret ipse regiam suam gazam, sed & subditis suis per omnia regna mandaret, juvare *Israelitas*, quemque de loco suo argento & auro, & substantia, & pecoribus. *Esd.* 1. 12. 3. 4. quidni ergo etiam admittant Sapientia Templi structores, undecunque pretiosi aut splendidi aliquid accedere potest? Quin etiam *Gabaonites*, quanquam maledicti, adhiberi possunt ad ligna cadendum, & aquam comportandum, in domum Dei nostri. *Ios.* 9. 23. Ita sit, quia ita expedit.

Authoris  
Apologia

Quod si aliter ante hac sensisse visus sum, & sectam fovisse, odiûmque *Aristotelis* & gentilitia turbæ aliis instillasse, non diffitebor, abreptum me fuisse exemplo piè cum *Nebemiâ* zelantium, quod *Israelitarum* pueri, per *Hierosolyma*

*Hierosolymæ* plateas discursantes, ne-  
 sciant loqui *Iudaicè*, sed *Azoticè*. *Nebem.*  
 13. 24. hoc est, quòd in scholis nostris,  
 gentilitia Sapiencia, & Eloquentia,  
 Disciplinæ Christianæ prævaleant:  
 quòd utique abominatio est: habemus  
 que omnes millies præoptare, ut mer-  
 tricia illa profanæ Sapienciæ lenocinia  
 pereant, quàm per illa periclitari de-  
 beant animi, quos Christus suo Spiri-  
 tu repletos vult. At verò quia nunc  
 non de Paganismi prædominio, aut  
 noxiâ cum Christianismo mixturâ  
 consultatur, sed quomodo Universita-  
 tis Regi, Christo, tributum ferat om-  
 nis terra: & quomodo quicquid rivu-  
 lorum ab hoc Sapienciæ fonte quoquo  
 versum dimanavit, suo fonti reddatur,  
 ( inquinamenti tamen foris relictis )  
 adsunto gentiles quoque & Arabes, &  
 si quid possunt, ad decorem domus Dei  
 nostri afferant. Præsertim cum in  
 Pansophia non solum salutis cardo, sed  
 & vitæ hujus negotia spectantur, in  
 quibus gentilitii potissimum occupati,  
 non potuerunt non utilia observasse,  
 quæ fastidiosè respuere inutilis super-  
 stitionis esset. Admittimus ergò, sed  
 eâ lege, ut quicquid verè, prudenter,  
 piè ab illis cogitatum, scriptum, in-  
 ventum est, in communem usum assu-  
 matur; quicquid inconcinne, contra  
 veritatem, aut pietatem dixisse, aut  
 fecisse

In recognitione  
 Authorum  
 candore opus  
 & diligentia.

fecisse cōvicti fuerint, tacere post hac jubentur, ne perpetuò profanitas pietati, error veritati, tenebræ luci obluetentur.

Sed candore hîc opus erit & iudicio, ne facillè pronunciemus. Fit enim ut quandoq; aliis errores impingamus, quos illi non agnoscunt, quia suspitione præoccupati, aut abrepti affectu, verba intorquemus contra Authorum suorum mentem. Cum tamen optimus interpres verborum quisque suorum; *Aristoteles* ipse hoc nomine non optimè audit, quasi facturus placitis suis fidem, refutaverit antiquos Philosophos, non satis integrè illorum dogmatibus recensitis: ut non potuerint non portentosa apparere, quæ per se nec veritati, nec *Aristotelicæ* forsan sententiæ tam dissona fuisset. Quod si ita est, (nihil enim pronuncio) cautioni erit Panosophiæ structoribus, ubi non partialis victoria, sed universalis harmonia querenda venit, ut nempe, quàm maximè potest, discordantiæ, etiam per mediam repertam veritatem, in consonantiam reducatur: de quo sequitur.

SS. Collatio  
 inter scripta  
 & res quàm  
 necessaria.

Hæc ita de recognitione rerum & regestorum. Dixi etiam collatione opus esse ad deprehendendum, num inscripta sint omnia, quæ in rebus extant? aut quæ inscripta sunt, num extent omnia? nec non an eodem modo se habeant omnia, quo traduntur? Nisi enim

enim res & rerum expositio ex amussi  
 convenient, intricantur ingenia, & im-  
 plicantur erroribus. Jam autem nimis  
 certum est, & haberi apud nos nimis  
 multa in catalogis; (præsertim in se-  
 ctis quibusdam, ubi somnia & umbræ  
 pro rebus tenentur) quæ in rebus non  
 sunt: rursúmque esse in Thesauris Dei  
 & Naturæ complura, quæ nobis non-  
 dum consignata sunt; & denique plu-  
 rima aliter habere, quàm nobis nostri  
 dictitant libelli: ut prorsus necessa-  
 rium sit, omnia commentaria cum re-  
 bus conferri. Hoc etenim factò de-  
 mum tam defectus, quàm superfluita-  
 tes, errorésque apparebunt, & tolli,  
 emendari, supplèri poterunt, non antè.  
 Sed huic labori ecquis mortalium suf-  
 ficiet? ob infinitam, nempe, rerum na-  
 turalium, supernaturalium, moralium,  
 artificialium, tam multitudinem quàm  
 varietatem. Nam si priores illi rerum  
 indagatores in particularibus quibús-  
 que materijs, tot tantósque reperie-  
 bant nodos, ut plerorumque diligentia  
 in querimonia (de insuperabili naturæ  
 subtilitate, imperferutabili causarum  
 complicatione, implacabili contrarior-  
 um, quæ ubique occurrunt, hostili-  
 tate, nimiaque ad hæc omnia ingenii  
 humani infirmitate) terminata fuerit:  
 quid non fiet, si quis universa ab inte-  
 gro retexere velit? At non desponden-



Non sine nor-  
mis.

dus animus est. Arte interdum expedi-  
 tur, quod viribus non potest: id quod  
 non satis videntur hactenus observasse  
 scrutatores rerum, qui solâ ferè ingenii  
 vi, & diligentiae continuatae impetu  
 perrumpere elaborârunt: cum tamen,  
 ut manus nuda, ita intellectus sibi per-  
 missus, non multû valeat. Instrumentis  
 verò & auxiliis res perficiatur tum f-  
 ciliùs tum certius. Normis itaque opus  
 erit, ad quas res & de rebus dogmata  
 exigendo, necessaria à non necessariis,  
 utilia à non utilibus, vera à falsis ex-  
 pedite secernantur. Atque talem nor-  
 mam in natura scrutanda reperisse vi-  
 sus est Illustrissimus *Verulamius*, arti-  
 ficiosam quandam inductionem, quae  
 revera in naturae abdita penetrandi re-  
 clusa via est. Verum enimverò, quia  
 haec plurimum hominum & seculorum  
 continuatam industriam poscit, atque  
 adeò tum operosa, tum à successu qua-  
 si incerto suspensa videtur, fit, ut præ-  
 clarum inventum, à plerisque tanquam  
 inutile contemnatur. Nobis verò ad  
 Panfophiae structuram auxilii parùm  
 adfert, quia (ut dixi) ad naturae solùm  
 arcana recludenda directum est, nobis  
 autem rerum universitas respicitur.  
 Alia igitur aliqua prorsus universalis  
 norma opus erit, quam nobis inqui-  
 rentibus forsitan non dedignabitur o-  
 stendere misericors Deus noster: qui  
 idcirco

ideo se abscondit, ut quærat; ideo  
 quæri vult, ut inveniatur. Prov. 25. 7.  
*Es. 5. 15. Non inquisitionem tuam Deus*  
*inventionis effectu fraudari ullatenus si-*  
*net,* (scribit beatus Fulgentius ad Mo-  
 nimum lib. 1.) qui te ad inquirendum  
 spiritualiter inflammavit: dum ipsius fi-  
 dele promissum nulla ratione cassetur di-  
 centis; *Petite & accipietis, querite &*  
*invenientis, pulsate & aperietur vobis.*  
 Quid ergo petentibus, quærentibus,  
 pulsantibus nobis revelaverit; videre  
 dederit Dominus Deus noster, jam ex-  
 plicaturus oro & obtestor, ut piè at-  
 tendant, quicunque sapienter de his  
 talibus judicare possunt. Expediam ve-  
 rò Aphorismis aliquot rem totam.

**I. Tria sunt quæ huma-  
 nam nostram scientiam, at-  
 que adeò quandam omni-  
 scientiam absolvent, Dei,  
 Naturæ, Artis cognitio.**

Per artem intelligendo quicquid  
 humanâ industriâ fit, cogitationes,  
 sermones, opera: per Naturam, quic-  
 quid sua sponte indita rebus vi nasci-  
 tur & fit; per Deum quicquid abscon-  
 ditæ ab æterno potentia, sapientiæ,  
 bonitatis, verbis & operibus hucusque  
 se prodidit. Hæc tria qui novit, om-  
 nia

*Norma Tan-  
 sophia ex  
 struenda uni-  
 versalis Pan-  
 nymonia a-  
 phorismis ali-  
 quot explica-  
 tur.*

nia novit; quia ex hoc trino genere rerum universitas constat.

**II.** Cognitio horum trium quærenda est perfecta.

Ne satis putetur esse, aliquid scire de *Deo*, aliquid scire de *Natura*, aliquid de *Arte*; (id quod ignarissimis etiam atque admodum stultis contingit) sed ut plenè & exactè intelligamus, quæ intelligi possunt, omnia.

**III.** Cognitio rerum perfecta est, cum vera est.

Si enim vera non est, spectra pro rebus exhibet & in ludibrium exit.

**IV.** Cognitio vera tum est, cum res uti sunt, ita cognoscuntur.

Si enim aliter quàm sunt, cognoscuntur, non cognitio erit, sed error.

**V.** Res uti sunt, cognoscuntur, cum ita cognoscuntur, uti factæ sunt.

Unumquodque enim ita est, ut factum est, quia si non ita est ut factum est degeneravit.

**VI.** Res quælibet facta est ad Ideam suam, hoc est, ad

ad certam quandam rationē,  
per quam id esse potuit, quod  
est.

Nisi enim aliquid posset fieri, non  
fieret, & nisi posset fieri tale, non fie-  
ret tale; illa ergo quæ talis possibilitas,  
Idea dicitur, per quam res est id, quod  
est.

*VII.* Omnia ergo, quæ  
fiunt, ad *Ideas* fiunt, sive sint  
opera *Dei*, sive *Natura*, sive  
*Artis*.

Cum enim *Idea* sit certa rerum ra-  
tio, Deus nec cogitari potest agere al-  
iquid sine *Ideis*, hoc est, sine ratione  
certa, ut qui ipse ratio rationum est:  
similiter *Natura*, cum producat ordi-  
natissima opera, quemadmodum &  
quæ æmula ejus *Ars*, non sine ratione  
operari possunt.

*VIII.* *Ars* *Ideas* operum  
suorum à *Natura* mutuatur:  
*Natura* à *Deo*, *Deus* à semet-  
ipso.

Primum id, notum esse vulgò dicte-  
ria illa ostendunt: *Ars* sine *natura* ni-  
hil potest; *Ars* est *Naturæ* æmula:  
*Ars* imitatur *Naturam*: *Ars* est *Na-  
turæ*



turæ filia: At non minus vera sunt  
 hæc: Natura sine Deo nihil potest:  
 Natura est æmula Dei: Natura est  
 Dei filia: Natura imitatur Deum. Deus  
 tandem neminem imitatur, nisi semet-  
 ipsum, quia nec aliter potest, nec vult;  
 non potest, quia nihil præter se habet  
 in æternitate sua: unde ergo sumat o-  
 perum suorum initium vel formam?  
 Non vult, quia optimus cum sit, non  
 potest velle, nisi optimum: Optimum  
 autem nihil est, præter illud unum, so-  
 lum, æternum, bonum, quod ipse est.  
 Siquis dicat, Deum rationes producen-  
 darum rerum liberè excogitasse: Qua-  
 ro quo fine? Si Deus nunc per Natu-  
 ram nihil agit frustra, cur ab initio  
 egisset? ut scilicet habens seipsum  
 perfectissimum omnis perfectionis e-  
 xemplar, excogitaret aliud? An ut par-  
 ceret majestati suæ? Atque hanc visi-  
 biliter expressum ibat. *Rom. 1. 20.* An  
 ut profunditatem sapientiæ suæ illâ à  
 seipso discessione ostenderet? Atqui  
 sic imminutum iri plenitudinem glo-  
 riæ suæ, quasi aliquid perfectionis es-  
 set, quod sibi non inesset. At hoc im-  
 possibile. Certum igitur, ut creaturas,  
 ita creaturarum Ideas, non nisi ab hoc  
 fonte manasse. Et quia in creaturis  
 omne agens assimilationem querit ob-  
 jecti ad se, cur in Creatore, à quo  
 creaturis character ille impressus est,  
 non

non idem agnoscamus ? presertim cum Deus prorsus nihil habere possit, quod operum suorum statueret finem, præter seipsum. Maneat ergo, Deum operum suorum non aliunde, quam ex semetipso sumere, ut finem, efficiendique vim, ita & formam ; materiam solum, qua creatura à Creatore subjectivè differt, è nihilo sumens.

*IX. Deus igitur effigendo mundum, seipsum effigiat, ut omninò proportionata sit Creatura Creatori.*

Nam formatum respondere formæ suæ necesse est : non obstante, quòd proportionis illius gradus dentur, respectu nimirum evidentie majoris aut minoris. Ita Filius Dei, character (sive expressa imago) Patris dicitur. *Heb. 1. 3.* & tamen, homo etiam imago Dei dictus est. *Gen. 1. 26. 1. Cor. 11. 6.* nec non cætera omnia, imagini cuidam comparantur, quando per ea, quæ facta sunt, à condito mundo, invisibilia Dei conspici dicuntur, *Rom. 1. 20.* & quod magnitudine speciei & creaturæ, cognoscibiliter Creator eorum possit videri. *Sap. 13. 5.* Atque hinc factum est, quòd gentiles naturam non solum filiam Dei, sed Deum quoque appellârint. *Quid aliud est natura,*

*tura, inquit Seneca, quàm Deus? & divina ratio toti mundo & partibus ejus inserta? de Bene. 4. c. 7.*

X. Et quia de Ideis Divinæ mentis omnia participant, fit ut inter se quoque participant, & sibi invicem proportionata sint.

Quia quæ conveniunt in uno tertio, inter se conveniunt.

XI. Eadem proinde sunt rerum rationes, nec differunt, nisi existendi formâ: quia in Deo sunt, ut in Archetypo, in Natura ut in Ectypo: in Arte ut in Antitypo.

Quemadmodum videlicet in sigillo eadem est forma. Primò concepta in mente ejus, qui format, aut formari jubet: deinde insculpta metallo: tandem impressa ceræ. Quanquam enim triplex, una tamen: quia à primâ secunda, à secundâ tertia efformatur, posterior quæque ad prioris imaginem. Ita Ideæ in mente conceptæ, imprimunt similitudinem sui, creaturis: Creatura verò rationabiliter operantes rebus à se productis.

XII.

**XII.** Fundamentum ergo rerum omnium ut con-  
dendarum, sic cognoscenda-  
rum *Harmonia* est.

Harmoniam Musici vocant multa-  
rum vocum consonantiam jucundam.  
Talis verò est virtutum æternarum in  
Deo, virtutum creatarum in Natura,  
virtutum expressarum in Arte, per  
omnia concordans concentus, quia  
tum in se unumquodque illorum Har-  
monia est, tum ad invicem, quoniam  
Harmoniæ divinæ imago est Natura,  
hujus imago Ars.

**XIII.** Harmoniæ primum  
requisitum est, ne quid sit  
dissonans.

Harmonia Musica conflatur ex vo-  
cibus dissimillimis, atque adeò contra-  
rariis, & tamen contrarietas ad conso-  
nantiam reducitur. Ita mundus totus  
ex contrariis quidem constat, (quia  
sine contrariis, nec veritas, nec ordo,  
imò nec essentia mundi constaret)  
quemadmodum & scriptura, multa in  
speciem pugnantia habet: omnia ta-  
men ad concordiam in se redeunt, &  
in animo nostro reducenda sunt, si Pan-  
armonia debet emergere, quæ ut di-  
vinis illis, ita nostris etiam operibus,  
sententiis



sententius, verbis, universalem concilient consensum, disparente, si quæ res est, dissonantiâ. Quod mysterium quia vulgò non intelligitur, arripunt Philosophi à natura, Theologi è scriptura, alii hoc, alii illud, & committunt naturam naturæ, scripturâsque scripturis, & eliciunt sensus cōtrarios & excitant lites ac pugnas: quod necesse est evanescere, ubi universalis harmoniæ lumen apparuerit. Veritas enim undique sibi congruit.

**XIV.** Secundum Harmoniæ requisitum est, ne quicquid sit non consonans.

De Naturalibus quidem & artificialibus id manifestum est, omnia fieri ad harmoniam. In Animali enim, Arbore, Instrumento Musico, Navi, Cursu, Libro, Domo, &c. necesse est, partes omnes proportionatas esse, tam se toti, quàm sibi invicem: Sed de divinis dubitare posset non-nemo, an cum naturalibus & artificialibus in aliquam proportionem veniant? Putaret enim quispiam, majestatis esse, nihil communicare cum creaturis. At verò sciendum est, quæcunque E&typoni sunt, necessario reperiri prius, & quidem excellenter, in Archetypo: quia rivus à fonte, umbra à corpore, speculum ab imagine, habet, quicquid

habet.

bet. Deinde, si tam accurata sunt natura opera, ut ne locus quidem meliori fabricationi excogitanda sit relictus, quod fatetur Galenus lib. 6. de usu, art. cap. 1. ) & si immutabilis est, atque irreformabilis Natura natura, (quod testatur Tertullianus adversus Valent. ap. 29.) quid erit natura; nisi viva imago ejus, in quo omnia primò & excellenter optima, immutabilia, & irreformabilia? Denique Deus ipse in scriptura sibi aures, oculos, os, manus, pedes, cor, faciem, dorsum tribuit. Item se ignem, rupem, arcem, anchoram appellat. Quo fine, si hæc nihil de Deo repræsentare possunt? Si verò possunt, non utique aliud, quam quod revera est, cum veritatis norma sit sermo Dei. Scimus quidem figuræ ista dici. (Quis enim cum Anthropomorphitis delirare velit) sed figuris tamen (id est Metaphoris & parabolis) fundamentum subesse, ipsam rerum proportionem, seu identitatem quādam, nemo negaverit: cum necesse sit prius esse, quàm prædicari. Quemadmodum igitur artificialia naturalibus, sic naturalia divinis omninò certâ proportionem respondent.

XV. Tertia Harmoniæ proprietates est, ut quanquam infinita sit sonorum & melodiarum

rum varietas , illa tamen  
paucis principiis , certisque  
differentiarum modis exsurgat.

Omnes enim Harmoniarum differ-  
rentiae , quotquot excogitatae sunt , &  
excogitari possunt , exsurgunt e se-  
ptem vocibus & tribus consonantiis.  
Omnia corpora quotquot mundus ha-  
bet , exsurgunt e paucissimis illis ele-  
mentis , & aliquot qualitarum differen-  
tiis. Ita ergo in reliquis omnibus : Ut  
rerum multitudo & varietas nihil sit  
nisi similium varia iteratio. e. g. In  
arbore quamvis sint millies millena  
folia , omnia tamen ejusdem figurae ,  
coloris virtutis. Item quotquot sunt  
ejusdem generis arbores per univer-  
sum orbem , omnes eodem modo sunt ,  
eademque agunt , & patiuntur. Sic &  
diversorum generum arbores commu-  
nes quasdam rationes habent.

**XVI.** Rerum ergo prin-  
cipiis & differentiarum mo-  
dis cognitis , omnia cognita  
erunt.

Ut enim , qui in Musicis tonorum  
& modorum rationes cognovit , satis  
qualvis melodias & canere & compo-  
nere novit : imò excogitata est ratio  
quā organicines ex intuitu unici Bassi  
gene-

generalis, quem vocant, omnes medias ita canere possunt, ut quamvis contentis vocibus symphonia constet, nulla tamen disharmonia prodire queat: ita prorsus, qui generales cognoscit rerum, artificialium, naturalium, & supernaturalium rationes, infinita poterit & dignoscere & operari: e. g. Quicumque cognoverit, quid sit pulchrum in se, seu ex quibus requisitis pulchritudo constet, is nullo jam magistro sciet, quid sit pulcher Angelus, pulchra anima, pulchrum corpus, pulcher color, pulchra oratio, pulchri mores; & quidvis aliud. Rursusque quicquid ab illa Idea discrepabit pulchrum non esse apparebit. O quam expedita hæc est ad multarum rerum cognitionem, via, fontes rerum ita reclusos habere!

**XVII.** Atque tales rerum communes rationes abstrahendæ sunt à rebus, per inductionem quandam, & ponendæ pro normis rerum.

E. g. Quæ sit forma pulchri, boni, perfecti, utilis, ordinati, vitæ, sensûs, quarendum est in omnibus, quæ pulchra, bona, perfecta sunt: idque separando prudenter ea, quæ ad essentiam pulchritudinis, bonitatis, perfectionis non pertinent, donec ipsa pura remanserit



serit forma. Nam quicquid est, certam aliquam rationem habet, per quam est. Ergo quæcunque sunt, in communi aliquo essendi modo necessario conveniunt: quæ vivunt, in modo vivendi; quæ sentiunt, in sentiendi; quæ pulchra sunt, in certo aliquo essendi modo, per quem pulchra esse dicuntur: & sic alia. Tales igitur communes, & quasi externæ rerum rationes seu idæ, si abstrahantur accuratè ab omnibus, ex quibus tota rerum universitas constat, habebitur tum rerum intelligendarum clavis generalis, tum operationum norma, novarumque inventionum Index mirabilis; tum denique opinionum dignoscendarum *Lydius lapis* certus: Verbo, pulcherrimarum ratiocinationum abyssus quædam.

**XVIII.** Abstrahendæ verò sunt tales veritatis normæ ab illis rebus, quæ sic se habent, ut aliter nequeant: & sunt obviæ culvis, ad faciendâ ubivis experimenta, nempe à rebus naturæ.

Res enim divinæ per se inscrutabiles sunt, ut quæ in tantum solùm cognoscuntur, in quantum per naturam adumbrantur, aut per vocem Dei revelantur.

lantur. Ars verò quicquid rationis aut  
 certitudinis habet, à natura habet, se-  
 hallucinatùr. Ergò natura erit  
 mùm campus ille, in quo ideas  
 rerum venemur, adminiculante ta-  
 men voce Dei, (intellige Scriptu-  
 ram) quæ verissimum est operum Dei  
 rationale, quid & quo fine fecerit, fa-  
 ciat & facturum sit Deus, indicans. Ex  
 his ergo duobus, Naturâ & Scripturâ,  
 extruendæ erunt istæ *Pansophie* con-  
 dendæ normæ, quarum ope omnia ma-  
 xima, minima, summa, ima, prima,  
 ultima, visibilia, creata, increata, in  
 unam, veram, perfectam, sibi & rebus  
 undique satisfaciendam, quâ melior  
 dari nequeat, *Harmoniam*, seu potius  
*Panarmoniam* redigantur.

Arque hæc hæctenus de novâ res om-  
 nes reeractandi normâ : sequitur de  
 nova eâdem disponendi forma. Me-  
 thodum enim in *Pansophia* adhibendam  
 putamus, necessario perfectam, quâ  
 perfectior dari nequeat : nempe quæ  
 mentes ita rebus innectat, ut finem nisi  
 in fine non reperiant, & prius solidif-  
 siimæ scientiæ fructum, quàm discendi  
 molestiam percipiant. Quod obtinebi-  
 tur, Si

I. Universi Anatome instituaturs  
 accurata, omnes omnium rerum venas  
 & artus ita disseccans, ut nihil non ve-  
 niat spectandum, & nihil non suo  
 pro-

III. *Panso-  
 phia constru-  
 enda Metho-  
 dus qualis  
 requiritur,*

I. *Universo-  
 rum partitiones  
 veriores sicut.*

2. *Definitiones tollant omnes ambiguitates.*

3. *Theoremata expediant omnem rei naturam.*

4. *Omnia praecepta sunt κατὰ πᾶν τὸ κατ' αὐτὸ, κατὰ τὸ κατ' αὐτὸ, κατὰ τὸ κατ' αὐτὸ.*

proprio loco, sine confusione omni.

II. Conveniat de vocabulorum significatione; (praesertim generum, quorum per omnia usus est, quicquam relinquatur non intellectui, aut ab homonymiis non liberatum, unde post dissensiones & pugnae oriri possent. Hoc autem expedient accurate rerum definitiones, quas ideo Mathematici quoque demonstrationibus suis praemittere solent.

III. Subjunguntur divisionibus & definitionibus rerum normae, sive Theoremata & Canones cum demonstrationibus suis.

IV. Sed omnia illa, (Divisiones, Definitiones, Canones, quae communium nomine praecepta dicuntur) videndum est, ut sint 1. perspicua. 2. non nisi certi usus. 3. omnia vera & perse, semper & ubique. Illa enim tria jure merito in plerisque Philosophicis & Theologicis scriptis hactenus desiderata fuere. Multa traduntur obscure, ut *Mercurius Mercurio* egeat; multa nullius aut certe exigui usus; nonnulla ex accidenti tantum vera. e. g. Metaphysicum illud Theorema: *Substantia non recipit magis & minus*, nec verum est, nec si esset, aliquem haberet usum. Vir enim magis est homo quam Embryo: Aquila magis avis quam Vespertilio: sol magis lux quam luna:

luna : Et annon otiosum est dicere : Omnis sus est sus , omnis equus est equus est equus ? Nam quis hoc neget ? cui hoc ingeri necesse sit ? Ergo præcepta Panfophiæ non nisi seriæ scientiæ materiam contineant.

V. Generalia Panfophiæ præcepta nihil sint, nisi axiomata realia, & practica : hoc est, sententiæ per se fide dignæ, non demonstrandæ per priora, sed illustrandæ solum exemplis : utpote, quas omnis humanus intellectus simul ac percepit, pro varietatis norma admiserit. Tales enim notitiæ animis nostris divinitus impressæ, accendendæ circa omnia particularia intelligentiæ faces, operationum vero clavis erunt. At cavendum summo opere, ne pro axioma admittatur, nisi quod revera tale est. Non frustra quippe *Verulamius*, *Streso*, & alii conqueruntur, vulgares Logicæ canones temerè quidvis affirmare aut negare : ut raro demonstrationi, plerumque tantum disputationi ( quæ excipiendo, limitando, instando, retorquendo, id est, altercando peragitur ) serviat.

VI. Particularia omnia per totam Panfophiam, nihil ferant novi ; sed tantum sint generalium, quæ præcesserunt, diductio specialior, qualiter in arbore & animalis incrementis fieri videmus ; ut non quotannis nova enascentur

5. Generalia  
Theoremata  
vera sunt a-  
xiomata.

6. Particu-  
laria vera  
Demonstra-  
tiones.



scantur membra, aut rami; sed priora tantum perficiantur. Adornata hoc modo Pansophia erit 1. perceptu facilis. Fluens enim alia ex aliis. 2. Veritate solida. Omnia enim sequentia fundabuntur in prioribus. 3. Usu insignis. Omnium enim cogitabilium rationes patefcunt egregie. Erítque revera talis liber omnigenæ scientiæ non solum seminarium, sed & irrigatorium quoddam, omnia profundè radicari faciens: ut discentes non persuasionibus alliciantur, sed demonstrationibus cogantur ad assensum: id quod demum firmam facit eruditionem.

Quemadmodum igitur inter Mathematicos nemo dicit: *Pythagoras* tradit, Ter tria esse novem: *Euclides* quantitatís continuæ tres facit species, lineam, superficiem, corpus. Omnes Geometriæ in eo conveniunt, quod in triangulo tres anguli sint duobus rectis æquales. ( rideretur qui sic inptè autoritates creparet. ) Sed demonstrant ita esse, nec aliter esse posse, quamvis nullus *Pythagoras*, aut *Euclides* fuisset natus: ita posthac in Metaphysicis, physicis, Ethicis, Politicis, pudor sit allegare autoritates, ubi rationibus agi potest.

Sed & hoc intendimus tali methodo, ut totum Pansophiæ opus, sine ullius rei repetitione queat procedere,

dere, brevitasque illa, (tamen si opus totum spissâ rerum soliditate compactissimum sit) nihil obscuritatis adferat, quia cum gradatim ibitur, omnia posteriora per priora jam nota ultro lucem accipient. Ita inchoabitur feliciter in libris etiam scribendis praxis illius, quem Architectonica militaris habet, canonis: *Nullus locus defendit seipsum, sed defenditur ab alio*, si omnia & singula, quæ traduntur, ex prænotis jam lumen & robur accipiant.

Addenda tamen erit in gravioribus materiis sacra Scripturae Autoritas, tanquam oris Dei attestatio. Nec non sensuum testimonium per ostensionem, quia ratione rei veritas experimentis comprobetur: ut videlicet, quemadmodum apud Mathematicos, demonstrato Theoremate, certò sequitur scientia, & demonstrato Problemate, certò sequitur effectus: ita è præceptis Philosophiæ, rerum cognitio & operatio infallibiliter sequatur.

VII. Quod si quid ad eam demonstrationis certitudinem, deduci nequeat, & scitu nihilominus utile sit, referatur inter deliberanda, aut ponatur problematicè, rationibus in utramque partem assignatis: tum ut liberum sit omnibus, quorsum potius inclinare videantur, momenta, judicare:

NB

7. Si quid  
demonstrari  
nequeat pro-  
blematicè  
proponendum.

tum ut aliis relinqueretur occasio, tandem aliquando talia problemata solvendi, & veritatis infallibilem evidenciam in talibus etiam eruendi. Gradatim enim communicare hominibus lucem suam consuevit Deus, & ubicunque gradatim itur, gradatim longius provechi naturale est. Interim ea, quæ scientificè fuerint tradita, quanvis futura sint numero pauciora, erunt tamen usu validiora. Melius enim est pauca, sed certo, ac pleno numero, & rectè tenere, quàm per infinita volutari, quia hoc non nisi vagam & opinabilem, illud constantem & firmam eruditionem confert.

*Methodi huius  
laus.*

Inter hunc talem, si adornetur, Pan-sophiæ librum, libròsque, quibus nunc utimur, id foret discriminis, quod inter Musicum organum ad plenam harmoniam aptissimè concinnatum, & inter organa ejusmodi plura imperfecta, præcipuis partibus mutila, fistulisque hinc inde disturbatis, & discordantibus. Aut etiam quale discrimen est inter accuratam Tabellaturam, cujus solius intuitu Organarius, vel Githarædus facilè qualvis melodias cantat, & inter dispersitos illos symphoniarum libros, qui nec usurpari, nisi à pluribus, possunt, nec forsan semper, & ubique concordent.

*Cuius  
author sentes.*

Cujus libri, quantus foret ad sapientiz

entia studia usus, toties apud me considerans, Deum supplex veneratus sum, nec sollicitare votis desino, ut Heroica excitet ingenia, per quæ tantum hoc lumen mundo accendatur. Et quia mihi ex eorum numero esse dedit, qui rerum humanarum imperfectionem agnoscunt, emendationemque in melius seriò oprant, non alienum putabam fore, si tentarem ipsemet, experturus nempe, num per me vellet divina benignitas, (ventus enim ille celestis, quò vult, spirat) novæ aliquid lucis subministrare, aut saltem, ut id stimulo esset aliis, quibus plus ingenii, eruditionis, otii divina indulgit providentia; majora hoc in genere præstandi, quàm à me præstari poterunt. Et quis vitio vertat, si vehementer juventuti Christianæ prodesse cupiam, sive per me, sive per alios? Metuendum autem mihi fuit omninò, ne, tantæ necessitatis res, intra vota subsistat, si nihil præter vota exponeretur, in publicum. Feci ergo quod posse dedit Deus, ut & intelligar melius, specimine dato, & alii, quos excitabit Deus, facilius imitandi exemplum habeant.

Puto autem non transmittendum silentio, quâ occasione rem tantam aggredi fuerim aulus, & quo usus in concinnandâ eâ, ordine & modo, denique



que quo, meo iudicio, successu? Omnia hæc eo solùm fine, quia necessarium antumo, ad verum eliciendum iudicium, ante omnia ostendere, quid proposuerim. Quid autem præstiterim, subsumptionis loco erit, ipse Panfophicus noster libellus: unde in animis dextrè iudicantium sua sponte resultabit conclusio.

*Occasio hujus  
operis alius  
explicata.*

Vicesimus nunc labitur annus, cum primùm ego difficultati literariorum laborum remedia quærendi desideria sensi & stimulos, idque ex occasione infelicitatis meæ, quæ mihi omnes pene adolescentiæ meæ annos, cheu! eripuit. Admodum enim puer parente utroque orbarus tutorum supinitate ita fui neglectus, ut demum ætatis anno decimo sexto, latina elementa gustare contigerit. Benignitatis tamen Dei fuit, quòd gustus ille, naturalis desiderii sitim adeo accendit, ut ex eo tempore non desinerem agere & moliri, quibus amissæ ætatis damna sarcirentur; non solùm jam in me, sed in aliis quoque. Aliorum enim sortis simul miserescebat, præsertim in gente mea ad literas colendas oscitante. Multa igitur & multùm animo volvebam, quomodo non solùm quamplurimi ad amandum liberalia studia excitari, sed & quibus sumptuum, laborumque compendiis scholæ aperiri,

in

in eisque juvenus methodo faciliore ,  
 ad insignem aliquem eruditionis pro-  
 fectum promoveri posset. Quia verò  
 mox (ætatis anno 24.) ad Ecclesiæ  
 ministerium vocatus eram , divinum-  
 que illud , *H O C A G E* , præ oculis  
 erat : scholasticæ illæ curæ seponendæ  
 fuerunt. Sed cùm quinquennio post ,  
 Deo permittente , Patriâ cum aliis  
 ejectus , & tolerandæ in exilio vitæ  
 gratiâ ad scholasticos pulveres rever-  
 sus , variorum Authorum lectioni ani-  
 mum adjecissem , incidi in complures ,  
 qui hac tempestate , in emendandâ stu-  
 diorum methodo , desudare cœperunt ,  
 Ratichium , Helvicum , Rhenium , Rie-  
 terum , Glaumium , Cæcilium , & quem  
 imprimis nominâsse conveniebat , *Joan-  
 nem Valentinum Andree* , fervidi spiri-  
 tûs , & defæcatæ mentis virum , nec  
 non *Campanellam* & *Verulamium* , Phi-  
 losophiæ restauratores gloriosos. Quo-  
 rum à lectione in magnam spem ere-  
 ctus , fore , ut tandem , rot , & tam va-  
 riæ scintillæ , in flammam crumpant :  
 Hinc inde tamen quosdam defectus &  
 hiatus animadvertere mihi visus , tem-  
 perare non potui ; quin aliquid immo-  
 tis fundamentis innixum tentarem ,  
 quod si excogitari posset , vacillatio-  
 nem non admitteret. Post multas igitur  
 animi agitationes , ad immotas na-  
 turæ leges , & normas omnia exigendo ,

*Ianua Lin-  
guarum occa-  
sionem dedit  
janua Rerum*

enata est mihi sub manu *DIDACTICA* magna, omnes omnia promptè & solidè docendi artificium exhibens.

Ad cujus exstructos Canones, cum linguas docendi compendium tentassem, & sub titulo *Ianua linguarum re-feratæ* in publicam lucem, censuræ causâ, emissem, accidit, ut, cum applausu excepta, & unanimi quodammodo eruditorum consensu approbata esset, tanquam verum & genuinum linguas docendi medium. Unde mihi novam subministrari ansam vidi *RERVM* quoque ipsarum *IANUAM* tentandi, aut si malis, *Intellectus humani clavem*, ad omnia universaliter se sus referantem. Ex quâ opellâ, si successisset, tanto plus emolumenti sperandum credebam, quanto plus est, rectè sapere, quam aliquot latina vocabula balbutire posse. Non deerant equidem, qui talem Rerum, sive Ianuam, sive Clavem condi posse, simpliciter dubitabant: Communicaveram enim consilium amicis: Me tamen concepta de Universali, eâque constanti rerum Harmoniâ, persuasio, egregiè animabat, fore, ut omnia, homini cognoscenda, ad certas quasdam numero finitas, usu infinitas regulas reduci patiantur. Ita enim mecum ratiocinabar: Si lingua volubilissima illa animi interpres, in infinitam luxuriam diffundere se gesti-

ens

ens, tamen ita metis circumcludi potuit, ut finito vocum numero, omnes principales animi conceptus, enunciare necesse habeat: quidnā pariter conceptus vagæ nostræ mentis, rerum ipsarum cancellis, ita coerceri queant? Nam tametsi res, extra intellectum posita, infinitum quiddam videantur, non tamen sunt, cum & mundus ipse, stupendum Dei opus, è paucis elementis, paucisque formarum differentiis, constet, & artium quicquid excogitatum est ad certa genera certasque summas revocari possit. Quia igitur *R E S* & *Rerum CONCEPTVS*, *conceptuumq; imagines, V E R B A*, parallelè se habent, & in singulis, quædam fundamentalia sunt, è quibus cætera resultant, cogitabam, illa ipsa fundamentalia æquè in rebus ac conceptibus, atque in sermone tradi posse. Etiam veniebat in mentem, *Chymicos*, modum adinvenisse, rerum essentias, sive spiritus, à nimietate materiæ ita liberandi, ut in exigua gutta ingens Mineralium aut Vegetabilium vis congregari, & in medicinis majori efficaciam, quam cum integris suis massis exhiberi possit. Et nihil excogitari queat, (cogitabam) quo sapientiæ præcepta, per tam lata scientiarum pomœria sparsa, imò extra suos ambitus in infinitum quasi dispersa, conglobari

E 5

quodam-



quodammodo, & concentrari possint? Absit desperare: Omnis desperatio contumelia est in Deum, qui petentibus, quærentibus, pulsantibus, opem promisit. Statuebam itaque *Universale aliquod Eruditionis Seminarium* condi posse.

*In Ianua Re-  
rum conte-  
xenda quid  
proposuerit  
Auctor.*

Oſus itaque sum in Dei nomine te-  
lam hanc, eâdem mihi ad observandum  
hîc propositâ methodo, quâ, in cõ-  
texendâ linguarum januâ, usus fui.  
Primò, ut quemadmodum ibi omnia  
linguæ Latinæ vocabula, ita hîc om-  
nes humanâ cognitione dignæ *RES*,  
velut in Thesaurum comportarentur.  
Secundò, ut nihil nisi semel poneretur,  
exceptis connexivis, & sine quo-  
rum mentione, alia explicari neque-  
unt. Tertiò, nihil poneretur, nisi suo  
loco & sensu proprio, id est, natura-  
lissimo rerum ordine, & verborum sen-  
su clarissimo, ut, quicquid notabile  
rerum universitas habet, omnesque li-  
bri & Bibliothecæ suppeditant, sum-  
matim hîc addiscantur omnia, brevi-  
ter & dilucidè. Quod si præstitis-  
semus, ut per hanc Januam nostram in  
res omnes, omnesque libros nullo eti-  
am magistro intelligendos, transitus  
fuiſſet paratus, laudis utique ejus re-  
portassemus partem, quam *Timotheus  
Brightus* brevitatis & perspicuitatis  
inventoribus tribuit. *Ex variis, in-*  
quit,

quit, Philosophiæ partibus, in quibus veritatis amantes, & rerum optimarum studiosi, elaborârunt; nulla aut ad vitam utilior est, aut honestiore animum pascit voluptate, illâ, quâ aliæ artes & ad brevitatem, & ad perspicuitatem informantur. Gratâ itaque memoriâ studium illorum celebrandum est, qui ita operam ponunt, ut discentes & prolixitatis tædio leventur, & difficultatis liberentur spinis, atque labyrinthis: (super Scribonii Phys. cap. 1.

Atque ita est; fuit hæc sola intentio nostra, quum primùm huic operi adhiberemus manum, omnia scienda, breviter, & perspicuè, complecti. Sed munere Dei factum est, ut in progressu operis, sublimior illa nos incesse- rit cogitatio & cura, omnia nempe ab imis usque fundamentis, veriora, meliora, & nobis Christianis, ad usum hujus & futuræ vitæ accommodatiora constituendi. Quod necessariò intendendum esse, jam prælixiùs disserui. Ut igitur opusculum hoc verè Janua esset, non solum in Authores, sed magis etiam in ipsam rerum universitatem omnia, quæ in divinis & humanis, tam operibus quàm libris extare animadverti, hæc retuli, non quidem catalogos, supersticiosâ, & parum utili diligentia, omnium, & singulorum contexendo, sed potius fundamenta  
vera

vera omnium detegendo, & in præcipuis, præcipua momenta, è quibus reliquorum facile ratio constet, explicando. Unde simul, nova quædam non solum inventa, sed & invenienda hinc reperientur, quæ fortasse alibi nusquam. Novus siquidem, atque is plenior rerum ordo, sæpius nos eò deduxit, quo aliquis nondum delatus videtur.

*Ianua hæc  
Rerum etiam  
est Scriptu-  
raturæ Divi-  
narum Ianua*

Uti vero simul in Scripturam sacram esset Ianua, conatus sum, 1. Omnia dogmata sacrosancti codicis Dei, in Panosophiæ regulas, suis quæque locis, historias verò plerâsque omnes inter exempla referre: id providens, ut juvenis hinc omnia maxima, & pretiosa promissa donata nobis, per quæ divinæ naturæ consortes efficimur, 2. *Pet. 1. 4.* cognoscat, non solumque, ad prophanos Authores innoxie post (cum usus poscet) evolvendos, sed & adversus totius vitæ offendicula præmunimen habear. 3. Obscurissima quæque Scripturæ loca, ita suis locis citare allaboravi, ut vel allegatio ipsa debito loco facta, lumen illatura, & commentarii loco futura videatur, (qualium scripturæ locorum peculiaris index annexi poterit.) 4. Phrasisbus etiam scripturæ, distinctisque acutis ita passim uti laboravi, ut omnino hinc tam res, quam stylus Spiritus Sancti familiarescar adolescentibus, nec

nec facile in ipso Bibliorum corpore quidquam, hic non præcognitum, occurrere possit. Neque tradimus hanc vel illam Theologiam, ut in sectas divisæ sunt: sed universalem & Catholicam veritatem: ad ea, quæ periculosum bivium habent, aut exitus in planum monstrari non potest, non descendendo. Satiùs enim existimamus ignorare quædam, quàm perperam scire: ut innuit Apostolus *Philip.* 3. 15. 16. Quanquam id obtentum esse per universalem principiorum exæquationem, spero, ut ad ejusmodi periculosa bivia, & exinde in errores, vix etiã occasionis aliquid superesse prudens lector facile sit animadvertens: sublaris plerumque ostendiculis. Quemadmodum enim hominem, qui se contradictoriarum enunciationum, (quales in Scriptura etiã secundum literam occurrunt) alteri simpliciter & sine reconciliatione addicit, impossibile est, non ab alterâ urgeri, sæpè etiã validè torqueri: ita impossibile, medio sensu reposito, & utraque extrema ad combinationem reducta, non simul quicquid difficultatis, scandali, terroris incrat, evanescere, ingenti cum animi læticia. Hinc enim quicquid veri utraque pars habet, egregiè in unum coit: quicquid se hic, aut illuc vani admiscuit, disparet; quàm esse unicam, omnem verita-



*Methodus  
hujus libri.*

veritatem in Harmoniæ centrum deducendi, controversiâsque è mundo tollendi viam, antè diximus.

In ordine Scientias tradendi, speramus nos Dei munere id affecutos, ut specimen haberi possit rectè res ita, ut sunt & fiunt, secantis & ob oculos dispangentis methodi. Venas enim rerum verissimas confido in Metaphysicis nobis repertas esse, per quas eundo, ad individua usque rerû & minimas quâsque, conceptuum & vocum rationes, planissimè pervenietur, ut nova, vera, & hactenus non visa universitatis Anatomie institui queat. Nec illa tamen spinosâ aliquâ subtilitate, & quæ nisi ab acutis, rerumque jam peritis ingeniis penetrari nequeat: sed planâ, & cuiusvis sanæ mentis tam per via ratione: ut pueri etiam ostennes totam nostram Metaphysicam, ejusque ope, inferiores scientias & artes omnes, nullo labore, multâ verò delectatione capere possint. Quicquid scientiæ nervos constituit, Aphorismis (sive Axiomatibus) includimus: at veris, ut spero, non nugatoriis, solidis, non exceptionum & instantiarum telis expositis, & quæ perforabilibus limitationum scutis demum essent defendenda; sed quæ universalitatis luce & veritatis vi per se stent inconcussè. Nihil verò horû, quamvis evidentis veritatis in se, tradimus,

tradimus, præsupponendo aliquid; tanquam precario impetraturi assensum, sed præmonstrando, id est, continuè à primis Metaphysicæ principiis ordinando deducere laboramus, alia ex aliis, ad ultimas usque & minimas rerum differentias: Et quidem eâ evidentia, qua Propositiones Mathematicorum solent demonstrari, ut tam postremis, quàm primis, necesse sit adhiberi fidem, propter continuatam & nusquam interruptam veritatis demonstrationem. In præcognitorum solum libris observari id non satis potuit propter nondum traditas rerum causas. Agimus itaque ibi cum intellectu humano, ut cum pullis equorum solent, qui eos domant. Hi enim primùm frans mollioribus, quibus eos potiùs oblectant, quam premant, utuntur; priùsque per loca plana & amœna eos, ad cursum exercent, quàm in gyros cogitant.

Hoc peculiare, atque adeò mirabile occurrit in methodo nostrâ, quod omnes rerum solenniores divisiones, per Trichotomiam fiunt. Id quod protestor, non superstitione aliquâ mihi affectatè quæsitum, sed in præcipuis quibûsque momentique maximi rebus à primis usque rerum attributis (uno, vero, bono,) ita se ultrò obtulisse, ut attonitus aliquândiu hærerem, rei novitate stupefactus. Cùmque idem ali-

*Divisiones  
Trichotomicæ*

bi exemplis jam erectus, tentarem, ubique procedere vidi. Non igitur ausus fui, rerum veritati ita plerumque trino mysterio sese repræsentanti resistere, lætabundus potius tantam sacri ternarii harmoniam amplexus, in reliquis etiam cupidè sum profecutus, nec usquam (firmiter credo) ullâ rebus illatâ vi, sed quomodò sua sponte se findunt. Sed & discantibus hoc admodum profuturum credidi. Primò ad memoriæ auxilium, quæ per cancellos progredi gaudet, tam in reperiendo, quàm recordando. Secundò, ad rerum ipsarum intellectum; ita plerumque rerum naturâ seipsam egregiè detegente. Qua in re omnium, qui hæc piè attentèque in timore Domini trutinabunt, judicia compello: securus, non phantasmatum vanitatem, sed rerum ipsarum veritatem, ita deprehensum iri. *Sit igitur Christiana hæc, Ternaria mysteria pandens, Pansophia æterno, Triuni Iehovæ, soli Potenti, Sapienti, Bono, æternumque adorando Deo sacrum.*

*Apellationis  
Pansophia  
apologia.*

**PANSOPHIÆ** appellatio neminem offendar. Scimus *Vnum* *πῶς* *σοφον* solum sapientem Deum. Rom. 16. 27. Nos Pansophiam humanam profiteamur, scientiam nempe eorum, quæ scire nos vult Deus, cum sapienti etiam ignoratione eorum, quæ ignorare voluit

luit magister maximus. *Quæ abscondita sunt penes Dominum Deum nostrum sunt: quæ autem nobis & filiis nostris revelavit. Deut. 29. 29. ea, ne supina ingratitude ignorentur, mortales hortamur. Et quia in Christo absconditi sunt omnes sapientiæ & scientiæ thesauri: Coloss. 2. 3. Nos autem hîc potissimum Christi mysteria, ut quomodo per illum æternam illam sapientiam & virtutem Dei, omnia facta sint & fiant, donec veniat finis; cum tradiderit regnum Patri, evacuaveritque omnem potestatem & virtutem. 1. Cor. 15. 24. intelligant, ejusque se spiritu regi patiantur homines, explicamus; quidnî cum Christo veram & salutarem omnium noticiam nos tradere gloriemur? Nobis certè Christianis non ullis aliis convenit Panosophiam profiteri: cum extra Christianismum nulla sit, nec esse possit. Quod jam olim asseveravit Augustinus, (lib. 3. contra Acad. cap. 19.) solùm Christianismum veram esse Philosophiam demonstrans. Iam verè: Cùm enim extra Ecclesiam divina revelatio non detur, nec sine hac humanus sensus extra vitam præsentem penetret. Vita verò hæc tam arctis stringatur limitibus, ut nascentes moriamur, finisque ab origine pendeat; quid insigne esse potest solis sensibus, & aliquantulum supra sensus assurgente,*



gente, ratione collectâ sapientiâ  
 quæ ad paucos dies. pictis quibusdam  
 deliciis pascatur; post inanes dimittat.  
 Ille proinde sapit, qui ad æternitatem  
 sapit. Sed ut simul tamen hoc, quod  
 antecedit, præsentem nempe vitam  
 quam sapientissimè transmittere con-  
 discat. Hinc optimè Vir Illuminari-  
 simus: *Soli Christiani sciunt, quia ex*  
*Deo; reliqui nugantur, quia ex se.* Ad-  
 do Pansophiam veram, veram esse ad  
 sanctam ignorantiam viam, ut quæ so-  
 la nos docere potest, quàm nihil nisi  
 umbra sit omnis scientia nostra, si con-  
 feratur cum æternæ illius, quæ in Deo  
 est, sapientiæ fulgore. Pansophiam er-  
 go, seu universalem sapientiam ad ta-  
 le studium, quale suademus & tenta-  
 mus, appellandam contendimus, tri-  
 plici respectu. Primò rerum ipsarum,  
 quarum frustillationem dissuademus,  
 humanique ingenii, ad universa subi-  
 genda explicandas vires docemus. Se-  
 cundò scientiarum respectu, quas com-  
 menda-  
 mus, non ut diversas, sed ut sci-  
 entiam unam ambitu suo omnia com-  
 plectentem. Tertiò respectu eorum,  
 quorum usibus paratur: nempe uni-  
 versorum, qui Christo dederunt no-  
 men: ut nempe triplex etiam opel-  
 læ hujus sperari queat fructus: pro  
 eruditis; pro juventute in scholis; pro  
 omni Christiana plebe.

Quia

Quia ramen non Panſophiam, ſed Panſophiæ januam ſcribere ſuſcepi-  
 mus, non omnia omninò perſequi-  
 mur, (quod infinitæ eſſet operæ, &  
 longè ſupra unius hominis vires) om-  
 nium tantummodò cardines & baſes.  
 Et quia traduntur à Theologo, cujus  
 ſummus ſcopus eſt, & eſſe debet, ho-  
 minibus per omnia viſibilia & exter-  
 na ad inviſibilia & æterna penetrandi  
 monſtrare viam; quis jure culpabit,  
 ſi quædam ad ſcopum hunc minus fa-  
 cientia, minus accuratè egerim? Qua-  
 lis eſt tota propemodum jure-conſul-  
 torum ſcientia, litigiis de rebus terre-  
 nis, tranſitoriisſque, id eſt, tricis, quiſ-  
 quiliisſque occupata. Quam ad ſubli-  
 miorem ſapientiam non pertinere ip-  
 ſimet agnoſcere videntur. Sapientif-  
 ſimus enim noſtri ævi Jure-conſultus  
*Beſoldus* ( ſub finem ſui de diſciplina-  
 rum omnium complexu diſcurſus )  
 ſcribit : *Auſim definire Polymatheiam*  
*compoſitam ex facultatibus ſuperioribus,*  
*& ſapientiâ quâdam ſublimiori : plurima*  
*ex Theologia, multa ex Medicina, ex Iu-  
 ris-prudentia pauca habere.*

Non igitur excuſo, quod ejuſmodi  
 Polymatheïæ, aut veriùs Pammatheïæ,  
 limites ego homo Theologus designa-  
 re tenem, gloriabor potiùs, à Domi-  
 no meo, eam mihi obtingere gratiam,  
 ut illuſtrandæ miſericordiæ ejus, quale  
 quale

*Cur à Theo-  
 logo hæc talia  
 tractentur.*

quale adhibear organum. Evangelium quod commisit Jesus Christus sacrosanctum mihi est, & vitâ ipsâ charius: nec aliud, vel cupio, vel laboro, nisi ut fidus reperiar mysteriorum ejus dispensator. Sed quia Petro Dominum dixisse, non solum *Pasce oves meas*, sed etiam *pasce agnellos meos*, *Iob. 21. 15.* scio; persuasissimum mihi est incumbere id Theologis, ut de reducendis tam his quàm illis ad pascua uberrima in montibus Israel, ubi requiescant in herbis virentibus, & in pascuis pinguibus pascantur. *Ezech. 34. 13.* seriò sint solliciti: præsertim post dissipationem, si quando per bestias agri acciderit, gregis Dei, ut recolligantur quàm citissimè, oves & agni Dei. Benedicam igitur cum Propheta Dominum, qui mihi vellicat aurem, ut sim, tanquam qui attendit, & discit.

*Styli ruditas*

Nec excusabo styli ruditatem. Titillare enim aures, nec potui, nec volui. Habet talium mundus supra quàm opus: ad puram & simplicem sapientiam formari mentes magis è re erit: quod procedet faciliùs, si nudè res proferantur sine verborum lenociniis & incrustamentis. Nihil ergo laboro, nisi ut sensum exprimam, eam jure merito à bonorum & doctorum virorum prudentia, spem cum *Plinio* hauriens, fore ut juvandi utilitatem antehabeant

habeant placendi gratiæ, rerumque  
momentosè condensatarum compen-  
dium, præferant styli dispendio.

Hoc potius oro & obtestor, ne quis  
præcipiti iudicio in nos inolet, con-  
demnaturus; priusquam cognoscat.  
Quod non frustra metuo: Scio enim,  
quàm facilè atque adeò impotenter  
quidam magnis antiquorum nomini-  
bus fascinati, quicquid novum offer-  
tur, tanquam merè phantasticum ab-  
jiciant, audire etiam & videre dedi-  
gnati. Sed tales *Salomonici* illius me-  
mores esse decebat: *Qui respondet prius  
quàm audit, stultum se esse demonstrat  
& confusione dignum. Prov. 18. 13.* Non  
id peto, ut mihi quisquam gratificatu-  
rus assensum præbeat, in re minùs cõ-  
perta; sed ut videat, num quod offer-  
tur, inferat lucem claram rebus, & in-  
fallibiles virtutis normas, quemadmo-  
dum promittit. Ergo quidem ita esse,  
rerum testimoniis persuasissimus sum,  
sed tamen, quia mortalium cogitatio-  
nes/sunt timidæ, & providentiæ nostræ  
incertæ, *Sap. 9. 14.* lubens ad examen  
omnes invito, quos Deus ingenio vivi-  
do iudicioque acri instruxit, ut in re-  
rum universitatem, brevitatem, ve-  
ritatem inquirere possint. Quos &  
rogatos volo, primum, ut opinionum  
præconceptarum perspicillis sepositis  
liberâ mente, luminèque spectatum ve-  
niant

*Postulatum  
Auctori.*

*1. Ut hæc sine  
præiudicio  
legantur.*



niant universi hoc Theatriolum: non secundum prius audita iudicaturi de rebus, sed secundum res ipsas, prout eas videndas & palpandas offerimus. Hoc enim nisi observabunt, facient fucum non rebus, sed sibi: quemadmodum qui per coloratum vitrum speculari, non res colorat & fallit, sed visum: Cavendum itaque ne quis sibi ipsi obster, suis potius opinionibus, quam rerum veritati attendendo. Ego cordatis omnibus majori voluptati fore spero: si privilegio, quo pariter instructi sumus omnes, freti, res libere sine arbitris speculemur, discantibusque, non de rebus ipsis opiniones, sed res ipsas videndas, contrectandas, subigendas, & possidendas offeramus. Nec suspicetur quisquam, nos aliorum amovere placita, ut nostris fiat locus. Absit à nobis vanitas illa. Nihil aliud agimus, agemusque, nisi quod è Codice Dei, Naturæ, & Scripturæ, in tabulam nostram transcribemus, res hujus & futuri seculi, simpliciter, prout obvenient. Si non satis aptè, culpa erit, non fraus. Nimis nos tenues ad hoc sumus, ut nobis facere queramus Discipulos; satis animosi, ut naturæ, ut Deo. Eo prorsus fine novam hanc instituimus universi Anatomiam, uti ab humanis libris ad magnum librum deducantur, quicunque rerum,

non opiniones, sed veritatem quærunt. Non quod omnem respuamus auctoritatem, sed cum eam in libertatis iudicii præjudicium damnosè adhiberi sciamus, tantisper dum res ipsæ penetrantur, eam suspendi æquum iudicamus. In primo quidem & secundo Pansophiæ nostræ libro aliquid è Philosophis citamus ad stabilienda Pansophiæ fundamenta, non tamen in se, sed in eorum animis, qui opinionibus præoccupati, opinionibus exuendi sunt, illis etiam ipsis suasoribus, quibus hætenus usi sunt, Ducibus. Rarissimè post, & non nisi in materia gravi, alios, qui eandem veritatem jampridem notârunt, citamus: non tamen ut iudices, sed uti testes, è quorum calculo pateat, necessariò evenire, ut omnium hominum rationabiliter cogitata, cum iis quæ è veritatis fundamento eruantur, coincident.

Secundò, ut de his nostris, iudicium institui queat solidè, opus erit omnia priùs cognosci à capite ad calcem. Nisi enim quis ex quo fundamento omnia surgant, & quomodo cohæreant, intellexerit, frustra de singulis hinc inde inspectis iudicare præsumer, quia interruptus rerum gradus facilibus etiam difficultatem facilè adfert. Nemo est, qui altissimam turrim non possit ascendere & descendere, si per gradus

2.. *Vt legantur continue, non capitis.*

gradus scandat : sed amoveantur aliquot gradus, illicò aut non poterit progredi, aut præcipitium inveniet. Pictori effigiem pingere instituenti, nemo tam temerarius est, qui lineas, quamvis forsan primo adspectu non placeant, turbare præsumat. Expectat enim dum imago absolvatur, demumque, an archetypo respondeat, judicat. Et de Comœdia judicare non licet ex unâ Scenâ, ex uno Actu, nedum ex una sententia, quia interveniunt, quæ admodum perplexa videntur & absurda. Catastrophè tandem ostendit artem.

3. *Ut supplementum eant defectus nostros quisunque possunt.*

Tandem rogo ut eruditi lectores, intentionis meæ memores, sive rectè sint expedita, quæ proposui, sive secus, sine me excidere non patiantur; nempe ut hæc profectui seculi serviant. Aut enim ego nihil intelligo, aut revera, quæ offero, talia sunt, quæ multorum oculos aperire possunt, ad melius consulendum literarum studiis, atque per id Scholis, Ecclesiis, totique mortalium generi : qui primus erit opusculi hujus mei usus ad eruditos spectans : ut hac novâ universæ, veræ, & solidæ eruditionis delineatione excitati, perfectius aliquid, quam hætenus in re literaria visum est, meditando animos sumant. Scopum certè, ad quem unicè collimare debent omnium mor-

mortalium conatus , ( nisi æternum  
 evanescere volunt , ) rectè fiximus.  
 Media ad scopum illum certòducèntia  
 ordine claro disposuimus : Mediisq;  
 illis utendis , modum infallibilem de-  
 teximus : omnium denique illorum ,  
 quomodo in unam artium artem co-  
 eant, per omnia scibilia , en specimen  
 damus ! Ubi tamen si quid imperfecti-  
 onis hinc & hinc se prodit , sive quòd  
 positas metas non satis attigerimus, si-  
 ve quòd intra præscriptos cancellos  
 non satis accuratè processerimus, id  
 equidem operosam excusationem po-  
 stulare non puto : quia diffusissimam  
 rerum multitudinem , quæ unius ho-  
 minis diligentiam faciliè fatigat , &  
 subtilissimam rerum varietatem , quæ  
 unius intellectûs acumen faciliè effu-  
 git , apud prudentes rerum æstimato-  
 res faciliè mihi veniam impetraturam  
 spero. Præsertim cum nondum tale  
 aliquid visum sit , quod unius homi-  
 nis ingenio & inventum, & ad plenam  
 perfectionem perductum sit. Ecceur  
 igitur vel ego homullulus id mihi soli  
 sumam , quod omnibus negatum esse  
 video ? vel à me uno exigatur, quod à  
 nemine unquam requisitum fuit ? Suf-  
 ficat unius hominis vel diligentia , vel  
 laudi , ( siqua tamen hîc admittenda  
 est , ubi solius Dei gloria agnoscenda  
 quæritur , ) dare initium rei , quæ in  
 F fastigium



*Exhortatio  
eruditorum ad  
Pansophia  
serium studiū*

fastigium surgere possit. Ut autem surgat aliorum jam industriæ committendum erit, quorum spiritum volet suscitare Dominus, ut olim ad structuram materialis illius Templi, in sancta Civitate sua *Hierusalem*. Quos ut excitaret Deus, expositulatorio sermone eos alloqui Prophetam iussit. Dicit populus iste: *Nondum venit tempus ædificandæ Domûs Domini: Nunquid verò vobis tempus est, ut habitetis in domibus laqueatis, & domus ista deserta? Et nunc hæc dicit Dominus Exercituum: Ponite corda vestra super vias vestras: seminastis multum, & intulistis parum: comedistis & non estis saturati: bibistis & non estis inebriati: operuistis vos & non estis calefacti: & qui mercedes congregavit, misit eas in sacculum pertusum. Hæc dicit Dominus exercituum. Ponite jam corda vestra super vias vestras. Hag. 1. Audite hæc, ô vos quoque in sancto Christiano populo literarum & sapientiæ Antistites! quorum plerique revera similia agitis & patimini. Non est tempus, dicunt multi, captandæ hîc altioris alicujus sapientiæ sequenti vitæ illa servatur. Talibus cogitationibus permulti sibi ipsi blandientes, frustillatâ illa & obscurâ rerum cognitione, aliisque suis privatis deliciis acquiescunt. At quid inde lucrî? Seminatis multum, inquit vox Dei, (in excolendis*

excolendis nempe ingeniis multum operæ pōnitis ) parum tamen in horrea vestra infertis. Comeditis , imò voratis libros , & non satiamini. Bibitis è quovis obvio rivo , & tamen non inebriamini : operitis vos omnes operimento , autoritatum pallia undecunque conquiſcentes, nec tamen veritatis luce satis incaleſcitis unquam. O igitur apponite jam tandem corda vestra super vias vestras, & ut sapientiæ habitaturæ nobiscum splendidius Templum , quantovis labore & sumptu extruatur, animos sumite : sapientiæ, inquam, ut arte divina ad Archetypi formam , eleganter concinnemus Theatrum : à quo , ut in divinis convenit , omnia inutilia , vana & confusa absint : nihil autem utilis , veri , jucundi desideretur : quò à frivolo transitoriarum rerum studio avocati homines , ad ipsos veri bonique fontes invitentur , & à consuetis vanitatum fumis ad solidorum bonorum possessionem deducantur. Quod fiet , si talis hæc Sapientiæ Janua, in Christianis scholis juventuti Christianæ aperiatur , pretiosissimæque Sapientiæ Thesauri eis commonstrentur. Atque hic erit alter usus oppellæ nostræ, pro juventutis informatione, isque longè saluberrimus. Nam quemadmodum *novo vino, novi utres*, ( momente Christo *Matth. 9. 17.* )

*Opusculum  
hoc ad suam  
deductum  
perfectionem  
in primis ser-  
vire potest  
juventuti.*

convenientissimi sunt, ita puerorum *Ingenia*, ut nova & pura vasa vanis vanæ scientiæ conceptibus nondum op-  
 pleta, novis hisce purioribus rerum  
 conceptibus hauriendis aptissima: ut  
 non opinabilem & superficialiariam aut  
 streperam, sed realem, fundamenta-  
 lem, solidamque haurire assuescant  
 sapientiam: Sapientiam dico, non quæ  
 ad inanem ostentandi ingenii pom-  
 pam, neque ad concertaminum palæ-  
 stram comparata sit, sed ad acquiren-  
 dum solidum de rebus iudicium: &  
 multiplicanda novis inventis humano  
 generi commoda sua: & denique ad  
 consequendum indubitanter ultimum  
 vitæ finem, beatitudinem æternam  
 serviat.

*Sed & toti  
 Christiana  
 plebs insigni-  
 ter.*

Sed & hoc intendimus tertio, ut  
 exstructum ejusmodi sapientiæ Dei  
 Amphitheatrion commune fiat ge-  
 neri humano: invitando scilicet & in-  
 tromittendo totam Christianam ple-  
 bem, cujuscunque sit ordinis, æta-  
 tis, sexus, linguæ, ad spectandum  
 & contemplandum mirabiles illos lu-  
 dos, quos in omnium conspectu sem-  
 per & ubique edit adoranda sapientia  
 Dei. Omnes enim, qui homines nati  
 sunt, ad eundem gloriæ Dei, beatitu-  
 dinisque suæ finem dirigendi sunt, nec  
 excludendus quisquam, non vir, non  
 femina: non puer, non senex: non  
 nobilis,

nobilis, non plebeius : non opifex, non rusticus, &c. Omnes enim pariter progenies Dei sumus, *Aët. 17. 28.* omnibus pariter in mundi theatrum immixtis, dictum est: *Venite, videte opera Domini*, *Psal. 46. 9.* omnibus denique miserabile hoc ævum molestiis, & spiritus afflictione, (uti *Salomon* testatur) transigendum, ut omnes omnino vanitatum antidoto radiorumque levamento egeant, quæ non aliunde quam à sapientiæ veræ auxiliis haberi possunt. Optamus igitur & obtestamur sapientiæ studia non amplius Latinis solum literis tradi, ut scholis incarcerationa detineantur, quemadmodum hæcenus summo vulgi vulgariūque linguarum contemptu, & injuriâ factum est: sed ut cuique genti, suomet sermone omnia tradantur, eoque præbeatur ansa omnibus, qui homines sunt, liberalibus hisce se occupandi, potius quam curis hujus vitæ, aut ambitionibus, aut comotationibus, aut vanitatibus cæteris, uti constanter fit, sese fatigent, vitamque simul & animum miserè perdant. Fieret sic etiam, ut cum Scientiis & Artibus linguæ ipsæ perpoliantur eleganter. Quare nos etiam hæc nostra Latine & vernaculè luci exponere, si Deus annuerit, constituimus. Nemo enim accendit lucernam, & recondit sub mo-



dio ; sed ponit super candelabrum, ut luceat omnibus , qui in domo sunt, inquit Christus. *Matth. 5. 25.* Thesaurus enim occultus , & Sapientia abscondita cui ussi sunt ? *Eccl. 41. 18.* Dent igitur operam quicumque in sapientiæ studiis operam ponunt , ut hac etiam parte referant sapientiæ fulgorem : quæ dicit : *Videte , quod non soli mihi laboraverim , sed omnibus exquirentibus veritatem. Eccl. 24. 39.*

*Tituli Ratio.*

Atque eo fine inscriptionem à priore opella nostra nonnihil immutavimus, pro *I A N V A*, *P O R T A M* substituentes. Linguae enim Latinae Januam appellari satis fuit : hinc appellatio *P O R T A*, magis ad scopum facere visa est. Per Januam enim ingrediuntur singuli ; per portam integræ catervæ. Janua post ingressum singulorum claudi solet ; Porta, in civitate quietæ , patentes sunt. Eodem modo linguae Latinae studium, quod prius referare studium fuit, peculiare est quibusdam : Sapientiæ desiderium generi humano commune. Illæ ingrediuntur, qui volunt, aut quibus opus: hinc debent omnes qui homines nati sunt, ut jam ostendimus. Porta igitur patens esto, quæ ad sapientiam ducit. Da ô Deus, ut sub cælo jam imaginem ejus videamus, quod de

de cælesti tua *Hierosolyma* revelâsti,  
fore, ut pateant portæ ejus inter-  
diu, & non ampliùs nox sit ! *Apoc.*  
21. vers. 25. *Amen.*

f



DE SERMONIS  
LATINI  
STUDIO,  
PER

VESTIBVLVM, IANVAM,  
PALATIVM, & THESAIVOS  
*Latinitatis, quadripartito gra-  
du plenè absolvendo,*

**Didactica dissertatio.**

CVI ADDITVR

In usum Juventutis Formatorum, de  
editorum jam in lucem VESTIBVLI  
& JANVAE, usu debito,  
INFORMATORIVM.

*Autore I. A. Comenio.*



LONDINI,

Ad exemplar Lcſnæ impreſſum. 1638.



AMPLISSIMÆ  
 WRATISLAVIENSIIUM  
 REIPUBLICÆ AMPLISSIMIS  
 PATRIBVS CONSCRIPTIS  
 DOMINIS CONSVLIBVS,  
 CAMERARIIS,  
 SYNDICIS,  
 CÆTERISQVE  
 SENATORIBVS:

*In primis autem*

SCHOLARVM  
*Cuxatoribus & Ephoris.*

Viris Nobilissimis, Strenuis,  
 Magnificis: quâ natalium splendore,  
 quâ prudentiâ & rerum usu,  
 præstantissimis.

*Dominis & Fautoribus  
 observanter colendis*

Fælicitatem perpetuam !

A M-

*Amplissimi* DOMINI,



AVDABILE  
 illorum esse institutum, qui longum, perplexum, asperumq; puerilium studiorum iter, arte aliquâ methodi ad brevitatem, facilitatem jucunditatemq; revocare laborant; nemo id omnium qui rebus humanis quàm optimè cōsultum esse volunt, negaverit. Nam quia Vita hominum, non discendo, sed agendo & utendo, transmittenda est: agere verò & uti is solùm potis est, qui didicit: didicisse autem solus is, qui rectè fuit doctus; patet utiliter omninò eos ponere operam, qui fælici aliquo successu id agunt, ut docentibus & discantibus quàm optima saluberrima-

luberrimaq; suggerantur, & utriq; nausē & tædio (quæ à minus ordinatâ horum laborum pertractatione nimis quàm ubertim proveniunt) liberentur. Plus dicam, quia dicendum est: qui id præstent, ut *Docentes minùs doceant, quàm vulgari auctoritatē; Discentes autem plus discant, quàm usitatâ ingeniorum carnisicinâ.*

Hoc quùm nos præsentem etiam opusculo agamus, aut certè quomodo in Scholis agendum sit, certâ indagine exquiramus, certasq; rationes & vias commonstremus: Vestro id HONORI, Amplissimi Domini, Vestraq; literariæ pubis (quæ florentissimæ Reipublicæ vestræ seminarium est) U S I B V S, conse-

consecramus. Habeant sanè id sibi commune, si volent, alij quoque : sed ita, ut quidquid inde utilitatis sperari, aut percipi poterit, id splendori Prudentiæ Vestræ acceptum feratur : quorum laudabilis pro recta Juventutis institutione cura, his cuedendis, & in lucem edendis, animum dedit.

Valete PATRIAE LUMINA & COLUMINA. Supremus Rerum humanarum præses, Ter optimus Maximus DEVS, faxit, ut OMNIA VESTRA, Publica & privata, in primis autem ECCLESIAE & SCHOLAE, floreat in perpetuum ! Quò vestræ Sapientiæ ac Prudentiæ radij, successivo lumine, ad seram usq;



usq; posteritatem fæliciter se  
exporrigant !

Sic animitus vovet

*Nobiliss. & Ampliss.*  
*Dignit<sup>m</sup>. Vestrarum*

observantissimus

*Iohan. Amos Comenius*  
*dux. l. q. m. G.*

AD VIRVM CLARISS:  
 DN. IO. AMOSVM COMENIVM  
 POST VESTIBVLVM  
 Januamq; Latinitatis,  
 COMMONSTRANTEM VITERIVS  
 ELEGANTIÆ LATINÆ  
 PALATIVM AC THESAÛROS:

Deniq; PANSOPHIÆ opus  
 emolientem.

**V**estibulo solo sine cultu posteriorum,  
 Fertur Epicteti clara fuisse domus.  
 Vestibulum solum potuit Te reddere clarū:  
 Vis tamen ut per Te splendeat ampla  
 Domus.


Janua præstructa est. Nunc deinde Palatia  
 monstras;

Thesaurosque mones, qui pote, subiciat.  
 Cedat Epictetus nomen Tibi, Clare ComenI:  
 Sint ut Epicteti Tu dabis innumeri.  
 Annuat è cælo Deus, ut Sapientia per Te  
 Indatur posthac omnibus omnigena.

Scribeb.

Georgius Vechnerus. D.

De



*De Latina Linguae studio per-  
fectè instituendo Disser-  
tatio Didactica.*



PELLEM Plinius Au-  
tor est , picta opera  
sua exponere solitum in  
pergula , atq; post ta-  
bulam latitantem sub-  
auscultasse iudicia: non  
tam ut se laudibus titillaret suis, si quas  
audisset , quàm ut vitia quæ à vulgo,  
curioso rerum censore, notari animad-  
vertisset , corrigeret.

2. Quod Exemplum cum liceat  
cuivis artificiosè aliquid tentanti imi-  
tari, ut censuras publicas, in artis pro-  
fectum transferat ; putabam etiam li-  
cere mihi , circa rem publicæ utilitati  
nuper à me cogitatam & effectam,  
novam scilicet illam Linguas compendio-  
sius docendi formam , quam ( aliorum  
idem ante nos tentantium Exemplo ) Lin-  
guarum

guarum Januam appellari contigit.

3. Exposui proinde opellam meam luci, meq; abdidit, sexennio toto varia variorum judicia explorans: quæ in tria omnino abierunt genera.

4. Alij enim & quidem pleriq; , inventum laudarunt, hanc Linguas docendi & discendi rationem talem rati, quâ non detur melior: quippe ad normam Rerum ipsarum accommodatam.

5. Unde factum, ut non solum variarum linguarum versione ornata, variisque in locis typis descripta, sed & passim in Scholas, non triviales duntaxat, verum & illustres recepta sit.

6. Vnus & alter repertus est, qui defectus notare, publicèq; non ita plaudendum esse, monere cœpit: opus esse inchoatum, non perfectum, quod perfici & emendari publica literarum salus postulet.

7. Fuerunt deniq; , qui nec laudare nec vituperare sustinuerunt: id solum mussitantes, non pervidere se, quâ ratione libellus iste promissum præstaret usum, ut ejus beneficio faciliùs, jucundiùs, celerius, in Autorum lectionem immitti queat Latinitatis tyro.

8. Unde factum, ut cunctantiùs reciperent: expectâtes videlicet, vel consummatius aliquod, & magis ad scopum



pum accommodatum, opus: vel saltem de vero & genuino hujus opusculi usu, informationem. Qua de re variis è locis, etiam transmarinis, admonitus sum.

9. *Quid ego igitur ad hæc omnia?* Primum, patior commune fieri, adeoque factum esse lætor, quidquid utiliter adinvenire dedit is, qui dat omnia.

10. Non enim sapere possunt *Beseleel & Ooliab*, ad excogitandum quidquid affabrè fingi potest (Exod. 31. v. 2.) nisi dono ejus, qui fabricat mutum & surdum, videntem & cæcum (Ib: 4. 11.)

11. Et quia Servator noster dixit; *Ignem veni mittere in terram, & quid volo nisi ut ardeat?* (Luc. 12. 49.) ardorem hunc charitatis omnes Christi servos imitari fas est, ut quascunque luminis scintillas excussisse dedisset luminum Pater, eas in flammam abire optent & gaudeant.

12. Quod autè sint, qui quod carpant inveniunt, illorum quoque opera grata est; dummodo non livore, sed publici profectus amore, agant quod agunt: (quanquam & *Zoilorum dente perpoliri potest, cui undecunque proficiendi occasiones captare est animus* :) ut quidquid mendorum aut defectuum animadvertunt, suppletum & correctum eant: sive Autorem, aut qui succenturiant, admo-

admonendo, five ipsimet aliquid elaboratius, cui nostra hæc jure merito cedere debeant, concinnando.

13. Quod à quocunq; fuerit factum, credat me pro defensione meorum non verbum unum esse perditurum: laudabo potiùs melioris inventi autorem; & gratulabor seculi profectibus; & DE I bonitatem, quæ ita gradatim dona sua communicat mortalibus, celebrabo; & deniq; ipsemet omnibus ad hæc quæ certioris fuerint usus sequendum (quantum in me erit) serius hortator ero.

14. *Interim tamen*, dum tale quid adornatur, placet illis qui circa nostrorum usum hærent gratificari, id, quod non satis se videre fatentur, clariùs commonstrando.

15. Quod ut commodè fiat, totius propositi nostri rationem plenius recognosci opus erit: non in eo solum quod jam factum est (exstructa illa Latinitatis JANVA, & præstructo ei VESTIBULO) sed & quid præterea fieri posse, atq; adeò debere, dies nos docuit, ipsumq; jam adauctius & defæcatius redditum didacticum lumen.

16. Dicam igitur distinctè. Primum, *De Moliminum nostrorum scopo & fine*. Deinde, *De Mediis ad hunc finem*. Tandem, *De Mediorum modo seu ratione*

*ratione & Methodo, data media sic dispensandi, ut à scopo aberrari non possit.*

17. *Finis didacticæ hujus disquisitionis est, ut Lingua Latine (quæ postquam unius gentis propria esse desit, communis Europæarum gentium Mercurius, Scholisq; inclusa, eruditorum vinculum, & eruditionis vehiculum, facta est) studium reddatur expeditius: h. e. facilius, celerius, fructuosius, quàm hætenus.*

18. Nempe, ut non tanta cum docentium & discendum molestia, fastidio, nausea; nec tanto cum ætatis annorumq; dispendio; nec denique tanta cum remora & jactura scientiarum realium, uti sit, ad linguæ hujus usum veniatur: sed ut citò & tutò, facilè & jucundè in optimos Autores, illorumq; auxilio in divinaum & humanarum rerum scientiam, deducatur Christiana Juventus.

19. Non n. *Psittacos* suscipimus formandos, quos sine mente sonos tinire satis sit: sed *Creaturam rationalem, Rerum Dominam, expansæ per omnia sapientie DEI spectatricem, testem, interpretem.* Quam Verbis distendere, non Rebus implere, est à divini consilii scopo aberrare, hominis majestatem diminuere, mentibusq; pro Rerum scientia imagines & umbram instillando, turpiter imponere.

20. Hoc

20. Hoc ergò agendum est, ut *Linguarum* (Latinæ imprimis) *studium* in *Res* tendat: quò non in loquacitatem vanam, sed in sapientem *Eloquentiam*, definat.

21. Id quod nullâ ratione aliâ impetrabimus, quàm si perpetuò *verba* *Rebus* connexa tradantur: quò unâ eâdem operâ *Mens* & *Lingua* semper erudiantur.

22. *Verba* sine *Rebus*, putamina sunt sine nucleo, *vagina* sine gladio, *umbra* sine corpore, *corpus* sine anima.

23. *Verborum* proin copiâ, qui eruditionem metitur, quoties loquitur, nihil nisi loquitur, hoc est, garrit.

24. *Sapientia* *Rebus* constat, non *Verbis*: sapiensque & verè eruditus res cogitat, res loquitur, res agit.

25. Unde conficitur, *Verborum* à *Rebus* divortium cavendum esse: *Libros*que, qui *Vocabulis* solum occupantur & *juventutem* occupant, ad sacram hanc intentionem esse inutiles. *Vulgaria* intellige *Vocabularia*, *Dictionary*, *Nomenclatores*, *Sylvas*, *Phrascologias*, abstractasque illas *Grammaticorum* varias & operosas *Speculationes* & *commentationes*.

26. *Res* è *Rebus* discende sunt: *Sermo* verò de *Rebus* ex idoneis, qui *Res* descripserunt, *Autoribus*; Ex his eleganti compendio



pendio, usuque solidissimo, cum Rerum cognitionem, tum de rebus, sapienter, variè, promptè, differendi facultatem simul nobis comparare possumus: aliàs nunquam.

27. Stet hoc igitur fixum, *Latinam Linguam, ut hauriendæ realis eruditionis reale sit instrumentum ex Autoribus esse discendam: & proinde, Autorum bonorum enarrationem, Scholis τὸ πᾶν esse.*

28. Opera ergò danda est, ut optimi quique Autores, qui necessarias Eruditioni materias pertractarunt, deligantur, & aliquâ. *insigniter facili methodo* propositi, in mentis succum & sanguinem converti doceantur: quò Juvenes Scholâ egressi, æquè animo ac manu & linguâ prompti reperiantur, idoneiq; tum ad sapienter de rebus judicandum, tum ad statum vitæ fæliciter inchoandum.

29. Hic siquidem *Verus Scholarum* est, esseque debet *finis*, ut nos vitæ præparent, & negotiis vocationis quemlibet parem reddant: quod alia ratione fieri haud potest, quam ut alienis cogitatis, observatis, inventis, nostrum exsuscitemus genium & conformemus ingenium, ad optima quæque similiter (quisque enim homo natus divinos in se fovet igniculos ipse quoque) cogitandum, loquendum, agendum.

30. Quemadmodum n. lumen à lumine

umine accenditur, & magnetis Virtus ab admoto ferro provocatur, ita ingeniorum affricu excitantur ingenia & exserunt vim suam.

31. Maneat ergò, *Latinam Linguam non nisi Rebus & cum Rebus, docendam discendamque esse: nempe Ex autoribus Res tractantibus.*

32. Verum enim verò, quia quidquid fit, gradatim fit; (ut Naturæ & Artis exempla ostendunt) adeoque etiam, *quod discitur, non nisi gradatim disci potest*: in evidenti est, Latinitatis tyro-nem in vastum illud autorum mare propelli non posse, sine præparamen-tis, & præmunimentis quibusdam.

33. Aliàs, vel allidetur difficul-tatum (quas nondum superare didi-cit) scopulis, vel insuetæ adhuc & abyssi ad instar hiantis, varietatis flu-ctibus absorbebitur.

34. Discat ergò in exiguo ludere cymba lacu, antequam se committat pelago.

35. Sinatur pugio equitare prius in arundine longa, quàm phaleratos frænæque mordentes conscendat soni-pedes.

36. Discat ante balbutire infans quam loqui: & puer ante loqui, quam dicere: quia & Cicero (tantus aliàs docendi artifex) *negat se eum docere posse dicere, qui nesciat loqui.*

37. Et quomodo possit? Omnia non nisi gradatim eunt, quæ sursum eunt.

38. E Plantæ semine, aut nucleo, nihil nisi Virga primum nasci potest: E Virga demum lentis auctibus Arbutula, ex hac arbor.

39. Et in humana Vita, nemo virescens annos, staturam, robur, acquiritur, nisi qui prius embryon, infans, puer, adolescens, fuit.

40. Nec aliter ædificia surgunt, quam ut primo loco rude ponatur, sed solidum, fundamentum; huic post supererigantur parietes; parietibus addantur trabium aut fornicum conca-  
merationes; ultimoque loco omnia illa communiantur tecto.

41. Etiam qui ad turris, rupis, aut montis alicujus fastigium conscendit, non nisi gradatim se elevando scandere potest: adeo *Natura & Ars*, nusquam saltum faciunt, nusquam ferunt.

42. Manifestum inde fit, *Latine Linguae studium non ab integris completisque operibus, putà Autoribus, auspicandum esse: sed à rudimentis & tyrociniis quibusdam, quæ ad majora illa ritè animos prædisponant ac præparent.*

43. Sed & *Præparamenta* hac non unius esse posse generis patet: quia valdè distantia unius alicujus intervallū conjungi vix possunt.

44. Altum certè ædificium dum e-

rigitur, diversis aliquot contignationibus operarii habent opus, antequam fastigium imponant.

45. Et quemadmodum Vitæ hominis certi sunt gradus seu ætates, distinctæ planè : ita culturæ Animorum & Linguae, necesse est certos constitui gradus, coordinarique ita, ut alter ab altero surgat.

46. Quemadmodum n. non ideo præmittitur aurora diei, ut maneat aurora, sed ut paulatim clarescendo tenebras in lucem, noctem in diem, commutet; & Pictor non ideo lineamenta prima ducit, ut lineamēta maneat, sed ut magis magisque diducta, distinctam omnium membrorum formam accipiant, eoque totam rem perfectè uti est repræsentent: Ita Linguae formatio à rudimentis incipit, ut ulteriore progressu perficiatur, tandemque in eloquentiam terminetur.

47. Commodissimum autem videtur Latini studii gradus, seu ætates quatuor constitui: ut nempe sit

Ætas	{	Prima	<i>infantis, balbutiens</i>
		Secunda	<i>puerilis, adolescens</i>
		Tertia	<i>juvenilis, florida</i>
		Quarta	<i>Virilis, Valida:</i>

ubi discant loqui.	{	<i>Qualitercunque.</i>
		<i>Proprie.</i>
		<i>Eleganter.</i>
		<i>Nervosè &amp; potenter.</i>



48. Primus itaque & infimus gradus erit, *aliquid Latini intelligere, & qualitercunque efferre posse.* (Verum enim maneat oportet illud: *Quidquid incipit, rude est.* Item: *Qui nunquam male, nunquam bene: &: Nemo non errat, nisi qui quàm sepiissime erravit.*)

49. Secundus gradus altior erit, *quavis obvias res, omnesq; usitatiores mentis conceptus, exprimere posse, vero, proprio, genuinoque sensu: Sine ullo noxio in Vorum significationibus errore, earundemque formationibus vitio.*

50. Tertius gradus sublimior etiam docebit *unam eandemque rem & rei conceptum, aliter atque aliter efferre, & veluti coloribus variis variè pingere.*

51. Quartus denique & supremus gradus erit, *didicisse, quomodo sermo non ad luxuriam se diffundere & diluere; sed potius accurato Verborum & sententiarum factu delectu contrahere se, & circa Res ita solidare, debeat, ut se, secumque R E S, validè mentibus imprimat.*

52. Quod apex Eloquentiæ est, Res quasque nativis suis, non spuris aut fucatis, coloribus ad vivum depingere, eoque Mentis sub Rerum imperium captivare posse. Unde Salomonis illud: *Verba Sapientum sicut stimuli, & quasi clavi in altum defixi.* (Eccles. 12. 11.)

53. Ita erunt quatuor distinctæ quasi Latinitatis Scholæ, aut Classēs : prima pro balbutie, secunda pro loquela, tertia pro Facundia, quarta pro Eloquentia Latina, comparanda.

54. Quibus singulis sua deputanda sunt demensā, metæque, unde incipere, & quousque progredi debeat, quæque : modusque describendus certus & exquisitus, quo intra tempus datum, necessario ubique attingatur meta.

55. Distincta hæc sunt & sua propria singulis, tam metæ quam media, & media applicandi modus harmonicè tamen sibi invicem succedentia & respondentia.

56. Hoc n. volumus omnibus illis classibus esse commune, ut iisdem proportionatè auxiliis instruantur : libris nempe omnia scienda gradatim, majori semper plenitudine, proponentibus, consimilibus ferè exercitiorum generibus pertractandis.

57. Libro pro Classe prima nomen dedimus, VESTIBULI; pro Secunda, JANUAE; pro tertia, PALATI; pro quarta, THESAURI Latinitatis.

58. Horum cujusque structuram conveniet esse tripartitam.

59. Prima & fundamentalis pars contineat rō materiale seu demensum re-

*rum & Verborum illi Classi debitorum, h. e. Textum seu Autorem: Secunda pars explicet id formale, seu mensuram & directorium verborum, h. e. præcepta & Regulas, quibus ratio structi sermonis in Autore præmissio detegatur, ad faciliorem verioreque ejus intellectum. Tandem, adjungatur Index contentorum, qui sit omnium præcedentium veluti Repertorium, celerem eorum usum & praxin adjuvans.*

60. Ratio hujus methodi prima hæc est, quod *mollius, melius, efficacius, exemplis docemus, quàm præceptis: (quippe Exempla sensu intellectum formant, quod naturale est: Præcepta intellectu sensum, quod contra naturam.)* Præcedat igitur Oratio facta: eamque demum Præcepta, quomodo facta sit, & ad imitationem ejus alia similiter fiat, illustrantia, sequantur. (NB. illustrantia dico: debent enim talia esse, quæ lucem huic studio inferant, non tenebras; adjuumentoque illi sint, non remoræ; nec offerant ingeniis novam, ipso textu graviolem, luctam, sed luctam à verbis illatam solvant.)

61. Deinde, quia non omnia simul memoriæ sic imprimi possunt, ut inde queant ad usum expedite depromi; succurrendum est imbecillitati, annexo Inventario, ut quidquid reassumere sit opus, ad manum sit.

62. Ita VESTIBVLVM primo loco continebit Balbutiei Latinæ materi-  
am, *Vocabula aliquot centena, senten-  
tiolis inclusa.* Deinde formalis loco,  
*Declinationum & Conjugationum tabel-  
las, cum aliis Grammaticæ rudimentis  
primis.* Tandem *Vocum* comprehensa-  
rum *Indicem Vernaculum:* nec præterea  
quidquam. Horum enim ope metam  
attingemus pulchrè: nec opus est ul-  
lis additamentis inutilibus augeri, li-  
bro molem, ingeniis laborem, tenui-  
orum marsupiiis redimendi difficulta-  
tem.

63. JANVA similiter proponat, pri-  
mum loquelæ ad necessitatem mate-  
riam: *Omnia scilicet usitata Linguæ  
vocabula, circiter decies mille redacta  
in sententias, structurâ & sensu faci-  
les: quippe quibus Res ipsæ summa-  
tim, ordine suo, simplicique & nativo  
vultu, exprimuntur.*

64. Nihil ergò hic admiscendum tro-  
picum, figuratum, insolens, particulare  
nimis. Non n. aliud adhuc agitur, quam  
ut adaperiatur Janua, suo tempore &  
loco distinctius res cognoscendi & e-  
loquendi. Cujus consilii immemores  
quidam, aut incuriosi, Januam hanc  
inutilibus additamentis onerarunt:  
nescio quid non huc infarcire volen-  
tes, cum certa discentium remora &  
fastidio. *Quod cavendum posthac erit.*



65. Potius hoc agendum, ut habeamus verè JANVAM (quod in præfatione eius prima promiseram) RERVUM ipsarum solidis postibus benè firmatam; volubilibus LEXICI cardinibus expeditè apertilem; præsentaneâque GRAMMATICÆ clave promptè resecrabilem: h. e. ut Januæ textui addamus Grammatica præcepta, & Lexicon illud promissum; ut quicquid hujus classis usus requirit, simul habeatur.

66. Nempe constituenda sunt Grammatica præcepta brevissima & lucidissima, veram & genuinam simplicemque sermonis Latini scribendi, pronuciandi, formandi, construendique rationem, planissimè ostendentia; Sed tamen nihil insolens, figuratum, valdè anomalum, attingentia. Exemplis n. è solo JANVÆ textu; (ubi nihil adeò anomalum & figuratum habetur) illustranda erunt.

67. Indicis demum loco addatur, LEXICON ETYMOLOGICVM, vocum Latinarum, Januâ comprehensarum, Radices, seu Verba primigenia: cum sua Derivatorum & Compositorum serie, significandique rationibus, ob oculos pandens.

68. Pro tertia Classe, PALATIVM erit Latinitatis, specialiorum jam Rerum, Verborum, Phrasium, Regularum, Diductionem exhibens, cum omnibus

nibus præcipuis orationem ornandi artificijs, & materias quaslibet, variè eloquendi modis.

69. Instituendi ergò erunt varii *de Rebus discursus*: & quidem rerum ipsarum Methodo, quam centum illis Rerum titulis Janua designavit.

70. Tum addendum (*7<sup>a</sup> formalis loco*) quidquid Grammaticarum præceptionum restat, de Anomaliis, Syntaxi figurata, Hellenismis, &c. nec non præcepta Rhetorices, de Sermonis ornando, Et prima Logicæ rudimenta, populari methodo (qualem partim GRAMMATICA ipsa subministrare queat, partim RHETORICA necessariò ante se requirat) concinnanda. Cujus rei in Juventutis commodam egregiè præstandæ, jam hic ausim fieri de non nemine expromissor.

71. Commodum autem videtur hoc Latinitatis puræ PALATIVUM quadruplicatum construi secundum styli gradum.

72. Nempe ut Latinitatis Candidati discant, in PALATIO primo stylum Epistolarem: cursorium quidem illum negligentioremq; purum tamen & fluidum. In secundo stylum Historicum, altiùs paulò assurgentem, magisque cum cura elaboratù. In tertio stylum oratorium planè accuratum, gravem, sublimem. Tandem Poeticum, numeris

meris adstrictum: tum simpliciore & magis planum, (qualis est in Elegiacis,) tum grandem & pōposum, (qualis est in Heroicis, Lyricis, Tragicis carminibus.)

73. *Omnia verò illa non Verbis & sententiis nostris, sed Autorum classicorum.*

74. Ita lentè gradatim, per cancellos ducti, facilius discant styli characterem, & discernere, & distinctè æqualiterque imitari.

75. PALATIVM igitur EPISTOLICVM contineat centum Epistolas, singulas singulis JANVÆ titulis respondentes: per quas distribuatur quidquid elegantiorum est salutandi, resalutandi, narrandi, petēdi, gratias agendi, &c. formularum: ut quasi totum epistolare artificium hic exister: *cum adjunctis brevissimis, de arte epistolas scribendi monitis.*

76. PALATIVM HISTORICVM insigniores contineat iisdem de rebus narrationes: assignatis ad marginem Autorum & locorum, unde unumquodque desumptum sit, allegationibus.

77. Atque hos tales de Rebus Discursus formā dialogisticā concipi, quatuor hæc sudent.

78. Primum, nihil est homini naturalius colloquio: quo sensim sine sensu perduci potest quocunque. Facilius ergò hæc adaptari poterunt, puerilibus

rilibus ingeniis, ne sibi hanc rerum feriarum tractationem vel impossibilem, vel arduam nimis & difficilem, imaginentur.

79. Secundò Colloquia excitant, animant, foventque attentionem: idq; ob quæstionum & responsionum varietatem, earundemque varias occasiones & formas, intermixtis subinde quæ oblectent. Inescandi sunt igitur his illecebris animi, ut per has operas sine fastidio progrediantur.

80. Tertiò serviunt Dialogi, cùm Rerum impressioni firmiori, tum repetitioni (etiam inter discipulos ipsos privatim) faciliiori. Quemadmodum enim facilius memoramus rem gestam, cui interfuimus ipsi, quàm acceptam auditione solâ: ita discientium animis tenaciùs hærent quæ per modum Comœdiæ aut Colloquii, (cum & hic non tam res audire quàm ipsimet videre, loqui, agere, nobis videamur) addiscuntur, præ illis quæ nadâ recitatione imbibuntur.

81. Denique, quia potior vitæ nostræ pars conversatione constat, eleganter compendioseque ad eam manu ducitur juvenus, si Res non solum intelligere, sed & de illis expedite disserere consuefcatur.

82. *Volūmus ergò hic totum doctè colloquendi, & de rebus discurrendi artificii-*



*um tradi : conquisitis undique interrogandi , respondendi , insinuandi se , res explicandi , urgendi , excipiendi , digrediendi , ad propositum redeundi &c. Occasionibus & formulis.*

83. *Sed & hoc pulchrum erit, ut pro colloquentium personis assumantur Autores, qui res illas tractant, aut quorum de Rebus variis, variae sententiae exstant : maximè autem, quorum libri citantur. Ita n. eadem operâ & catalogum Autorum, & præcipua eorum de rebus testimonia, eleganti compendio addiscentur, gradusque ad Autores ipsos Evidentior fiet.*

84. **PALATIVM ORATORIVM** *easdem repetat materias, eadem titulorum serie, sed in Declamationum forma: congestis è Cicerone, Quintiliano, Seneca Rhetore, & aliis probatis Oratoribus aptè que digestis ( jam in didascalico, jam in demonstrativo, jam in deliberativo, jam in judiciali genere ) variis, iisque optimis, exordiendi, narrandi, proponendi, confirmandi, transeundi, cõcludendi &c. formulis. Ut pariter hic, totius artificii Oratorii extet idca : citatis iterum ad marginem à quo Autore veniat unumquodque : & ad calcem annexis de Orationum artificiosâ compositione brevissimis regulis.*

85. **PALATIVM POETICVM** *eadem relegat vestigia, easdemque illustret materias,*

*materias, stylo ligato: adjunctis iterum de carmine condendo præceptiunculis.*

86. Videtur a. factu optimum, non nova cudi carmina, sed ex antiquis Poëtis sententiosos desumi versus, & in unum continuum redigi textum: ad eum modum, quo *Rossæus Anglus* integram Evangelii Christi historiam meris Virgilianis versibus elegantissimè contexuit.

87. Usus POETICI hujus PALATII erit: Primò ad reddendam discipulis familiarem syllabarum quantitatem: ut Poëscos studiosis, pro Smetio & similibus prosodicis libris, sufficiat. (Hoc n. agimus & agere suademus, ut discipuli cujusque Classis omnia sua secum portent, sine mentis à multitudine & varietate librorum veniente distractione.) Secundò clariùs illis pateſcet, quid poeticus character oratorio distet: ut dicendi genera in Autoribus, ad quos jam mittentur, faciliùs discernant. Denique Elegantissimarum sententiarum, quarum per totam Eruditionem creberrimus usus est, jam hic sibi copiam insignem parabunt.

88. *Index contentorum quaterni hujus PALATII; meo judicio, erit LEXICON PHRASEOLOGICVM: sive quidem illud Vernaculo Latino, sive Latino-Latinum. Puta in quo simpli-*

simplices Rerum appellationes (alphabeti ordine positæ) elegantioribus permutantur: hoc e. ostendatur, quomodo rerum appellationes propriæ, Synonymicè, periphrasticè, tropicè, & omninò variè & ornatè, efferendæ sint. Ubi semper præmittantur humiliora, ad Epistolarem vel historicum stylum spectantia: tum phrasés sublimiores, Oratoriæ; tandem Poëticæ: assignatis Palatii locis, ubi occurrant, si occurrunt.

89. Quo fine, idem poterit in PALATII constructione observari, quod in VESTIBULO & JANVA: ut textus sermonis in segmenta distribuat, puta Periodos, quæ signentur numero continuo, per diversa etiam capita, à principio libri ad finem; nempe ob citandi cōmoditatem. Qualiter & Doctissimum D. Baldovium in Medulla Grammaticæ Hebrææ fecisse video.

90. Ut pateat meliùs, quale illud Latino-Latinum Lexicon velim, apponam exempli causa, quomodo verbi DVBITO varietas & elegantia gradatim exprimenda esset.

DVBITO. *Hæreo. hæsito. Ambigo. Fluctuo. Incertus sum quid agam. Incertum mihi est. In ancipiti sum. Non mihi consto. Animi pendeo. Incertus pendeo. Suspensas habeo rationes. Voco in controversiam.*

*versam. In magna questione id habeo, an  
 &c. Hæc me res in diversum trahit. In-  
 certior multò sum quàm dudum. Poeti-  
 cè. sum dubius. Virg. Dubius feror.  
 Ovid. Hoc me dubium dat. Plaut. Hoc  
 meum incertat animum. Idem.*

91. Atque ita esset studii Latini  
 clavis tertiæ PALATIVM.

92. *Sequitur tandem ipse Latinitatis  
 THESAUSVS, cujus rō materiale erunt  
 Autores Latini, omnem rerum & ser-  
 monis varietatem explicantes: Physici,  
 Geographi, Ethici, Medici, POLITICI,  
 Theologi, Historici, Oratores, Poetæ &c.  
 Veteres & novi, nati aut nascituri,  
 quicunque aliquid insigniter utile ad-  
 ferunt, vel allaturi sunt, atque tersâ  
 & purâ dictione utuntur.*

93. Omnia enim Autorum genera  
 huc, non solum admitti, sed accersi,  
 postulat inchoatæ methodi ratio.

94. Amplos scilicet studio huic po-  
 suimus fines, totam Rerum & Verborû,  
 h. e. sapientiæ & Eloquentiæ, quanta  
 esse potest, plénitudinem. Huic ergo  
 fini media ut capacitate suâ responde-  
 ant, necesse est.

95. Et quoniam in Vestibulo po-  
 nimus rudimenta, in Thesauro autem  
 complementa, Rerum & Verborum;  
 intermedia verò illa, JANNVA & A-  
 trium, seu Palatium, interponuntur sal-  
 tem ut huc veniri possit: sequitur,  
 quem



quemadmodum *Janua* nihil est nisi supplementum *Vestibuli*; & *Palatium* supplementum *JANUÆ*: ita *Autores* necessario afferre debere supplementa omnium præcedentium.

96. Non autem afferent, si tantum *Historicos* cum *Oratoribus* & *Poetis* admittimus, (qualiter ferè adhuc *Scholis* mos fuit) quia illi omnia, quæ ad *Eruditionis* amplitudinem spectant, non persequuntur, sed circa certam aliquam specialem materiam eorum quisque deliciatur.

97. Si methodus nostra solam & nudam styli concinnitatem intenderet, sufficeret illi vel unus idoneus Autor, usque adeò familiaris redditus, ut ejus dictionem ad vivum exprimamus. Verbi causa *Terentius*: quem verbis & phrasi purum esse & tersum, suavemque omnes nòrunt, ut etiam *Ciceroni* fuerit in delitiis. Quem tamen materię parum habere, nemo non videt, qui cum judicio legit. Unde *Scaligerum* dicere solitum refert quidam, quod inopia *Latine Linguae Terentium* adeò celebrem fecit.

98. Plena verò methodus quia plenam proponit *Eloquentiam*; hæc autem sine plena *Rerum* cognitione haberi nullo modo potest; patet ab *Eloquentiæ* plenæ candidatis totum *Rerum* circulum exambiri oportere.

99. A toto n. & perfecto nihil excipi potest. Eloqui autem velle, quod non intelligas, quàm insulsum est?

100. Nec metaphora, adagia, gnomæ, apophthegmata, hieroglyphica; allusiones variae, (in quibus singulis multa Eloquentiæ vis sita est) vel satis verè intelligi, vel satis commodè adhiberi, & satis acutè stringi, possunt, sine iusta rerum, unde petita sunt, præcognitione.

101. Sunt autem petita à rebus naturalibus, artificialibus, mathematicis, logicis, &c. & quæ circa hæc aliquando acciderunt. Quæ unde melius quàm ab Autoribus suis cognoscas?

102. Si quis è locis communibus (*Polyanthea Langii & similibus*) rerum cognitionem, in quantum sat est, hauriri posse putat, nã ille parum quò consilia hæc tendant recogitat! Solidam nos hîc jam, & virilem, sibi que ipsi intra se cohærentem, Rerum cognitionem, & Res interpretandi potentiam quærimus; non illam puerilem, frustillatam, læceram, confusam, obrusam.

103. Habent loci communes, omnesque similes illi subsidiarii libri, (præsertim si rectè conformentur) suam laudem & usum: nempe ut sint Autorum Indices generales, ad inveniendum quis Autor, & quid, de hac  
vel

vel illa materia scripserit : aut Eruditionis jam partæ Promptuaria, breviter varia de variis subinnuentia. Insignis utique hic usus est.

104. At si se pro Autoribus ipsis ingerant, ( quæ deceptio ut pervulgata est, ita jucunda : imponit n. specie compendiosæ ad eruditionem viæ ) tum plus nocent quam prosunt : quia ad veriore[m] & plenior[em] eruditionem præsentissimo sunt obstaculo, fiuntque ut dicuntur, *Compendia Dispendia*. Hinc & illud : *parum sapit, qui ultra locos communes non sapit.*

105. Nisi forte hîc tamen Langii Polyanthea, ut à Grutero tomis pluribus aucta sunt, alium mereri censum videantur. De quo judicare & statuere poterunt, qui periculum fecere : num ita ad omnem materiam volumina illa suppetant, quemadmodum de fronte promissum gerunt.

106. Interim tamen, quis non delirare credat Theologum, qui Concordantiis Biblicis, aut Collectaneis nescio quibus, satis sibi prospectum esse credens, ipsum sacrum Bibliorum codicem posthabeat ? Aut quis bonorum terrestrium hæres usque adeo desipit, ut assignatis sibi alieno arbitrio certis proventuum portiunculis, integros proventus, una cum fundis, unde redeunt, videre negligat ? non bona ipsa

ipsa sua integrè poscat ?

107. Præstat utique Rebus uti ,  
quam rerum fragmentis ; messes age-  
re , quàm spicilegia ; hortos florife-  
ros vindemiare , quam flosculos de-  
cerptos , & dispersos , vietos ple-  
rumque & exsuccos factos , recolli-  
gere.

108. Accedit , quod ex methodo  
nostra Classicis in Scholis seu Gymna-  
siis, omnia quæ universali Eruditioni  
fundamenta conferunt , absolvenda  
sint : nihil *Academiis & peregrinationi*,  
*præter propriam cujusque Facultatem*, in  
*qua transigere vitam & servire DEO hu-*  
*manæque societati decrevit, reservandum.*  
Nempe ut ad magnos faciendos in  
propria facultate profectus , & in ea  
post excellendum , nec tempora justa  
cuiquam , nec debita præparamenta  
desint.

109. Cum ergò Catholicæ illi Eru-  
ditioni materiam omnigenam ferant  
Autores, advocandi sunt , & in ordi-  
nem redigendi, ut quisque in medium  
deponat, quidquid utiliter & pulchrè,  
aut invenire , aut cogitare illi datum  
est : quò ex omnibus particularibus in  
unum redactis , universalis colligatur,  
& intra mentis abdita deponatur, Sa-  
pientiæ Thesaurus.

110. *Operosum id , aut simpliciter*  
*impossibile , dicit aliquis. Utique, si rem*  
*tantam*



tantam impetu aggrediamur, non consilio & arte.

111. At nos, primùm, non omnes intelligimus Autores, qui exstant; sed de omni genere quosdam, optimos nempe: & tantùm ex quibusvis etiam seu omnibus optimum, vel illud, quod apud optimos aliàs desideretur: Si quidem nec optimus auctor aliquis optimè aliquando aliquid tradidit.

112. Deinde, nec selectos illos omnes totaliter totos, sed quosdam per indices tantùm, aut potius per compendia, quæ in usum illum construi optamus: ne scilicet *Academiae* se præparans *juventus*, nomina, libros, numerum, ordinem, contenta, optimorum quorumque *Authorum*, qui de singulis materiis scripserunt, ignoret; sed omnium illorum de omnibus præcipuis mentem, tractandique modum, jam hinc præsciat.

113. *Ad Academiam delatis*, licebunt *Philosophis* futuris *Philosophos*; *Medicis* *Medicos*; *Politicis* *Politicos*; *Theologis* *Theologos*, tandem plenè aggredi & eviscerare, ad particularem & solidam omnium quæ suæ professionis erunt noticiam & praxin sibi comparandam.

114. Tertiò, nec illos qui integrè proponentur, æquali curâ dignandos existimamus: sed in styli *Magistros* deligendos

gendos ex optimis optimos tantum. e. g. pro Autore primo & perfecto Asiatici styli sumatur *Cicero*, cui ita se adsuefaciant ingenia, ut ejus ( si non phrasin per omnia, nam hæc undecunque petenda est: tamen ) compositionem per omnia imitari, & exprimere consuecant. Pro Laconici autem styli Autore Principe habeatur *Seneca* ( vel ex quorundam opinione *Lipsius*: ) quem imitari ad unguem crebra lectione & relectione, versione & reversione docendi sunt. Ita in Poesi, styli heroici exemplar primum *Virgilius* sit; Lyrici, *Horatius* &c.

115. Hæc, aut simili ratione, nec impossibile, nec difficile erit, optimos quosque Autores classicos à classicis nostris discipulis intra breve annorum spatium exhaustiri, atque in succum & sanguinem converti.

116. Atque hoc erit materiale colligendorum Scholasticæ Eruditionis Thesaurorum, AVTORES BONI.

117. 70. formale, omnia hîc in ordinem cogens, optamus extrui CLAVEM INTELLECTVS Humani; continentem generales quosdam canones, omnia que usquam sunt & fiunt, dicuntur & cogitantur ( aut etiam esse & fieri, dici & cogitari possunt, ) in proportionem quandam generalem ( quâ sibi invicem harmonicè respondeant Res, rerum

rerum conceptus , & sermo ) *reducen-*  
*tes* : ut eo modo ex omnibus particu-  
 laribus , hætenus auditis , visis , agita-  
 tis , & pòst in Autoribus legendis &  
 observandis , universale quoddam Sa-  
 pientiæ lumen exsurgat mentibus.

118. *Indicis contentorum loco, sit*  
 hic LEXICON CATHOLICON, ex  
*omnibus Autoribus memorabilissima que-*  
*que recensens* : sed eleganti Vocum &  
 Rerum , ut se invicem consequuntur,  
 ordine .

119. Ex. gr. sub voce OLYMPVS,  
 memoretur breviter quidquid inde  
 Vocum & Rerum descendit : vel hoc  
 modo. (1.) OLYMPVS, *est mons altis-*  
*simus in Thessalia , nubes cacumine su-*  
*perscandens.* (dictus quasi ὄλος ὀλύμπος,  
 totus splendens , scilic : à Sole , aut à  
 nivibus : ) (2.) Hinc Poetæ pro cælo  
 usurpant; vocantque *Jovem Olympium*,  
 cæli Præsidentem , supremum DEVM.  
 (3.) ab hoc sortita fuit nomen *Vrbis*  
*Olympia* , in qua Jovis istius Templum  
 erat. Atque hic in honorem Jovis in-  
 stituerant ludos equestres seu certa-  
 mina Heroum. (4.) *Olympia* dicta re-  
 petenda quarto quovis anno exeunte,  
 quinto ineunte. Hinc ergo. (5.) *O-*  
*lympias dictum fuit quadriennale illud*  
*spacium , assumptum in epocham nu-*  
*merandi Regum successiones , & res*  
*gestas Græcorum* : initio nempe sumpto  
 à

à tempore primi *Olympiadum* institutoris, *Jphili*, anno Mundi 3174. Æra hæc apud Græcos & Latinos Scriptores usitatissima est. (6.) Fuit & Alexandri M. mater dicta *Olympias* &c.

120. Ita de omni scibili, præcipua quæque brevissimè memorari possunt, ut habeatur verè catholicum Rerum & Verborum omnium Repertorium.

121. Hæc ita si constituentur, quis non videt, totam Scholasticam Juventutem ad verissimam literaturam (Rerum scilicet variarum cognitionem, purissimamque Latinitatem) agminatim, & modis facilimis, promoveri posse? *modò prænominati Libri, Scholasticæ hujus Eruditionis feliciter propagandæ optima instrumenta, satis accurate constituentur.*

122. Quantum quidem ad VESTIBULVM & JANVAM (fundamenta scilicet hujus studii) attinet, in iis solidè ponendis nos pro tenuitate nostra desudavimus: quantumque operæ restat (in perpoliendo textu: adjungendisque JANVÆ Grammaticis Canonibus, & Etymologico illo Lexico,) id nobis propediem, quantâ maximè licebit dexteritate, absolvendum reservamus.

123. Forfan & CLAVIS INTELLECTVS humani, quam pro dirigenda universali Autorum lectione fabricandam



NB

candam supra (§ 117.) diximus à nobis expectari possit : qualis quidem à primo conatu expectari potest. Erit enim idem illud quod antea RERVM JANVAM, & *Christiane* PANSOPHIE epitomen, vocare libuit, aut etiam UNIUIERSALE RATIONARIUM vocare liceat : Ordinem Rerum talem ostendens, quo omnium quæ unquam fuerunt, sunt, & erunt ; aut esse, dici, & cogitari possunt, inventorum jam & porro inveniendorum, fontes, venæ, metæ, rationesque, recluduntur.

124. Quod dum nos, DE I ope freti, agimus, ut interea LATINITATIS PALATIUM *artificiosum illud, elegans, amenum*, exstruatur, audeam hîc publicè nuncjam ( occasione ita ferente ) compellare Te Vir eruditissime, David Vechner ; qui scitulo Tuo Templi Latinitatis proplasmate egregium ingeniosæ Tuæ solertiæ specimen dedisti, plurimosque Eruditorum in spem splendide in fastigium manu Tuâ surrecturæ molis, erexisti.

125. Et quia doctissimi aliquot diversis è Regnis Viri, suis ad Te privatim hoc nomine datis literis Te horrari sunt, ut pulchrè cœptum pulchrè absolvas opus : nec non me monent, ut faces subdere, Teque instigare, non de-

desistam ; patienter feres, quòd in facie Reipublicæ literariæ te datæ fidei commonefaciam, ne grave sit admortis unguibus conscribere opus, quod plurimorum utilitati inservire possit.

126. Cur enim non sequamur (scribit Clarissimus apud Dantiscanos Rhetor, Mochingerus noster) istum Electorum autorem, qui inquit: *Ego semel laboravi, ne Tu semper laborares?* Taceo alios, quia non ignoras Tu, diligentiae tuæ existimatores.

127. Quorum ego suffragiis, & publicis quasi desideriis, animum Tibi reficiens, publico scholarum nomine Te oro, perque hæc sacra Juventuti Christianæ quàm optimè consulendi studia, & debitam DEO & vocationi fidem, obtestor, ne admotam sæliciter aratro manum retrahere, promissam Scholis opem invidere, tam multorum fervida desideria frustrari, aut diutius remorari, inducas animum.

128. Sed inscriptionis mutandæ vides necessitatem, modumque : ut nempe **TEMPLVM** commutetur in **PALATIVM**, quemadmodum Aristarchorum nostrorum non neminem monuisse meministi. Quid ni obsecundemus amici consilio, ratione non carenti ? *Tutius à rebus profanis*, inquit, *metaphoræ petuntur : sacris, quantum potest, parcendum.*

129. Addam ego : *Thesauros* (ad quos per Januam nostram , & Atrium Tuum , veniri volumus ) *non in Templorum adytis asservari solere , sed in Palatiorum Regionum abditis recessibus.* Servemus ergò allegoriæ continuationē.

130. Etiam hoc cogita , *Roma* , cum in flore esset , *superbiisse Palatij* , ad stuporem aliunde venientium , & inusitatam Urbis splendorem demirantium. Quem moderna è ruderibus antiquæ resuscitata *Roma* , è longinquo licèt , æmulatur tamen , *Palatii*que suis magnificè se ostentat.

131. Tu igitur si nobis è librorum *Romanorum reliquiis splendidum facundia Romana Palatium exstruxeris* , majus Te opus facturum crede , quàm qui lapideas illas restituunt moles.

132. Et quia eruditorum nostrorum Censorum , uni & alteri , multiplex illa partium Templi distinctio minùs necessaria , minùsque Juventuti fructuosa ( metuentibus , ne ambages veriùs faciat quam semitas ) visa est , simpliciùs poterit in *Palatii* structura procedi ; omnibus nihilominus quæ diligentia Tua cogitavit , aut jam congestit , locum hîc invenientibus.

133. Sed pluribus his immorari quid opus ? Industriam Tuam Tibi in omnibus his ducem ( post DEVM sapientiæ ducem , & sapientum rectorem ,

rem, Sap. 7. 15.) relinquo.

134. *Excitet verò pariter aliquem DEVS, qui reserandis studiorum reconditioribus Thesauris, utilem Scholis navet operam!* Autorum nempe bonorum, è quibus cum Linguae puritate Rerum utilium succum hauriat Juventus, prudenti delectu, coordinatione bonâ, talique omninò ad usum accommodatione, ut quidquid, cum sapientiae tum sermonis elegantiae, è diversis illis, antiquis & novis, fonticulis, scaturit, id orane communi alveo Scholarum nostrarum perfluat hortos! ad efficiendum quàm plurimos verè sapientes, verè eloquentes.

135. Cujus rei nescio an optari debeat alius, aut sperari possit melior artifex, illo, qui sibi publicè spartâ hanc deposcere, eamq; adeò jam ornare orsus est: florentissimus in efflorescente Gerana Academia Eloquentiae & Historiarum Professor, D. *Johannes Rave.*

136. Qui editum nuper in lucem, notisque illustratum, & Indice pulchro instructum, *Cornelium Nepotem*, non solum titulo illo, *Autorum primus*, qui post Comenii JANVAM, pro inchoando apud Juventutem STYLO posthac edentur, ornare voluit: sed & in praefixa operi DE EMENDATIONE VITIOSÆ Per Germaniam ELOQUENTIAE Dissertatione, (paragrapho 18.) sibi  
H provin-



provinciam hanc illis verbis despondit. *Dabunt alii in aliis operam : ego pro mea, & bono cum DEO, annitar, ut in Latinis Auctoribus adolescentia à me quoque adjuta sit.*

137. Maſte verò hâc promptitudine pietateque in Patriam, Vir optime ! DEVS Tibi annos & animos addat, ut feliciter, quam profeſſus es operam, compleas.

138. Habes utique argumentum amplum explicandi vernantis Ingenii Tui vires, & benè merendi de Patria Germania; imò de omnibus Chriſtianis regnis, ubicunque Culturæ ingeniorum ulla agitur cura.

139. Si quid Tibi bonæ obſervationis eſt circa JANVAM ipſam caſtigandam & complendam, confer in commune, ſtruſtoribuſque ſuggere: ipſi verò Tibi has potiffimum assignari partes, ut pleniora Sapientiz gazophylacia artiſicioſè recludas, penitioresque theſauros in publicum proferas, ne diſpliceat.

140. Ita demum inſigne aliquid præſtari poterit, ſi partitis operis, non eadem agamus omnes ( alius ſic, alius aliter idem, confundentes nos invicem ) ſed diverſa diverſi tractemus, ad eundem tamen communem ſcopum omnes, animum intendentes, operamque impendentes.

141. Tenendum autem erit, non jam immediatè à Janua in Autores veniri, sed interponi (maturo satis consilio) *Atria*, sive *Palatia*; atque ex his demum in *Thesaurarios illos carceres* (ut ex Herode Sophista *Cœlius* vocat) transitum fore.

142. Cujus rei meminisse, eò serviet, ut scias minutiorem illam curam, de styli rudimentis, jam Tibi prætergressam; & quidquid agendum restabit, id solidiorem Rerum ipsarum cognitionem maturioremq; Eloquentiam, spectare: adeoque *fastigium hujus Scholasticæ Eruditionis Tibi committi*.

143. Non obliviscendum verò erit *Repertorii Catholici*, pulcherrimi illius pretiosissimique *Universalis Eruditionis Thesauri*.

144. Faxit ter maximus optimus DEVS, ut sive Tu hanc susceperis ornandam Spartam, sive alius, fiat id cum laude nominis divini, & publica Scholarum utilitate; perque id certa cum spe prolapsas in deterius res humanas, (Germaniæ verò nostræ nunc planè collapsas) in melius restituendi! *Multitudo enim Sapientum salus est orbis terrarum* (inquit Sapiens, cap. 6. v. 26.)

145. Ubi adornati fuerint hi Libri, designandæ erunt certæ temporum metæ, intra quas cuilibet Classi sua periodus absolvatur: & conscribenda pro docenti-

*bus Hypomnemata*, rectè his Libris utendi methodum præscribentia.

146. Quantum ad primum: putamus VESTIBULO dandum esse præter propter semestre; JANUÆ annum; PALATIO sesquiennium: AVTORIBVS triennium. Ut nempe compleatur sexennium illud, quod inter Scholam Vernaculam & Academiam ponunt, classicisque his exercitiis assignant, rationes nostræ, expressæ *Cap. XXVII. Didactice*.

147. Quod si spatia hæc nimis angusta esse praxis ostenderit, ampliari poterunt ad necessitatem. Nunc n. consultamus, nondum leges figimus.

148. Quantum ad *Hypomnemata*, quia non omnium est in consiliorum rationes penetrare, & ultrò, quid loco quovis faciendum sit pervidere: submonitiones ejusmodi (quas *Informatoria* vocare liceat) in gratiam illorum, qui non nisi ducti ducere alios norunt, conscribendæ sunt.

149. Qualiter mihi nunc jam ratione Vestibuli & Januæ faciendum est: præmissis tamen generalioribus quibusdam, circa utrumque pariter (imò & post, circa Palatium & Auctores) observandis, monitis.

150. Non enim omni ex parte verum est illud: *Scire volunt omnes, operam dependere nemo*. Sunt, qui volunt,

lunt, & studia, labores, sudores, offerunt: modò sciant modos viasque laborum difficultates superandi: Quomodo autem sciant nisi doceantur? Ut omninò ad Doctores provincia hæc, labores *Discipulis allevandi*, devolvatur: Didacticis verò incumbat modos illos investigare, & investigatos præmonstrare, ut docentibus in promptu sint. Pueris nihil relinquendum, quàm ut Scholam non per antiphrasin ludum dici sed reverà esse, intelligant & experiantur.

### Generalia pro præceptoribus monita.

151. *Docens, non doceat quantum ipse docere potest, sed quantum Discens capere.* Non enim ego vasi infundere possum liquoris quantum velim, sed quantum Vas capit: nec pro interiore capacitate simul infundendo, sed pro uti oris angustia permittit, instillando. Et cum aliquid humi jacens manu cupio attollere, ego me demittam necesse est, illud ipsum elevare se ad manum non potest. Planè igitur Præceptor condescendat discipulo in omnibus: & habeat se activè, Discipulus passivè. Tabula nihil pingere potest in se ipsa, sed Pictor: præstat illa satis, sistet immotè, & pigmèta excipiat dextre.



trè. Unde aliud sequitur : nempe ut,

152. *Quidquid difficultatum & molestiæ adferunt Scholastica studia, eas humeris suis Præceptores sustineant: Discipulis nihil præter imitandi aviditatem, facilitatemque relinquentes. Nempe quo Nutrices solent modo, infantulis suis non nisi præmansos ingerere cibos, ut sola illis blanda digestio super sit.*

153. *Quidquid (ergò) à Discipulis volunt sciri, id eis quâ maxime possunt perspicuitate ostendant, & velut coloribus vivis depicta ad oculum demonstrent; ut non possit non videre, tam rem, quam modum rei. Ita non poterunt non gaudere novâ luce, & ad ulteriora semper extendere appetitum.*

154. *Quidquid (verò) à Discipulis volunt fieri, id ipsi faciendo præmonstrent viam. Naturalissimum enim est, ut quisque duci suo, (vel tacitus) dicat, I præ, sequar : quia facile est præeuntem sequi : protrudi autem, sine prædesignata semita, durum.*

155. *Nunquam (proinde) aliquid tam facile videatur, quod Præceptor non aliis atque aliis modis magis etiam perspicuum, imitatuque magis facile, reddere allaboret. Non enim tam facile est discenti, atque scienti. Et quanivis sit, non tamen sibi fidit nondum satis confirmatus*

confirmatus animus, an rectè concipiat, aut efformet, quæ jussus est: sed cum toties iterando præire videt ducem suum sequitur animosè. (Trepidationem autem abesse, in omni opere valdè conducit.) Atque hoc verè erit *παλαγγῆν*, quàm blandissimè manuducere pusillos.

156. *Nunquam Discipuli prægraventur discendorum mole: nihil alioqui reportaturi præter nauseam, & ingeniî cruditatem. Quemadmodum enim non qui multa vorant saniores sunt illis, qui tantum edunt, quantum concoquere possunt: ita non qui multa legunt, audiunt, memoriæ mandant, docti sunt, sed qui quod legunt audiunt, memoriæque mandant, id simul intellectu rectè imbibunt, concoquunt, digerunt, promptequè ad omnem usum reddunt.*

157. *Tria semper formanda sunt in discipulo: Mens, Manus, & Lingua. Mens, ut rem quam discit, intelligat. Manus, ut quod intelligit, scripto exprimere discat. Lingua, ut quod intelligit & scit, promptè edisserat.*

158. *Quæ ita gradatim eunt: ut Intelligere aliquid facillimum sit: imitari manu, difficilius: difficillimum, sed perfectioni proximum, linguâ efferre. Nam quod manu fit, moram habet, & admittit deliberationem & auxilia, si*

ad manum sint: Linguae opera planè extemporanea sunt, & praequirunt habitum aliquem.

159. Ita Latinum sermonem (in quovis illo § 47. indigitato gradu) prius possibile est intelligere, quam vel scribere vel loqui. Et cum tentanda est intellecti jam praxis, prius tentanda est calamo, quam lingua. Quia inter scribendum non deest deliberandi quale quale spatium, & consulendi potestas: vel se ipsum, memoriam vellicando; vel alium assidentem, interrogando; vel denique libros, inquirendo. Atque ita exercitatis aliquamdiu, demum venit extemporanea illa, quae Lingua fit, animi sensa exprimendi facultas.

160. *Quod pariter in addiscendis Artibus & scientiis observandum est. V. bique, enim haec eadem gradatio obtinet: quod nempe ante omnia nobis formatur, mediante sensu, rerum Intellectus; & mediante Intellectu, Memoria. Tum operationem dirigente Memoria, Manus opus suum tentat, & peragit. At sermones de rebus instituere, non nisi ei competit, cui circa rerum usum confirmatus jam Intellectus & Memoria, tam promptè res & verba suggeruat, quam promptè Lingua sufficit eloqui. Omnino ergo supremus gradus, & perfectum apex est, Res probè intellectas*

intellectas Linguâ promptè reddere.

161. *Attendant ergò Præceptores, ut quidquid addocere feliciter volunt discipulos, per gradus istos inconfusè cant: confusionem aliàs parituri, sibi & ipsis.*

162. *Ubique autem præcedant Exempla, ut materia; sequuntur Præcepta & Regula, ut forma: quemadmodum supra, (§ 60.) dictum est. Præcepta enim & Regula directoria quædam sunt mentis, circa res & sermonem: regi autem & dirigi quomodo potest, quod nondum est. Et quis non fateri cogitur, omnem Regulam ab Exemplis accipere lucem? Ecce ergò non præfertur*

163. *Quidquid agendum occipitur, ne dimittitur, nisi peractum. Nam si per intervalla reditur ad negotium, labor non minuitur, sed iterando augeatur: quia eadem, eodem relicta loco, easdem iterabunt molestias. Hæc periculum, quàm faciliè impleturus sis vas aliquod aquâ, si quotidie unam & alteram solum guttam immittas: cum tamen implere faciliè possis, si continuo fundas.*

164. *Ergò, Præceptor nu quam plus materiae suinat, quàm quantum in eadem laborâ possit & proponi, & reponi, & exercitus debitis Intellectui & Memoriae imprimi: ne ad hæc redire sit opus,*



nisi repetendo. Quæ tamen repetitio aliud agendo potest fieri, & nova cum utilitate: nempe cum his jam præmissis sequentia superædificabuntur. Ordine enim procedi, & gradu nusquam interrupto, vera hæc (quam intendimus) methodus postulat: ut præcedentia sequentibus semper faciant viam, sequentia præcedentibus semper addant robur.

165. *Prima rerum fundamenta accurate prorsus ponenda sunt, nisi totum quod superstruxeris, vacillare velis.* Narrant Medici, errorem concoctionis primæ non corrigi in secundâ, neque secundæ in tertiâ. Et Mathematici, errorem ab operationis initio admissum, progressu in infinitum augeri: nec tolli, nisi totâ operatione destructâ, & ad principia regressu.

166. *Ergo quicquid incipit docere Præceptor, operam dabit ut sit accuratum, eoque tam firmum, ut ei sequentia tuto inædificari possint.* Prius discendum est Rectè, quàm Citò. Satis festinat, qui recto tramite ad scopum tendit. Præstat discentes primùm esse tardos, dummodò accuratos: Celeritas potest veniet, fundamentis firmis. Omnium certè crescentium hæc indoles est, ut primos motus, primaque augmenta, insensiliter agant: progressu denum vim & impetum sumant, si benè radica-

cata fuerint. Proinde,

167. *Si quid perperam apprehensum, aut usurpatum est, cavendum ne radices agat, sed mox evellatur.* Solet enim Mens, quidquid arripit, Memoria commendare, & fit idolum, ægrè se patiens evelli.

168. *Ergò quidquid docetur, doceatur accurate, ne possit in errorem rapi.* Tum actutum Magister examinet, quomodo perceptum sit, nequid forsitan erroris subreperit. Et si quid animadvertit, corrigat mox: detectâ simul & destructâ in errorem illum prolabendi occasione (quam prudens ingeniorum plasmator facilè ex circumstantiis odorari potest): eâ scilicet ratione, ne pòst aliquando similiter erretur, præcavendo.

169. *Eadem diligentia in formandis & corrigendis styli exercitiis adhibenda est, ut ne quid minus rectè à discipulo usurpatum, in exemplum illi aut regulam abeat.*

(Error quippe nimis facilè se insinuat, pòst autem tenaciter nimis hæret.)

170. *Exemplar (proinde) quod ad imitationem proponitur, non nisi probum sit: imitatio verò tentetur non nisi præsentē & inspectante Magistro.* Mox etiam revisio solemnis instituatur, sine dilacione in crastinum, aut etiam in dies

dies aliquot, ut inconsideratè fieri ad-  
suevit. Pernoctare nobiscum erro-  
rem periculosum est.

171. *Longè verò maximum facili-  
tatis compendium est (pro toto docen-  
tium & discipulorum cœtu) si Præceptor  
neminem unum solum doceat, quidquid  
docet, sed omnes simul. Aut si unum,  
occasione datâ, in omnium tamen con-  
spectu: ut quidquid dicitur uni, prosit  
omnibus.*

172. *Ut enim Typographus unâ  
eâdemq; typorum compositione mille  
chartas scripturâ implet, omnesque  
illas accuratissimè ita Præceptor unâ  
eâdemque rei alicujus dilucidatione  
mille discipulorum mentes collustra-  
re, uno eodemque exercitio omnium  
stylos expolire potest.*

173. *Quod ut fiat, duo necessaria  
sunt. Primò non admitti in eandem clas-  
sem discipulos vel inequali profectû, vel  
tempore diverso: sed omnes similis pro-  
fectûs simul recipi, simul duci: eo mo-  
do quo in Agris semina, quæ eidem  
messi parantur, simul sparguntur,  
simul rigantur, simul perflantur, simul  
fruticescunt, simul crescunt, simul ma-  
turescunt.*

174. *Secundò, arte opus est ad red-  
dendos discipulos usque ad eò in ea quæ  
sunt attentos, ut nemo sit omnium cui  
non omnia quæ traduntur solidè in-  
notescant,*

*notescant, & usum terant.*

179. Cujus modi attentio excitari potest, & retineri, *octuplici viâ.*

176. *Primò*, si Præceptor operam det, ut semper afferat aliquid, quod & delectet & profit; ita enim inescabuntur animi, ut semper cupidè, & parata cum attentione, veniant.

177. *Secundò*, si sub initium cujusque operæ, aut demulceantur animi, materiæ proponendæ commendatione; aut vellicentur, quæstionibus motis, sive de propositis jam, quò per cohærentiam ad præsentem veniatur materiam; sive de proponendis, ut animadversâ eâ parte ignorantia suâ, ad excipiendam avidius rei declarationem accendantur.

178. *Tertiò*, si Magister, editiore consistens loco, oculos circum ferat, & neminem aliud agere quam in se vicissim defigere oculos, permittat.

179. *Quartò*, si attentionem juvet, Sensibus quotquot potest rem quamlibet præsentando: nempe non Auditui soli, verbis prolatis, sed & Visui, picturis; & Tactui, rem præsentem contrectandam sistendo; & Olfactui &c. quoties ejusmodi objecta explicanda sunt. Talis enim Rerum ad Sensus, & sensuum ad Res, applicatio, imaginativam perpetuo velli-

cat,



cat, & rei præsentì adstringit, ut e-  
vagari & torpere vix ac ne vix qui-  
dem possit.

180. *Quintò*, acuet discipulorum  
attentionem Præceptor, si inter ope-  
ras subinde, sermone interrupto, di-  
cat: *Tu aut Tu, quid modò dixi? repe-  
te hanc periodum? Tu, dic qua occasione  
huc ventum est?* & similia, pro cujus-  
que Classis profectu. Si quis non at-  
tendisse fuerit deprehensus, increpe-  
tur, aut castigetur, illicò: ita atten-  
tionis studium omnino acuetur.

181. *Similiter*, si unum aliquem  
interrogasti, & is hæret, ad secundum,  
tertium, decimum, trigesimum quem-  
que transili, & responsum posce, quæ-  
stione non repetitâ: omne id eo fine,  
ut quidquid uni dicitur, omnes atten-  
dere, inque usum transferre, allabo-  
rent.

182. *Fieri etiam potest, (septimò)*  
ut si quid unus vel alter ignoret, quæ-  
ratur ex tota turba: & tunc qui primò,  
aut optimè, responderit, collaudetur  
in omnium conspectu, ut exemplum æ-  
mulationi serviat. Si quis aberrave-  
rit, corrigatur, erroris etiam occa-  
sione (ut ante dictam) detectâ & re-  
vulsâ. Incredibile quantum hoc sit  
futurum celerrimi profectus compen-  
dium.

183. *Tandem* lectione finitâ, copia  
fiat

fiat discipulis ipsis Præceptorem quid  
quid volunt rogandi : siue in lectione  
præsenti scrupulum nactus fuerit ali-  
quis, siue ante. ( Privatæ namque re-  
quisitiones non ferendæ : publicè Præ-  
ceptorem consulat cuicumq; opus est,  
ut omnia omnibus usui sint, tam quæ-  
sita quam responsa. ) Si quis crebrius  
utilia moveat, collaudandus erit sæ-  
pius, quò cæteris diligentia exempla  
& stimuli non desint.

184. *Tale attentionis exercitium  
quotidianum, proderit adolescentibus non  
in præsens solum, sed per totam vitam.*  
Adlueti siquidem annorum aliquot  
continuo usu id semper agere quod  
agitur, omnia semper facient animo  
præsenti, non expectatis alienis moni-  
tionibus aut instigationibus. Et tales  
si sint Scholæ, quid ni sit solertissimo-  
rum hominum uberrimus proventus?

185. Verum enimvero de his gene-  
ralibus plura accuratioraque in Dida-  
ctica nostra generali : nunc ad specia-  
lem VESTIBULI & JANVÆ Didacti-  
cam, veniendum est, quam expedie-  
mus paucis.

## Informatorium de VESTI- BULI L. L. Ufu.

186. Meta primæ Latinæ classis  
est, ut puer vernaculè legendi & scri-  
bendi

bendi gnarus ( hoc enim præsupponimus ) cum Latinis literis primam, eoque difficillimam ( quia omne principium grave ) absolvat luctam : hoc est addiscat Latinum sermonem ( 1. ) Pronuntiare legitime. ( 2. ) Legere expedite. ( 3. ) Scribere accurate. ( 4. ) Intelligere ac interpretari qualitercunque. ( 5. ) Discernere Orationis partes mediocriter. ( 6. ) Declinare & conjugare analogæ exacte. ( 7. ) Sensa animi puerilia eloqui &c. ( 8. ) Proposita jam imitari stylo, aliquomodo.

187. Ad hoc obtinendum conceptæ sunt jam ante aliquot centenæ sententiolæ, Latinitatis VESTIBULUM dictæ: perficiendæ posthac in eum modum, ut ( 1. ) Accentus vocibus expressè superimponantur. ( 2. ) De pronuntiatione legitima observationes adjiciantur. ( 3. ) Exemplaria alia earundem sententiarum iisdem typis, sed colore aliquo diluto, (viridis conveniret fortè cum maxime) exprimantur: è quibus pueri Latinæ scripturæ fundamenta discant, Literarum ibi expressos ductus atramento superinduentes, eaque ratione ad similes efformandos manum sibi comparantes. ( 4. ) Singulis sententiis Versio vernacula præjungatur. ( 5. ) Alio charactere Nomina, alio verba, alia aliæ voculæ, exprimantur. ( 6. ) Declinationum & Conjugationum tabellæ, cum

n. onitis

monitis necessariis, appendantur. (7.) Sententiarum benè multæ in Colloquii forma disponantur. (8.) Ad calcem libri Vocum contentarum Index vernaculus apponatur: utque Voces Latinæ è libello ipso citari queant, Sententiæ per totum librum numeris suis (eo quo in Janua modo Periodi) distinguantur.

N B.

188. Hæc talis Vestibuli structura commodè serviet affequenti fini: si intra assignatum semestre decies percuratur libellus: quâvis vice tyronum Intellectu, Memoriam, Manu, & Linguam, altius semper promotis.

189. Loci hujus est monere, exercendis Intellectui & Memoriae (ut alibi, ita in hoc tyrocinio) tribuendas esse horas matutinas; stylo & Linguæ, pomeridianas.

I.

190. Primum ergo Libellum percurrant solius lectionis & rectæ pronuntiationis causa: hoc modo. Legat Præceptor unam & alteram pagellam, clarè, distinctè, lentè, ut discipuli suos inspectantes libellos sufficiant auribus, oculis, attentione, subsequi. Ubi absolverit lectionem Præceptor, incipiant eandem discipuli: sed singuli sententias singulas, in orbem.

191. Hoc dum fit, Præceptor diligenter attendet pronuntiationi, ut planè



planè recta sit & accurata : ideoque non præfestinata, sed lenta. Et quisquis malè pronuntiaverit, jubebitur repetere, toties quoties hæsitat, donec expedita sit ad Latina hæc sonandum omnium lingua.

192. Adjungatur verò ex Elemental Grammatico (Vestibulo annexo) Caput primum, de *Litararum & diphtongorum Latinarum potestate*.

193. Pomeridianis horis eadem illa mane lectitata describent : nempe impressa illa programmata (de quibus paulò ante, § 187. (2.) innuimus, si ad manum fuerint) imitando, aut etiam liberâ manu. Cujus exercitii triplex erit finis. (1.) Addiscent accuratè Latinam effingere scripturam. (2.) Accentum quoque scribendo firmabunt. (3.) Intellectus vocum jam sese paulatim insinuabit, Sensu circa eandem rem diutius occupato.

194. Quodsi vernaculam simul calligraphiam exerceri placeret (quod utique displicere non debet) res foret elegantix plena, si Vestibuli textus Germanicus non vulgaribus illis typographicis characteribus, sed qui in scribendo Germanis usu veniunt, depingeretur. Cujusmodi characteres alicubi haberi scimus : vel de novo comparari sanè operæ pretium fuerit.

195. Tempore verò scriptionis ob-

ambulabit

ambulabit Præceptor, & singulorum operas inspectando, calamus rectè prensare, literarum apices accuratè observare, omnes ductus exactè formare, docebit. Quæ cura, eleganter literas pingendi, toto hoc semestri (imò & post) continuabitur, ut omnes quam maximè potest venustam sibi comparent manum.

## II.

196. Absoluto ita per nudam *lectionem & scriptionem* libello, reditur ad initium ejus, ut *relegatur ac describatur* denuò, *diligentius etiam quàm antè: quippe cum adjuncta interpretatione*, accuratior Vocum, initali etiam Rerum.

197. Ac ut de posteriore prius moneam (Rerum interpretatione) poterit Præceptor (*lectione & interpretatione discipulis præcundo*) hinc inde subistere, & aliquid auditu jucundum & utile interserere; (linguam nempe vernaculam, quia Latinam nondum intelligunt.) Ex. gr. Ad sententiam primam, *Venite pueri*, monebit, Linguas in pueritia optimè disci. Puerum enim anni spatio addiscere quamvis Linguam, quod Vir factus vix totâ ætate potest. Ergò, venire ad Scholam gaudeant: ubi Latina discitur, pulchra illa & elegans præ omnibus, &c. Ad illud, *Dens vos juvabit*, dicet: charissimi filioli, nihil possumus  
nos

nos sine Dei ope. Deus tamen promptè  
juvat illos, qui eum timent & invocant  
&c. Talia subinde monere, serviet in-  
geniis excitandis, delectandis, & ad  
majora gradatim prædisponendis, quò  
familiarius blandiusve hæc fuerint ex-  
plicata, eò magis.

198. Pergant interim discipuli le-  
gere & interpretari sententias, ex or-  
dine iterum, sed *præmissò vernaculo tex-  
tu* (nam & sic typis exscribi suademus  
libellum, ut vernacula præcedant La-  
tinis) *duas ob causas*. Primum, quia  
non Vernaculam discunt Latinæ ductu,  
sed Latinum ductu Vernaculæ: præce-  
dat ergò dux. Hæc etenim æterna est  
& immutabilis methodi lex, ut Intel-  
lectui in rei ignotæ tenebras penetra-  
turo, alicujus ante notæ rei lucem præ-  
forti necesse sit; (*Quidquid enim dis-  
citur, è præcognitis discitur.*)

199. Secundò, prodest methodus  
hæc Memorix; cujus natura est pro-  
gredi, non regredi. Nam si à puero  
quæram, *In Oratione Dominica, post vo-  
cem FIAT quid sequitur?* statim respon-  
debit (memoriâ promptè suggerente)  
*Fiat voluntas tua, &c.* At quære,  
*Quid vocem illam, FIAT, antecedit?*  
hærebit etiam nostrum quisque: quia  
nempe Memoria regredi nescit, aut sal-  
tem non adsuevit.

200. Ergò, quia tam Intellectus,  
quàm

quàm Memoria per nota ad ignota se porrigunt ( per vernacula ad peregrina ) absolutæ necessitatis est nota præmitti, ut ignota ulterò sequantur. **Komt her ihz Knaben, Venite pueri. Lernet die Lateinische Sprach, discite Latinam linguam, &c.**

201. Sed & hoc melioris profectus gratiâ observandum : ut cum ita sententiam sententiæ reddere discent, etiam verbū verbo reddere jubeantur. Ita nempe : **Komt her ihz Knaben : Venite pueri : Komt her, Venite? Ihz Knaben Pueri.** Et sic ubique.

202. Ratio hujus consilii est. (1.) Ut eidem voci diutius immoretur Lingua ( adhuc enim firmanda est pronuntiatio recta, & lectio expedita ) : eidem autem rei, quam designat vox, Imaginativa facultas, quò melior impressio fiat. (2.) Ut eadem impressio, & conceptus, distinctior sit, extraque confusionis periculum. Quia enim quandoque Latina vox duabus Germanicis redditur, aut fit in Germanico Vocum trajectio, posset puer non satis considerare, quò spectet unumquodque, si permitteretur generaliter tantum pronuntiare sententias integras.

203. Verbi gratia, sententia Vestibuli octava, *Deus vos juvabit*, trium vocum est, & tamen Germanicè non nisi quatuor exprimi potest; quia fu-



turum illud (juvabit.) voculam futuri indicem. (**wtrd**) assumit. Præterea, fit vocum trāspolitio: **Gott wtrd euch helfen**: pro, **Gott euch=wtrd helfen**. Ergo, ut puer ista discernere adfuerat, hæc quam dixi expositio iterata (quā vox voce redditur) proderit, **Gott, Deus; wtrd helfen, juvabit; euch, vos.**

204. Easdem sententias, eo modo coordinatis verbis, si pomeridianis horis diligenter describant, triplicem inde fructum reportabunt. (1.) Calligraphiam & (2.) Vocum intellectum sibi firmabunt. (3.) Constructionem autem Vocum, discernere, aliud agendo, incipient.

### III.

205. Tertiò, percurratur Vestibulum, repetendo interpretationem à Latino in vernaculum, inverso scilicet à priori ordine, sed simili sententiarum numero, pro vice una: itidem reddendo primùm sententiam sententiæ, deinde verbum verbo.

206. Causa, cur nunc à Latinis ad vernacula regressum suademus, est, ut hæc ratione Vocum Latinarum vis, & ad vernaculas analogia, melius pateat. Ut enim Viator melius addiscit viam meando & remeando: & operis alicujus structura melius innotescit texendo & retexendo: ita sermonis peregrini

ni ad nostrum habitus, ab hoc ad illum,  
& ab illo ad hunc, regressu.

207. Præeat igitur Præceptor iterum interpretandi exemplo (tenelli enim adhuc sunt tirunculi nostri, formari illis labia oportet) sic: *Venite pueri, Komt her thr Knaben, Venite, Komt her: Pueri, Ihr Knaben, &c.* ad hunc eundem modum totum illius horæ demensum interpretando. Tum jubet eos idem illud (unoquoque suum libellum inspectante) agere, ex ordine. Et facient expeditè, mirabundi quod tam facilia sibi injungantur; quia non animadvertent, quàm sensim sine sensu eò ducantur, quò deductos se post gaudebunt.

208. A meridie scribant easdem sententias in libellum Exercitiorum, eodem ordine & modo, quo exponebantur manè. Ita poterit intra octo decemve dies libellus totus percurri.

#### IV.

209. *Quartò*, reassumatur Vestibuli textus Memoriarum jam pertentanda causa, an, & quantum, se illi insinuaverit Latinarum Vocum intelligentia. Repetant sibi tamen pueri (id quod ex ordine sequitur) ante Scholam, ut memoriarum imprimant: ingressosque jubet Præceptor libellos occludere, & quærat: Tu N. N. quid significat, *Venite pueri?* Tu N. quid est, *Sapientia*

entia *sempa*? & sic aliquoties pensum illius horæ percurrendo, sursum & deorsum, & per saltus.

210. Tum eodem modo vernacula proponat, quæ illi reddant Latine. **Du B. Wie sprichstu Lateinisch, Kommer ich Knaben? Du B. Wie sprichstu, Gott wird euch helfen &c.** Abstineatur adhuc à variatione Casuum aut Temporum: Singulaque tantum requirantur, ut in libello exstant. Quippe nondum de variegatione quidquam audierunt.

211. Eadem illa describent à meridie, ad firmandam Latinæ scripturæ usum, & intellectum, memoriamque.

212. Ita habebunt Tyrocinii sui materiam: cui jam forma introducenda erit, h. e. inchoanda Vocum formatio. Et primò quidem *Nominum declinatio*.

213. Ergo ubi quintâ vice adendum erit *Vestibulum*, prælegat illis & explicet Præceptor *Caput secundum & tertium Elementalis Grammatici*, Vestibulo annexi: ut discant Nominis & Verbi differentiam: & Nominum genera, & variandi, seu declinandi, necessitatem, usum, formam. Idque in spectione perpetuâ *Tabellæ declinatoriæ*, omnes Nominum declinatorum terminationes repræsentantis. Nullo enim modo ad ediscendum Declinationes cogendi sunt, antequam eas usu

sibi

sibi reddant quàm familiarissimas.  
Quod ita fiet.

214. Doceantur sex esse termina-  
tiones, ( pro numeri varietate varia-  
biles) in quas nomen quodvis deflecti  
potest. Aliter enim terminari, cùm  
rem simpliciter nominamus; aliter fe-  
rè, cùm eam vocamus: aliter quùm  
ei aliquid tribuimus, &c. Loco ergò  
Casuum ( hâc primâ vice ) usurpent  
vel quæstiones, *Wer ? W du ! Was-  
sen ? Wem ? Wen ? Mit wem ?* vel  
formulas illas generales, quæ menti  
ultrò quid sequi debeat suggerunt.  
Nempe (1.) *Ecce* (2.) *ô Tu* (3.) *Pars*  
(4.) *Da* (5.) *Vide* (6.) *Aufer ab. Ut*

<i>Ecce, Puer,</i>	<b>Siehe ein Knabe</b>
<i>O tu Puer,</i>	<b>W du Knabe</b>
<i>Manus Puer-i</i>	<b>die hand desz Knabens</b>
<i>Da Puer-o</i>	<b>gib dem Knaben</b>
<i>Vide Puer-um</i>	<b>sehe den Knaben</b>
<i>Aufer à Puer-o</i>	<b>nimm von dem Knaben.</b>

215. Hâc namque serie Casus re-  
censendi sunt prorsus, ut *Vocativus*  
*immediatè Nominativum sequatur*; nisi  
evidentissimæ rationi refragari, & dis-  
centibus datâ operâ cruces figere, vo-  
lumus. Quippe duo illi *Recti* dicun-  
tur, cæteri *Obliqui*: maneant ergò unâ  
quæ unius ejusdemque sunt censûs. Et  
quia à Genitivi singularis termina-  
tione



tione omnes reliqui, utriusque numeri Casus, terminationes suas accipiunt, non item Vocativus singularis; præcedat ergò ille, ne pòst aliorum flexum turbet, &c.

216. Ostenso Tabellæ declinatoriæ usu ex Introitu petitis exemplis quomodo solitaria nomina *Puer, Lingua, Res, Sapientia, Deus, Præceptor, &c.* declinentur): poterunt è capite sequenti, (ubi *Adjectiva Substantivis connectuntur*) combinatim utraque declinari, sed primò (facilitatis gratia) ea solùm quæ ejusdem Declinationis sunt. Ut primæ; *Latina Lingua, Lingua pulchra. Terra infima. Nebula propinqua. Area lata, &c.* Tum secundæ: *Deus æternus. Mundus temporarius. Cælum supremum. Dehinc tertiæ: Homo mortalis. Pondus grave, &c.*

217. Tandem, ubi in puris illis profecerint, veniatur ad *mixtas* declinationes: *Lingua elegans. Res varia. Medium facile. Finis jucundus. Angelus immortalis, &c.* ubique Vernacula simul variando, ut declinandi finem & usum omninò perdiscant.

218. Pronomen, *hic, hæc, hoc*, inter declinandum Nominibus nullo usu, certo autem cum tenellorum ingeniorum tormento, præponi, evicerunt ante nos alii: silentio ergò transimus.

219. Ex-

219. *Exercitia styli hic erunt, (omnibus pomeridianis horis) earundem Declinationum accuratissima descriptio, præsentibus semper, inspectantibus, dirigentibus, & corrigentibus, Magistris. Urget enim præsentia Turni.*

## VI.

220. *Eodem modo pertransibitur Vestibuli textus vice sextâ, Conjugationum addiscendarum causa: præmissa iterum ex elementalî Grammatico Capitis quarto prælectione & explicatione. Sed hac vice sola primæ formæ verba, Activa puta cum Neutris, conjugari docebuntur: dissimulatis, & silentio transitis, Passivis & Deponentibus. Gradatim enim eundem est, multisque & diversis simul addiscendis nunquam oneranda sunt ingenia.*

## VII.

221. *Septimâ decimâ vice repetendo Vestibulum eatur ordine per Verba, uti obveniunt. Ubi de Passivis erunt generaliter informandi, quem sensum & usum habeant, juxta annexum Elementale Grammaticum, &c.*

222. *A meridie eadem Conjugationes transcribantur in Exercitiorum libellos: more jam designato.*

223. *Atque hic jam etiam inchoari commodè poterit Linguae exercitium. Non quòd ante prohibitum sit, sed*

quod posthac intermittendum non sit. Ante fuit liberum illis qui volebant (sunt enim alii aliis ut ingenio ita linguâ præcocios) Latine garrere: posthac non liberum erit non garrere. Si quis pejus cæteris, castigetur ab illis qui melius balbutient, & à Magistro ipso: non severitate aliquâ, sed joco, vexatione, risu. Hanc penam esse volumus barbarismorum & solæcismorum hoc loco, ut exercitatio sit jucundior & liberior.

## VIII.

224. *Octavo repetatur libellus, ut recitent memoriter vel integra folia, ad percurrendum quàm celerrimè. Adjungaturque declinandi & conjugandi exercitium, itidem jam memoriter, sine tabellarum inspectione; ut jam sine cortice natate consuecant. Exceptis tamen Verbis formæ secundæ nuper inchoatæ, nondum firmatæ, sed denum firmandæ. Hic proinde Tabellâ uti serperastrorum instar, adhuc liceat.*

225. *Exercitia styli (pomeridiana) per hos dies erunt Variatio sententiarum per numeros, singularem commutando in pluralem, & viceversa. Ex. gr. Introitum Vestibuli sic describant: Veni puer, discè linguas pulchras & elegantes: & comprhende pro tuo captivam rem variam, sapientiæ semen. Deus te juvabit, Præceptor amabit, alius (quilibet)*

bet) laudabit, ipse gaudebis, &c. Ecce quam facilia hæc! per quæ tamen multarum difficultatum ambages evitari, & à tergo relinqui, res ipsa docebit.

## I X.

226. *Nona Vestibuli iteratio tota quasi examinatória erit; ad cognoscendum, quid profectum sit hætenus in Rerum intellectu, & Verba interpretandi, discriminandi, variandi, promptitudine.*

227. Horas ergò matutinas percontando transiget Magister: Tu N. N. quid est, Venite pueri? Pueri, estne Nomen an Verbum? Cujus casus? Cujus numeri? Cujus declinationis? Cujus generis? Quæcunque autem ratione hic aliquis hærebit aut errabit, id semper ad aliquid necessarium & utile monendum occasio esse poterit.

228. Quoties ad particulas indeclinabiles venit, etiamsi de illis nihil adhuc traditum est, pergat tamen quærere. Tu N. N. PRO, (ET, ERGO, UBI, &c.) estne Nomen an Verbum? Si hærebit, dicet Præceptor, nec Nomen nec Verbum, sed vocula invariabilis: cujusmodi multas esse, (recenserique potissimum Capite IV. Vestibuli) monebit; nondum differentiam Adverbiorum, Præpositionum, Conjunctionum & Interjectionum, attingen



do : hoc enim reservatur Grammaticæ. Nunc satis erit differentiam Nominis & Verbi & Generum Casuumque, Temporum Modorumque usum nosse, atque insuper declinando & conjugando esse promptos.

229. *Exercitium styli hic jam altius ibit. Commutabunt nempe Verborum Modos, ex Imperativis Indicativos, & ex Indicativis Subjunctivos, formando: eoque intervenientibus particularum subjunctivarum ( Si, ut, Quòd, Quamquam-tamen, &c. quæ illis Præceptores suggerent) vinculis, connectendo. Verbi gr. Ex introitu Vestibuli proponendum erit argumentum styli vernaculi, in quo in Latinum transferendo nihil requiratur, Præter dictam illam Modorum permutationem: hunc ferè in modum. Pueri veniunt ut discant Latinam Linguam, quæ pulchra est & elegans. Si comprehendunt pro suo captu res varias, sapientiæ semina, sit ut Deus eos juvet, Præceptores ament, alii laudent, &c. Sed hoc vernaculè proponatur, ut Latinè reddatur. Ita per totum libellum.*

## X.

230. *Decima & ultima Vestibuli repetitio concertatoria erit, inter discipulos ipsos. Liceat inferiorum cuicunque provocare superiorum quemcunque. Atque tum provocans jubeat provocatum*

catum sententias, quas ei (è præsentis tamen horæ demenso) proponet, transferre in Latinum : & permutare numeros : & Verborum modos : & declinare : & conjugare , &c. omnia ex tempore, memoriter, promptè. Tum pòst ille hunc eodem modo examinabit, &c. Brabeum sit loci prærogativa.

231. *Styli exercitium hic tale esto.*

Ex occasione eorum quæ manè examinata sunt fingatur epistola, seu *narratiuncula* quædam plenior: ad quam tamen non requirantur alia verba quam quæ *Vestibulum* suppeditant; sive in præsentis ejus dici textu occurrant, sive alibi Indicis beneficio (cujus usum hic jam demùm sentient) inquirenda veniant. Ex. gr. Ex occasione Introitus Vestibuli dicetur ipsis epistola patris ad filium vernaculè, sic : **Mein Sohn, wo du fleißig lernest die schoene Lateinische Sprach, so werde ich dich gewiß lieben. Denn darian ist grosse Weisheit zu finden. Hastu doch einen guten Præceptorem : der dich also unterwisset, wie du es begreifen kannst. Sie ist auch gar leicht, wenn man nur Ordnung halt. Zwar der anfang ist etwas schwer : Das end aber wird gewiß lustig sein, & Ich helfe dir mein Kind.**

232. Cavebit ergò Præceptor ullam

immiscere Vernaculam Vocem, quam non Index Vestibuli habeat, & Latinam illi respondentem in Vestibulo monstret. (Aut si immiscet, doceat mox quomodo Latinè exprimenda sit.) Nec periodos formabit bimembres aut trinembres: sed simplices: Meminisse enim oportet balbutiem Latinitatis nunc formari, & cum balbutientibus esse balbutiendum.

233. *Index Vocum ut sit tantum Vernaculus*, (non additis vocibus Latinis, sed numero sententiæ, ubi vox ea Latinè redditur, expresso) non sine causa suadeo. Primò enim, entia non sunt multiplicanda sine necessitate: cur ergò vocum interpretatio, quæ in textu facta est, in Indice repetatur? Deinde, utile est discipulos quàm sæpissimè textum inspicere, & familiarissimum habere; omni igitur occasione eò revocentur. Denique, eo ipso brevior erit Indecula, & libellus parabilior & portatiliior.

234. In examinanda compositione Præceptor in causas etiam inquiret (ut rationabiliter scribere & loqui consuecant) *Cur hoc ita posuisti? Cur non ita?* Ubi datâ operâ vitiosè terminationem fingat. Verb. gr. Cur ponis *Venite*? cur non *Venâte*, sicut *Amâte*: aut *Venête*, sicut *Docête*? Respondeat, & respondere doceatur: quia

*Venire,*

*Venire*, est Conjugationis quartæ, ubi Imperativus terminatur in *ite*, &c.

235. Hoc erit præceptorum & regularum intellectum usu formare, ut usum ferant: & sint præcepta, verè præcepta; & normæ, verè normæ & directoria. Absque hoc fit, quantâcunque curâ evolvantur Grammaticorum libri, non ad aliud conducunt, quam ad macerandum, torquendum, hebetandum ingenia.

236. Hoc modo ad Latinitatis Vestibulum decies dedolatus Latinitatis tyro, ipsam Januam ingredi judicabitur idoneus.

## Didactica JANVÆ

L. L.

237. Secundæ classis Latinitatis metam ponimus, ut puer eò erudiatur, quò (1.) *Omnes usitatas Latini sermonis voces intelligat*, earumque verum & genuinum sensum, h. e. significationem propriam, examussim teneat (2.) *sciat significationum* (quo ad cum usu fieri potest) *reddere rationes*, vi originationis (3.) Tandem *ut scribat & eloquatur congruè*, (h. e. Grammaticè, sine vitiis) quidquid jam rerum intelligit.

238. Qua tria si annuo spatio (quod ante designavimus, § 146.)

I 5

pueritiam



pueritiam addocendi commodam ostēderimus viam , rem haut levem praxitam esse nemo prudens negabit.

239. Tria n. hæc *Universali* illi , quam intendimus , *Eruditioni* , & quæ proximè sequi debet *Facundia suavi* , plenaque post *Eloquentia* , planè viam sternerent. Quod ut æquè pervideant omnes , ante omnia id hîc , vel strictim , rationibus & sapientum virorum testimoniis comprobandum erit.

240. Quantum ad primum , aperte ostendit in sua ( de Emendatione vitiōssimæ per Germaniam Eloquentiæ ) Dissertatione *Ravenius* , totius mali caput esse , quod qui *Eloquentiæ* dant operam , non à fundamentis incipiant , sed à fastigio : h. e. dicendi genus summum jam inde à primordiis affectent , infano consilio Ciceronis & aliorum grandiloquentium imitationi illicò sese dedentes.

241. Suadet ergò gradatim iri , à dicendi genere humili ad mediocre , & à mediocri , ad grande. Attamen ( quod observandum probè ) ne ab humili quidem incipiendo , sed primum ad genus commune , quod omni characteri competat , Juventutem componendo.

242. *Propriis n. verbis* , & iis communibus & vulgaribus , sensa animi efferre posse , non solum primum esse ad Eloquentiam

quentiam gradum, sed & totius Eloquentie fundamentum: quinimò potissimum fluentis jam & urgentis Eloquentiae vim, non in extremis illis troporum & figurarum ornamentis, sed in communibus illis & propriis rerum expressionibus, sitam esse, Ciceronis & Quintiliani: Lyfiaeque & Isocratis, exemplis & testimoniis, probat. Tandemque sine hoc fundamento omnem pro Eloquentia conatum ridiculum esse, & in nugas abire, ostendit.

243. Quod in nobis ipsis experimur, quicumque non hâc felici & facili viâ ducti, sed per devia quævis raptati fuimus. Non solùm qui jam tandem tennitatem, siccitatem, scabritiemq; nostram agnoscimus & deploramus: sed & sublimes illi, suâ opinione, qui verbosâ loquacitate prætumidi, quoties facundiae suæ expromunt, & in publicum ostentant, vires, toties nil nisi vel alienas rhapsodias, vel proprias bullatas nugas, tumores putameros, & verba inflata, variè crepantia & hiantia, adferunt: sibi solis, sui que similibus, mirandi, sapientibus ridendi.

244. Si ergo nostra hæc secunda Latinitatis classis aptè satis docere poterit, quomodo sermone recto, & puro (*nativo scilicet & proprio Vocum significatu*) animi sensa (saltem in necessariis

cessariis interim ) exprimenda sint , quod ni rectè fundamentum sequenti altiori structuræ posuisse existimemur ?

245. Eò tamen haut ullâ certiore , ac *studii Etymologici* , viâ pervenire licet. Quandoquidem si usu solo Vorum omnium significationes genuinæ addiscendæ relinquantur , cùm Temporis ampla nimis spatia requiruntur , tùm Memoria obruitur , non ad certas classes revocatis omnibus : sed & Intellectus vacillabit semper , nullis rationum cancellis , ut cui cohereant , quæ cohererent , videat , septus. *At dum vides , unde ortum sit verbum , citius intelligis vim ejus Rei , quam cupis introspicere* , inquit Isidorus.

246. Clarissimus *Becmannus* ( in aureo suo *de Originibus Latinæ Linguae* opere ) septem recenset , & exemplis illustrat , studii hujus , quod in Vorum rationes inquirir , utilitates. Nempe quod ( 1. ) Ducat indistinctam proprietatis vorum cognitionem , ne promiscuè una pro altera infarciatur. ( 2. ) Viam aperiatur in Rerum cognitionem : ( quemadmodum *Agellius Labeonem Antistium* innumerabiles in jure civili nodos non aliâ re magis quàm Vocabulorum originis diligenti investigatione expedivisse , refert. Nullam n. propemodum Dictionem temerè esse confictam ,

confictam, sed consilio impositam : ut *Origo Vocis plerumque sit index naturæ*, i. e. proprietatis & finis, ad quem Res ordinata est. ) (3.) Oratoribus hoc præstare etymon, ut cognitâ proprietate, sciant quæ vis & efficacia insit voci : ad melius instituendum Verborum delectum, quam Eloquentiæ esse originem Cæsar apud Ciceronem dicit. (4.) servire ad cognoscendas syllabarum quantitates : (5.) & ad exactiorem scripturam vocum. (6.) Et Memorix parari præsidium ingens, dum multæ Dictiones ad aliquam unam, simplicem, primam ; & multi significatus ad aliquem unum principem, revocantur. (7.) Denique, rem esse voluptatis sinceræ plenam, & melle dulci dulciorem, cernere, quàm aptè Res & verba alia ab aliis descendant, & se invicem amplexentur.

247. Non mirum ergò, excellentissima ab omni ævo ingeniâ in Vocum originibus exquirendis, non tam deliciata fuisse, quàm seriam & severam posuisse operam. *Plato* puta, *Aristoteles*, *Cicero*, *Cæsar*, *Galenus*, *Varro*, *Festus*, *Scaliger* uterque, &c. Etiam Theologi magni : *Isidorus* Hispalensis Episcopus : *D. Lutherus* ( vir magnus & doctissimus, qui edito opusculo *Nomina propria Germanorum è nativis fontibus declaravit*, præfixâ adhortatione,



tionem, *Exemplum dedi Vobis, ut plura & meliora faciatis*) M. Martinus, G. Cruciger, ipse Christ. Bemannus, D. Gregorius Francus, &c. Scribitq; I. C. Scaliger: *Qui Verborum curam putat indignam esse viro sapiente, is homines nos esse dedocet.*

248. Omnia hæc ostendunt, hæc etiam subsidia Juventuti Scholasticæ (quò promptius & efficacius ad scopum Rerum & Verborum veram & solidam cognitionem, promoveantur) invidenda non esse: dandam potius operam, ut rem ultissimam & jucundissimam, ex operosis Criticorum officinis ad puerorum transferamus ludos: quò per leviora hæc (Verborum rationabilem speculationem) circa Res ipsas philosophandi fiat initiū. Nam rectè dictum est: *Rerum potior, Verborum autem prior, est contemplatio.* Et Galenus: *Sine Nominis explanatione Rem velle cognoscere, est tempus perdere.* *Etymologiæ n. ratio, est optimum intelligendi principium.*

249. Optimè igitur puerilibus studiis consulemus, si eos circa Ulocum etymologias reddiderimus perspicuos & accuratos: quantum quidem ad ea, quæ Latinis è fontibus derivantur. Cætera, quæ apud Latinos pro thematicis habentur, satis erit deduci à Græcis (paucissima etiam ab Hebræis)

bræis) vocibus : ut pueri Græcam esse matrem , Latinam filiam , animadvertentes, in illius etiam, ut antiquioris & purioris, amorem rapiantur, sensimque illius accipiendo gustum legere & intelligere Græcanica consuecant.

250. Et quia Voces per se non absolvunt sermonem, sed Voces conjunctæ, ordineque debito dislocatæ ; non etiam exactæ Vocum significationes, & significandi rationes, tenere sufficiet, sed connubia earundem legitima insuper nosse, necessum erit. Atque hoc erit tertium, quod sibi præstandum proponit secunda hæc Latinitatis Schola, *Sermonis Congruitas*.

251. *Trinus ergo erit pro exercitandis hic ingenii apparatus. Primum ipse Januæ Textus, è totius Latinæ linguæ Vocabulis usitatis, & ordine Rerum ipsarum digestis ( ut unumquodque non nisi suo loco, & suo nativo significato, Intellectui se præsentet ac insinuet ) contextus. Cui quidquid ad plenitudinem & concinnitatem adhuc defuisse, accuratior observatio, & uberior praxis, ostenderit, sensim perfici, nostrâ & alienâ curâ, poterit.*

252. *Alterum est, quod propediem, οὐδὲ δῆν, dabimus, Rationale Vocum omnium : h. e. Lexicon Etymologicum, contextum è præcipuis ævi nostri Etymologi-*

tymologiftis, in primis *Martinio*, *Becmanno*, *Alstedio*, & *Coldingo*: sed majori (quod res ipsa testabitur) compendio & facilitate, atque adhuc factum: ut prudentes rerum aestimatores dicturos sperem, *Puerilia* esse facta quae senum erant.

253. Cui addituri sumus promissum illum de *Homonymis*, *Paronymis*, Et *Synonymis* (h. e. Verbis ambiguis, quae aut eodem, vel vicino sono diversam habeant significationem, aut rursus sono diverso eandem planè, aut proximam, significationem) tractatum, discipulis utilissimum.

254. Tandemque *Grammatica* praecpta & *Regulas*, ad compendiosam facilitatem, celeremque praxin, ex veris naturalis *Didacticae* legibus concinnatas. Quorum omnium usus legitimus hic jam docendus erit.

255. Dehinc jam, aequè *JANVAM*, ut prius *VESTIBVLVM*, decies iteratò pertransiri volumus: non *Oculis* solum & *linguâ*, sed & *Manu*, *Memoriae*que & *Intellectûs* exercitiis) ut ad immitendum *PALATIO* verè idoneos redamus.

256. Primò, percurratur *lectio* nudâ, ostendens pronuntiationem rectam & celerem, libellique totius generalem & confusam praecognitionem. Legant ergò discipuli ex ordine, singuli periodos singulas,

gulas, in circuitum: præmissio ubique textu vernaculo. Magister sit præses, pronuntiationem & accentum emendans.

257. Hâc ratione ( nihil n. amplius requiritur ) percurri poterit Januæ textus intra unam & alteram hebdomadam. Adjungenda erunt solum, & inter operas inculcanda, de partibus orationis, & de Accentu, præcepta.

258. *Exercitium styli* ( quatenus à scribendo initium sumit, & nomen quoque inde habet ) erit, *Textus Januæ transcriptio*, vernaculè & Latine: ut jam quoque celeriter, nihilominus tamen ad relegendum accommodatè, scribere consuescant. Quâ occasione

NB.

addam; *Cur omnia quæ discuntur, propriâ discipulorum manu describi suadeam?* Primò, ut sibi manum expeditam comparent ( sola quippe crebrò iterata actio habitum confert. ) Deinde, ut Parentibus & Scholarchis evidentiori sit argumento, didicisse omninò quæ debebant. Tertiò, ad Memoriam subsidium: quæ omnia eò facilius rapit, & profundius recondit, quò pluribus sensibus, & diutius, uni rei immoratur. Unde Philippum Melancthonem ferunt, quoties libellum aliquem insigniter sibi familiarem reddere veller, transcri-



transcribere solitum, quamvis impres-  
sum in Bibliotheca sua haberet. Deni-  
que, adsuefieri volumus pueros ad at-  
tentè versandum in Autorum lectio-  
ne, & referendum in diaria, vel locos  
communes, aut aliâ ratione transfe-  
rendum mox in usum, quidquid utile  
legunt. Inculcetûr proinde jam hîc il-  
lis perpetuò ( semel id monuisse suffi-  
ciat ) *Lectiorem sine stylo somnium esse,*  
& *rem evanidam.*

N B.

259. Monendum & hoc, atque le-  
gis instar figendum: *in hac secunda La-  
tinitatis Schola Linguae exercitia requiri  
perpetua: ut nempe colloquia puerorum,  
tam inter se quàm cum Præceptore ( &  
Præceptorum ad illos ) non nisi Latina  
sint.* Quemadmodum sanctè olim ma-  
gnus Scholarum reformator, Stur-  
mius, sanxerat: *Cum in Scholas in-  
grediuntur pueri (inquit) cùm domum  
redeunt, cùm colludunt, cùm simul am-  
bulant, cùm obviam veniunt, sermo sit  
Latinus (aut Græcus.) Nullus venia-  
locus, si quis hîc peccat petulanter.* (Epist.  
Classic. lib. 3.) Quam quidem sanctio-  
nem dissoluti Scholarum mores profa-  
narunt: eam tamen in vigorem revo-  
cari, magnoperè docentium & discen-  
tium interest.

II.

260. *Secundò reassumatur Janus  
libellus*

*libellus, Rerum enucleandarum gratiâ.*  
Nempe ut antequàm Res Verbis rectè exprimere discant, prius eas discant rectè intelligere.

N B.

*Protestamur n. perpetuò, nos formare Homines, Creaturam intelligentem: non ad garrutum & nugas, sed ad rationabilem Rerum usum, & sapientem de illis sermocinationem: quorum neutrum sine prævia, clara & distincta, Rerum, ut se per suas differentias pandunt, cognitione, obtineri potest. Nam, si confusa erit Rerum cognitio, confusus & sermo. Lingua quippe non immediatè Res attingit, aut exprimit, sed rerum Conceptus, ut in mente resplendent. Conceptus proinde formandi sunt primò, ut sint recti: atque tum facile erit formare linguam, ut exprimat rectè, quod Mens intelligit rectè.*

261. *Simpliciter ergò necessarium est, ut antequàm Verba Januæ accuratius resolvantur, Res sub illis contentæ prius innotescant: quod Præceptorum aliquam requireret diligentiam. Quamquam n. nihil adeò supra puerilem captum Janua continet: quia tamen pueri pueri sunt, quorum mens vagabundè fertur, & non nisi obiter & cursim superficiem Rerum ubiq; stringit, captivanda est aliquomodo, ut Rebus fixius*

fixius attendere, earumque differentias exactius observare consuecat.

262. Quod aliâ ratione haud fieri potest commodius, quàm si Præceptores coram discipulis accuratè censum Rerum instituant, quid unumquodque sit, & quomodo ab aliis ejusdem generis differat, ostendendo: & si quid Janua, more suo, pressius dicit, uberiùs ad necessitatem enarrando. (Observato diligenter, ut sibi attentos omninò reddat Discipulos omnes. Quod artificium ostendimus ante, § 175.)

263. *Exempli gr.* Ante Capitis II. (*de ortu Mundi*) explicationem, poterit dicere: Sapientes (quos vocamus Philosophos) admodum sollicitè indagavisse Mundi originem, essetne à se ipso, an aliunde? sed nihil certi potuisseprehendere, cum nemo interfuerit, qui rerum illa primordia spectaret, &c. Deum ramen per Moysen, revelasse, quomodo res gesta sit, &c. (Tum poterit summam capitis primi Geneseos recitare: & addere) Nostra Janua ita hoc summatim expressit. *Deus creavit omnia è nihilo, &c.*

264. In relegendo autem Textu Januæ, quoties in rem aliquam explicatione egentem incidet, explicabit, vel per exempla, vel per sensualem demonstrationem. Ut in capite, § 20.

*Informi*

*Informi caligine* ) addat : Moses vocat  
 misturam Terræ & Aquæ, tenebrico-  
 sam, inanem, vacuam : Philosophi  
 Chaos vocarunt, h. e. confusum quid,  
 &c. **Item** § 21. ad illud *Ideam intra*  
*se conceperat* ) addat : Solent n. artifi-  
 ces antequam opus fabricant, formam  
 seu exemplar ( *ein Muster, Vorbild,*  
*Grundriß, &c.* ) mente confingere,  
 aut etiam in materia effigiare, **Was**  
**man eigentlich sieht, was es werden**  
**soll, &c.** **Item**, § 22. *Assignavit cuique*  
*locum, modum, genusque suum* ) illu-  
 stre per exempla, sic. *Locum* ) ut Ter-  
 ra sit loco inferiore, cœlum superiore:  
 in Terra ut se contineant lapides, Ar-  
 bores, Animalia, &c. Sol autem, &  
 Stellæ, & Nubes, in sublimi, &c. *Mo-*  
*dum* ) Ut Aquæ non sit plusquam oportet,  
 neque Ignis : sed ad temperatu-  
 ram Mundi. Ut Mus non in Felis sta-  
 turam excrescat : neque Bos in Ovis  
 parvitate subsistat, &c. sed prout or-  
 dinavit Creator, &c. *Genus* ) Ut ex  
 Tritici semine triticum nascatur, non  
 Avena : ex Juglande juglans, non  
 Quercus aut salix : & ex Homine ho-  
 mo, non asinus, aut simia, aut rana,  
 &c.

265. Impossibile est non oblectari  
 & inescari talibus puerilia ingenia, si  
 pueriliter (h. e. crassiusculâ Minervâ, fa-  
 miliaribus & blandis gestibus & verbis)  
 profe-



proferantur. Ut optandum sit tales in Ianuam commentarios ab aliquo confici, in usum Præceptorum non usque adeò in realibus versatorum : postquam infelici methodo quidam nusquam à Grammaticalibus progressi, quoties ad hæc realia (naturalia vel artificialia) venit, in alium sibi orbem delati videntur : ideoque talia aut fugiunt, aut misere expediunt.

266. *Exercitium styli per hos dies sit idem quod ante, descriptio Textus Januæ.*

### III.

267. *Tertiò percurrat Ianua propter uberiorem etiam Rerum & verborum intellectum : quod hoc modo fiat. Iussu omnibus claudere libellos, recitet Præceptor Latinam sententiam, aut periodum totam, jubeatque hunc & illum (sine ordine) Vernaculè dicere idem. Deinde voces singulas, quomodo vernaculè reddantur, examinet. Ita necesse erit omnes ad omnia paratos accedere, præmissâ domi repetitione diligenti. Nam si æmulatione res agitur, cogitabit quisque, Occupet extremum scabies ! malletque diligentiz exemplis alios antevertendo sæpius colaudari, quàm à tergo relictus rideri aut confundi.*

268. *Exercitium Styli hic sit, Descriptio Grammaticæ, Januæ annexæ : saltem*

saltem partis ejus primæ, quæ *Etymologia* dicitur.

269. *Quarta Ianuæ pertractatio erit ob initium praxeos Grammaticæ: ut nempe quidquid ex Etymologia residuum est, addiscatur. Puta, Partium orationis omnium accurata discriminatio; Nominum & verborum, præsertim anomalorum, declinatio; maximè autem ut Verborum omnium Tempora cardinalia (Præsens, Præteritum, & supinum) probè ediscant. Eo igitur fine totus Ianuæ textus pertranseat, ut Voces & Vocabulæ omnes excutiantur, quid sint, & quomodo flectantur? commonstrato, ex annexa Grammatica & Lexico, quidquid de ulla earum monendum est. Quod aliquousque Præceptor faciet, modumque observationes illas ex Lexico & Grammatica colligendi, ostendet: post exiget à discipulis, quò Grammaticâ & Lexico expeditè uti, omninò addiscant.*

270. *Exercitii scriptorii loco, sit continuatio describendæ Grammatices: ut sibi generalem & confusam jam sic omnium præceptorum notitiam parent, antequam usus illorum monstrari & urgeri incipiat.*

V.

271. *Quintâ vice pertransibit Ianua Originationum addiscendarum gratia. Quod ut succedat feliciùs prælegatz*

gatz illis ante omnia *Lexici Fundamentum* ; Lexico ipsi præmissum : ut præcognoscant rationes , causas , modosq; omnium derivatorum & compositorum. Hoc intra duas , tres , quatuorve horas absoluto , eatur per Januam totam , examinenturque omnia Vocabula sigillatim , unde veniat unumquodque , & quam habeat significatus sui rationem ? Quod totum ita expediet Lexicon , ut Præceptoribus & Discipulis nihil restet , præter inquirendi , relegendi , sæpiusque iterandi , jucundum laborem , donec altè insideant omnia menti. Hoc n. studium , ut ante diximus , nihil difficultatis & nausæ , multum suavitatis , plurimum autem , & supra quam imperiti imaginari possunt , utilitatis , habet.

272. *Promeridianis horis describant idem Lexicon , Præceptore obambulante , & ut diligenter , mundè , correctè , scribant omnes , inspectante.*

V I.

273. *Tractatus de Homonymis , Paronymis & Synonymis , ut probè intelligatz , & usum cui destinatur ferat ( h. e. nihil relinquat confusum in vocum significationibus , sed faciat omnia distincta & clara , quantum hoc puerile studium permittit ) : relegendus erit & explicandus pueris : & mox percurrenda Ianua tota ( atque id jam viâ sextâ ) eo modo ,*

modo, ut discipuli jubeantur ipsimet  
inquirere, & monstrare, voces illas,  
homonymas & paronymas, earumque  
significationes distinguere. Quod aliâ  
ratione non poterunt, quam relegen-  
do sæpius, & omnino ante omnem  
Lectiorem, tractatum illum, cum an-  
nexo illi omnium homonymorum &  
paronymorum Indice, donec memo-  
riz omnia hæreant. Tandem n. jube-  
buntur totum illum Tractatulum reci-  
tare.

274. Ut ergo hæc melius se Intel-  
lectui figant, per eosdem dies, *hæc*  
*sylo dicatis eundem tractatum describant*  
*& rescribant*, quoties poterunt. Non  
enim ultra octo decemve foliola habe-  
bit.

## VII.

275. Sed jam tempus erit structuram  
etiam *Vocum conjunctarum* discipulis  
monstrari. Redeatur ergo ad Januæ in-  
troitum, & eundo (septimâ vice) per  
Januam totam, ostendatur in omni-  
bus sententiis constructionis ratio,  
per *syntacticas Januæ annexas Regulas*.  
Quod ut procedat expeditius, cogita-  
mus totius syntaxeos regulas uno con-  
tinuo numero signare: in ipso autem  
Januæ textu numeros illos assignare,  
ut per quam Regulam unumquodque  
sic dicatur, illicò pateat. Ita n. nihil  
relinquetur laboris, præter cōstructio-  
nem



nem quamvis cum Regula conferendi ut usu crebro tandem omnia illa inhabitum transeant. Quâ ratione consulti videmur, tam diligentibus & ingeniosis, ut expedita omnia cernentes eò alacrius per syntacticum hoc studium volitent: quàm ignavis & hebetioribus, ut se quoque omnino progredi posse videntes, progredi pergant.

276. *Vt autem syntactica illa Regulae facilius memoriae hæcant, describantur intra hos dies, horis exercitio styli destinatis. At non Regulae nudæ, ut impressum exemplar habebit: sed cum adscriptis è Januæ textu exemplis, quæ subjecti cuius Regulae numeri indicabunt. Hoc exercitium plus in recessu habebit, quàm à fronte promittat.*

## VIII.

277. *Octavo percurratur Ianua Orthographiæ & Prosodiæ causa. Ergo, præmittantur utriusque ex annexa Grammatica, præcepta: & in textu ipso relègendo ostendatur (paulò post autem examinando exigatur) Literas, Syllabas, Voces, sententias, Periodos, rectè scribendi & pronun-*

## N B.

*tiandi ratio. (Omnia n. illa sub Orthographiæ & Prosodiæ regulas redigenda sunt: non Orthographia ad Literas, Prosodia ad Syllabas, restringenda:*

gendæ : ut vulgò ineptè fit. Quandoquidem integræ etiam Periodi & Paragraphi, imò Textus, suas rectæ scriptiōis & pronuntiatiōis leges habent.

278 *Sed adjungenda videtur hæc vice Recitatio textus Ianuæ è Memoria.* Jam n. toties variè iteratâ lectione, relectione, expositione, resolutione, &c. satis altè insedisse videntur omnia potuisse menti. Repetant ergò sibi privatim omnes, & publicè recitent qui jussi fuerint, vel integra folia, bina aut trina capita intra horam unam. Ubi a. scire omnes constiterit, reliquum horæ tribuatur examini orthographico & prosodico, ut ante dictum : quò intra duas trèsvē hebdomadas iterum libelli finis attingatur. Omnia n. expedita fore, cum per præmissos gradus huc ventum fuerit, speramus.

279. *Exercitia manus hîc etiam non alia erunt, Quam regularum Orthographicarum & Prosodicarum descriptio, toties quoties tempus patietur; aut necessarium esse prudens Informator judicaverit.*

# IX.

280. *Nonò redcat JANVA, propter analysin quasi Logicam, per Quæstiones. Quæ insignis erit via, ad vim Rerum & Verborum, ex varia ad alias res & verba ordine, nexu, respectuque pro-*  
K 2 *spicien-*

spiciendum : ingenerabit item solertiam prudenter atque cum ratione, tum considerandi quidvis, tum respondendi de quovis : denique ad rectam naturamque Syntaxeos praxin ita deferriet, ut structuræ ratio sic demum verè dilucida sit evasura, & in expedito futura. Cùm enim de qualibet periodo Præceptor desumet præcipuum, seu Nomen, seu Verbum, seu utrumque, ad formandam inde quæstionem : discipulo incumbet è reliquo formare responsum. Quod quia nec totidem, nec eodem ordine locatis verbis, quibus ipsa integra periodus constare poterit, sed imminutis & immutatis : necessario hîc attentio & iudicium acutentur.

281. Id quod alicubi facile erit : nempe ubi quæstiones & responsa parata habentur. Ut § 2. *Quid est Eruditum esse?* Resp. *Nosse Rerum differentias, & posse unumquodque suo designare nomine.* Alibi paulò difficilior : Ratio tamen ubique, quid interrogandum, & quid respondendum sit, dictabit. Ut § 4. *Quæ sunt Eruditionis fundamenta?* Resp. *Nomenclatura Naturæ & Artis.* Et rursum : *Hec fundamenta quomodo ponuntur?* Resp. *Nomenclaturam Naturæ & Artis perdiscendo, &c.*

NB.

282. Hoc exercitium quam simplex &

& puerile videatur, tam efficax erit ad aciem puerilis ingenii excitandum, & directè in Res & Verba intendendum. Quare ut hâc parte, vel illi etiam qui per se minus perspiciunt, quid hîc ubivis sit agendum, viam reperiunt patefactam & signatam: dabimus operam, ut populari quâdam Logicæ methodi accommodatione, designatas exhibeamus quæstiones, quæ de Nominibus substantivis, Adjectivis, Verbis item, ut & aliis voculis, (in quibus rerum emphases latent) institui queant.

283. *Exercitium styli ne quidem hîc aliud opus erit instituere, quàm ut ea ipsa quæ matutinis horis sic agitata fuerunt describantur: omnia nempe, totius Ianuæ, in Quæstiones resolvendo, & Responsionibus explendo. Dictu non facile est, quantas stylo & iudicio utilitates perbellum hoc exercitationis genus allaturum sit.*

X.

284. *Decima Ianuæ repetitio iterum concertatoria sit, ut ante Vestibuli, § 229. Contendant bini (auscultante toto cœtu, & Magistro (de promptitudine memoriter recitandi, interpretandi, anomala declinandi & conjugandi, homonyma & paronyma distinguendi, Syntacticè construendi, quæstiones formandi, & ad eas respondendi, &c.*



Victori præmium, si aliud defuerit, applausus esto publicus, & superioris loci honor. Sed optandū esset alia etiam diligentiae incitamenta, munuscula, à Scholarum Patronis subministrari.

285. *Stylus hîc jam demum liberius exerceri incipiat, postquam sufficienter Vocabulorum copiâ, eorumque sensu vero, & construendi arte, instructi sunt.* Vertent ergò dictata à Præceptore argumenta, è Vernaculo in Latinum: Verba & sententias suggerente vel Memoriam, vel Indice vernaculo, eâ sine Januæ adjuncto. Sive e.g. fuerint historiarum, sive apologi & fabulæ, sive alius generis narratiunculæ, à Præceptore confictæ vel aliunde acceptæ, non intererit; modò nihil habeant à Januæ forma alienum, figuratum aut tropicum nimis, aut valde remotum à præsentē humili conceptuum & styli conditione.

286. Nam decurrentes per hæc stadia, ad metas deduci satis est, non ultra. Metam v. Januæ semel fiximus, ut pueri puerilia animi sensa, quanta à Rerum Januâ contentarum cognitione exsurgere possunt, congruè efficerant. Hoc si assequimur, scopum attingimus, hîc subsistendum est.

Atque nobis etiam hîc nunc, sub JANUÆ egressu, pedem figere liber.

287. *Quantum enim, ad Vsum*  
PALA-

PALATII & THESAURORVM *Lati-*  
*nitatis*, optima de illis poterunt suo  
 tempore consilia dare ipsi Architecti:  
 quibus ò DEVS vitam viresque suffice,  
 in honorem nominis Tui!

¶ 288. Hoc unum insuper hîc monere  
 operæ pretium fuerit. *Salutare admodû*

N B.

*fore pueris, methodo hâc instituendis, si*  
*Librorum eis nullorum copia fiat; præter*  
*quos Classi suæ destinatos habent; primæ*  
*Vestibulura, secundæ Iannua, tertiæ Pala-*  
*tium, &c.* Cur ita suadeam, causæ  
 sunt in promptu. (1.) Pluribus in-  
 tentus minor est ad singula sensus.  
 Multa simul agendo, nihil rectè agi-  
 mus. Habeant ergò interim sibi sola  
 hæc, suum in usum tanto studio elabo-  
 rata: his attendant, aliis ne distra-  
 hantur. *Vsus assiduus uni rei deditus, &*  
*ingenium & artem sæpe vincit*, inquit  
*Cicero.* (2.) Delectum rerum adhi-  
 bere pueri nondum possunt, possunt  
 facilè incidere in ea, quæ se confun-  
 dant & intricent, si quidvis contem-  
 ptandi occasio sit. (3.) Quod Roma-  
 ni præcones Capitolium ad sacris ope-  
 randum ingressuris acclamare sole-  
 bant, *Hoc AGE*, ad id pueros etiam  
 condocere bonum est, ut Autori-  
 bus immorari, non per eos volitare,  
 adsuecant. (4.) Denique, immode-  
 rato studio vigor ingenii, præsertim

ignei, atteritur ; quod præcavendum. Tardiores verò , cum nihil varium & diffusum ante se vident , sed pensa sua pugno circumferunt , facile illa superandi animos induunt.

289. *Atque hæc sunt , quæ in præsens edisserere habui.* Quibus meditandis, & in publicum communicandis, desideria quorundam , de Vestibuli & Januæ usu consilia requirentium, occasionem subministrarunt.

290. Nihil hîc dictatoriè præscribimus cuiquam , sed simplicioribus solùm consilia damus : quibus in puerorum institutione , sive illa privata sive publica, ductum nostrum sequi vel jam ante libuit , vel porro libere queat. Eâdem tamen operâ volumus aliis etiam vîtorum nostrorum summam , & cogitationum qualemqualem delineationem , exponere : quâ facili & expeditâ ratione obtineri posse confidamus , ut docentes & discentes , ludibundi suas peragendo operas , solidissimos tamen faciant in L. L. studio progressus.

291. Si quis hæc non adeo esse mala agnoscit , in commissæ fidei suæ Juventutis commodum ijs uti ( tantisper saltem, dum dies & Deus meliora, quibus semper locus erit, offerant ) ne deterrectet. Constat quosdam usque adeo morosos , morisque sui tenaces esse, ut quam-

quamvis videant meliora probentque, rationibus & aperta veritati resistere non valentes ) deteriora tamen usque & usque sequantur. Quasi verò laudis sit, consuetudinem pro lege sequi: aut, ut *Seneca* loquitur, pecorum ritu sequi antecedentium gregem, eundo, non quò eundum est, sed quò itur. *Scienti bonum facere, & non facienti, peccatum est illi, inquit Apostolus ( Jac. 4. 27. )* Scire igitur non sufficiet, in usum transferas oportet.

292. Gravissimum illud *Hesiodi* monitum, de tribus *Hominum* generibus (quod in *Scholis* frequenter quidem recitari, ac perquam tamen negligenter observari solet ) hoc loco subnectere libet: sed *Livio* interprete, ejusque adeò verbis, quæ ille *Minutio* ad milites accommodavit, ad *Puerorum* *Eruditores* pronuntiantes, *Sæpe ego audiivi ( inquit ) eum primum esse Virum, qui ipse consulat quod in rem sit, Secundum eum, qui bene monenti obediat. Qui nec ipse consulere, nec alteri parere scit, eum extremi ingenii esse. Quod si Versus versibus expressos audire potius libet, aut illi etiam movere animos magis forte quorundam possunt, ad hoc loco Melancthon: qui eandem sententiam ex *Hesiodo* hunc in modum reddidit.*

*Omnia per sese qui praevidet, optimus ille est:*



*Proximus ille tamen, qui paret recta  
monenti:*

*Sed qui non sapit ipse, nec audit recta  
monentem,*

*Invida ei mentem misero natura nega-  
vit.*

N.B.

293. Gnavos a. & solertes Didac-  
ticos [ quoscunque ad feliciter alias  
docendum peculiari dexteritate, sive  
natura instruxit, sive praxis longa ex-  
ercuit] debita cum veneratione ora-  
mus, ut cuicunque aliquid ad præsens  
institutum consilii boni suppetit, in  
commune conferre ne dedignetur.  
Commune enim negotium agitur.

294. Ergo quicunque acrius pro-  
spicit, & quomodo hæc nostra ad ma-  
jorem *ἀκρίβειαν* & facilitatem, usumve  
ampliolem & solidiorem, deduci pos-  
sint, vider, ne sibi soli videat, sed  
Reipub. Christianæ. Nemo nascitur sibi  
soli, humane societati omnes; quam nisi  
pro sua virili adjutum it quisque, indi-  
gnum se præstat, quem ullâ re adjutent  
alii.

295. Ante omnia, si quis ad rectius  
constituendam Ianuam lingue Latine opis  
aliquid utiliter ferre potest, faciat obse-  
cro: ut rem communis usus, communi-  
bus consiliis & auxiliis, Omnium usui  
quàm accommodatissimam efficiamus.

296. Mittant verò quantocyus Ob-  
servationes

*servationes suas*, ut cuique commodum est, sive Lipsiam ad D. L. *Zachariam Schneiderum*, Academiae Professore; sive Dantiscum, ad R. D. *Ioannem Mochingerum*, Gymnasii Rhetorem; sive ad Autorem, Lessnam. Quemadmodum & quæ de PALATIO atque THESAURIS L. L. quispiam, monere habebit, Gorlicium & Erphoriam, ad *Architectos* suos, Viros humanissimos, moneri & doceri æquè nobiscum, non tam patientes, quàm avidos.

297. Invitamus vos amantissimè, & vocamus, non in partem laborum solum, sed & ad participandum de laude, & rei benè gestæ (si fuerit) ad posteritatem memoria. Quàquam *Virtus ipsa sibi pulcherrima merces*: Conscientia nempe candidæ mentis, non defuisse officio suo ullâ parte, quâ depravatas res humanas aliquanto in melius promovendi, & variè intricatas difficultatibus aliquomodo extricandi, spes fuit.

298. At si quis præ omnibus his nostris exquisitiore, usu faciliore, fructu solidiora, novit, aut invenire se posse sperat, festinet obsecramus discere hanc minus utilem machinam nostram! initurus eo nomine gratiam ingentem apud omnes bonos, nos etiam ipsos, & posteritatem: de qua merebitur

merebitur optimè. *Quid enim iuvat parum fructuosus, & mox defuturus, fatigare vires? & onerare Mundum, jam ante librorum mole nimium multum laborantem?*

299. Sed ut dissertandi faciam finem, omnium quæ hanc in rem dici possunt, summa & finis hic esto:

DOCENDVM EST SINE INVIDIA:  
& DISCENDVM SINE PVDORE.

In augmento enim sunt, & incremento, omnia humana, quæ in melius ire possunt.

300. Claudat itaque Seneca, verbis quibus Epistolam suam XXXIII. claudit. *Nunquam quidquam inuenietur, si contenti fuerimus inuentis. Quid ergo? Non ibo per priorum vestigia? Ego verò utar viâ veteri: sed si propiorem inuenero, hanc muniam. Qui ante nos ista mo-uerunt, non domini nostri, sed duces sunt. Patet omnibus Veritas, nondum est occupata. Multum ex ea etiam futuris relictum est.*

FINIS.

CON:



CONSILIVM  
DE VESTIBVLO,

AC PORRO ETIAM  
IANVA, LATINITATIS  
EXIMIE PERFICIENDIS:

*Primo utriusq; auctori. Dn. I.*

*A. G. per Epistolam sug-  
gestum a G. V. D.*

Clarissime Vir, Domine &  
Comperer faven-  
tissime,



AM pridē me illa admo-  
dum indelectarunt, quæ  
pro pube literariâ inge-  
niosè excogitata, & pro  
institiis istis non inelegā-  
ter adornata, certè fe-  
liciter admodum, arque opportunè,  
in publicum edita abs Te, prodire  
OPVSCVLA, LATINITATIS nimi-  
rum



rum VESTIBVLVM, & JANVA. Hoc ipsum tamen in Te, vel maximè etiam præ cæteris cõplacuit, quod in iisdem Opusculis illis, licet sic avidissimè, & cum applausu plerubique exceptis, limam adhiberi ulterius, non tantùm gratissimo æquissimoq; animo semper tuleris: sed professis subinde votis, privatim publicèque etiam, ut id ab Eruditis, & rei hujusce Satagentibus fieret, requisieris.

Permovit id me eò tandem nuperis diebus, cum filios meos in Vestibulo Tuo occupatos de profectibus explorarem: ut ipse etiam cogitare paulò altius cœperim: quâ porrò ratione Acceptissimum illud Conducibilissimumque opusculum Tuum, perfici possit: ut sub Vestibulo isthoc pro Pueris adornato, Viris etiam undiquaque perspicendum veniat: *Quò Eruditionis ac Sapientiæ, ætas tenella, queat istâ methodo sensim pedetentimque perducì.*

De quo, quoniam vix satis habes querere quædam à me dissertata fuisse, sed consignari in schedam discipulis, quæ cogitata in rem ipsam à me fuere: parebo pro Amictrâ, quæ nobis est haut vulgaris: cum præsertim hoc spectare Te videam, ut eâ ratione, tum consideratè satis perpensari singula; tum exquiri aliorum judicia, & in eandem rem consilia conquiri sic undecunque

decunquē possint : Denique ut, si quis limando poliendoque libello isti Tuo accommodare operam suam velit, velut regulas ac normam ad manum habear, secundum quas laborem suum moderetur.

Quantum igitur mihi de Re propositā in præsens perspicere contigit, SCOPVS VESTIBVLII certus fixusque is omninò est, perpetuòque idem tenendus ac respiciendus videtur: ut PVERI velut intra Limen primum Eruditionis atque Sapientiae stantur : adeoque pro ÆTATIS modulo, ac INGENII captu ; sensim gradatimque deducantur, non tantum ad LATINAM LINGVAM, ex ipsis initiis purè addiscendam, sed & ad Sapientiae Humanæ Coelestisque seminia, cum ipsis primis Linguae rudimentis, sensim minutimq; concipienda.

Ad hunc SCOPVM, utut jam ante hâc libellus Tuus, haut obiter apparatus, existat : *Videtur tamen magis magisque eò accommodari idem posse : si secundum LEGES quæ sequuntur, accuratè districtèque recenseatur.*

1. Primò igitur, curandum id venit, ut Vocabula in VESTIBVLVM referantur, non nisi talia, quæ ad captum puerilem, quantum ad rem significantam attinet, etiam quadrent.

2. Non congerantur tamen, quæ  
ejus

ejus generis sunt omnia ; sed illa potissimum , quæ communiori , ac frequentiore usu , Puerili sese ætati offerunt.

3. Atque in Vocibus huic referendis, accuratè tamen observetur , dum non quævis admittantur quæ sub caput cadere puerilem possint : ut inter ea quæ pueris solent esse familiarissima, usuque frequenti trita, nihil quicquam temerè prætereatur , quod nomine suo in Vestibulo non denotetur : quò sic satis ad balbutiæ primam instruantur , hoc ipso Vestibulari libello : ut de quibus ipsi loqui solent , & Latine balbutire affectabunt , de iis plerisque ex libello etiam isto commodè præstare id possint.

4. Barbaræ voces, seu non satis Latine, providè excludantur : Puta, quæ vel nusquam apud Auctores probos usu veniunt : vel citra Necessitatem, & contra Analogiam de novo confictæ , inque vulgi usum introductæ sunt.

5. Quod si citra Antiquorum usum, vox quædam, vel necessario ficta fuit , vel hodie prorsus recepta est, communis etiam Eruditorum usu, admitti sanè illa poterit.

6. At ubi tamen ex Antiquo usu probius quid suppetit , quàm usus hodiernus vulgi , & Sermo proletarius habet , sic agatur , ut distinctioni illi caractere

charactere distincto expressæ, probior  
vel præmittatur, vel subjungatur, in  
parenthesi. E. g.

Hebdomada (*Septimanâ*)

Cum attentione (*devotè*)

7. Structuræ ratio sensim crescat,  
fiatque à simpliciore nexu progressus  
ad eum qui videtur aliquantò diffici-  
lior.

8. Neque tamen structura hic  
altius admodum procedat, quàm ut  
per Declinationum Conjugationum-  
que exercitia puero manifestari ea-  
dem ferè queat: aut certè ex primo  
& universali ductu Syntaxeos, atque  
ex Regulis quibusdam facillimis, facile  
pateat.

9. Quamvis etiam illud pueri per-  
cepturi videantur, quod per regulas  
non facile ipsis explicâris: dum exem-  
plis nonnullis subinde structura aliqua  
monstretur potius, quàm regulis in-  
culcetur.

10. Vocabula quæ sic connectenda  
venient, connectantur, quoad fieri  
potest, in *Attributiones, Enunciationes,*  
*Questiones, Alloquia, Responsa, Memita,*  
*&c.* quàm brevissima.

11. Atque ista etiam omnia con-  
cipiantur ad eum modum, ut expri-  
mant aliquid, vel,

*dictu dignum; vel,*

*observatu memorabile; atque id ipsum*  
*Veritati*



*Veritati satis consentaneum ;  
Ksui vitæ accomodatum ; denique  
cum Satu quodam initiali sapientia  
conjunctum.*

12. Quod si enunciatum , moni-  
tumve aliquod , aliquantò longius , per  
rei naturam evadit , distinguitur illud  
per commata & cola talia , quæ sensum  
sensim puerorum animis injicere que-  
ant : ut sic summa rei per dispositas a-  
prè & liquidè consequentes particu-  
las , ob oculos evidenter ubique sta-  
tuatur.

13. Hæc quidem ratione vel opera  
etiam danda est , ut voculæ illæ , quæ  
satis evidentem in sermone relationem  
habent , commodè suis locis , in Vesti-  
bulo etiam adhibeantur. Cujus generis  
sunt , *Pronomina , Adverbia ,* itemque  
*Conjunctiones quædam.* Ut *Is , qui : Hic ,  
ille : Cum , Tum : Vbi , ibi : Quo loco ,*  
illas quoque admittendas fore intelli-  
gendum est , quæ solitaria , sensui ex-  
plendo aut limitando aliquid annecte-  
re vel interponere solent : ut sunt , re-  
lativa monadica. *Qui , quæ , quod ;* Con-  
junctiones item quædam : ut , *Si , Vt ,  
Quod , cum :* & ejus generis alia.

14. In Combinatione verò & con-  
sociatione illâ vocum Syntacticâ , hoc  
curetur etiam diligenter , ( quod ha-  
tenus eximiè ab Auctore primo ob-  
servatum fuit ) ut Substantivis Adje-  
ctiva

ctiva & Verba, ea adjungantur potissimum, quæ ad mutuam quandam rei significatæ declarationem inter se faciant: adeoque velut definitiones, & notabiles quasdam rerum differentias, animo saltem ingerant: si non omnino semper aliquid sic simul pro vitæ usu, ac sapientiâ uberiore, submoneri eadem operâ possit.

15. Nomina complura eidem verbo gregarim subicere, visum est quidem nonnullis Vestibuli perpolitibus: Sed illud, ut non improbetur prorsus, haut adeò ad puerilem intelligentiam, & memoriam accommodum est, quàm si propè nomina singula cum peculiari quadam attributione suâ offerantur. Itaque ubi plura ejusdem censûs nomina recensenda veniunt, ipsa ita potiùs pleraque omnia dispescantur, ut cum peculiari suo attributo aut prædicato, socientur. Sic quidem, nihil usquam memoriæ imprimere necesse habebit puer, nisi & cum mutuâ quadam declaratione conjunctum, & ad instruendum pro cognitione rerum animum, quodammodo comparatum.

16. Hâc parte autem id quoque accuretur, ne in connexionem tali solæcum quid usquam occurrat; ut connectantur fortè, quæ per sensum vocum singularum rectè æstimatum minùs possunt,

possunt, aut per usum Auctorum proborum non solent. Cujusmodi quædam hætenus in Vestibulum subirreperunt, alicubi deprehenduntur.

17. Proprietas in vocibus quibusque ubique observetur, exquisitè: ut sensu singulæ quàm maximè proprio in Vestibulo collocentur. Quâ parte, criticâ quadam industriâ opus fuerit, ut singula probè expendantur, & de Auctorum verè Latinorum usu exquirantur.

18. Si tamen vox aliqua sensu proprio, vel minùs usitata forsan existat, vel puerili captui parum accommodata sit: alio autem eoque etiam translatione sensu deprehendatur, & vulgò tritissima esse, & à captu puerili non aliena: Communioris usus tum potius, quam proprietatis nativæ habeatur ratio.

19. Vox eadem eodem sensu ne repetatur temerè: nisi si aliter fieri non queat: ut necesse sanè est, Voculas quasdam usus communissimi repetere, non plusquàm semel tantùm, sed sæpius etiam.

20. Alio tamen sensu, & in puerilem captum æquè cadat, ususque sit vulgaris ac triti, repetere eandem vocem nihil impedit, sed & expedit. E. g.

*Refero.* Ich bringe daben.  
*Valco.* Ich bringe fur, oder erzeht.  
 Ich vermag, oder h'an.  
 Ich bin wol auff.

21. Atque hic elegans fuerit, & puerorum animis cum suauitate quadam differentiam significationis imprimet: si, quod haut paucis in locis lucusque etiam observatum fuit, id potrò concureretur: ut vel in eadem, vel proxima aliqua sententia, diversitas significationis offeratur.

E. g. Tua non refert, quod nugator refert.

In deserto eris desertus.

Sacris interesse, etiam puerorum interest, &c.

22. In ipsa porrò ejusdem Vocis repetitione, si eodem maximè sensu etiam fiat, operam dari conveniet, ut ne tamen citra varietatem omnem reperatur: Sed Nomina quidem casu, numero, aut diminutione; Verba autem personis, temporibus, modis, formisque varientur: adeoque per structuram notabile quiddam, & ad Declinationum Conjugationumque Usus, magis magisque manifestandum accommodum, in uno loco prae altero semper offeratur. Sanè vel ita, in diversis licet verbis, Tempora, Personas, Numeros, Modosque & Formas, variare in Vestibulo conveniet: ut nullius non Personae,



sonæ, Numeri, Temporis, Modi, Formæque, exempla aliquam multa, puero non occurrant. Hoc enim ad scopum Vestibuli eum apprime faciet: ut Declinationum Conjugationumque Exercitium in ejus Tractatione, cum perpetuâ usus commonstratione conjungatur.

23. Verba, quæ Grammaticis sic vocantur, si quem casum requirant, ita ponantur, ut casus ejus usus simul pateat. Nam hâc ratione pueri, nec animadvertendo ad constructiones rectas adfuescent: perinde ut ex adjectivorum ad substantiva adfociatione, genera quoque citra operosas Regulas internoscere condiscant.

Itaque ut commodè dicitur, Deus  
*Te* juvabit

ita porro benè dicetur: Pater *Tibi* prospiciet.

Magnates *Te* promovebunt.

Alii *Te* imitabuntur, &c.

24. Neque verò solæ etiam voces primigeniæ ac simplices tantum admittendæ in Vestibulum putentur: aut deducta & composita sollicitè excludantur: cum methodus & compendium requirere videatur, ut à simplicissimis fiat initium, & perceptis illis cætera ultrò patere soleant quæ ex illis seu deducuntur, seu componuntur. Vallet nimirum istud in iis, quæ speculatione

tione concipiuntur : non item in iis ,  
 quæ usui ac praxi quàm proximè ac  
 maximè accommodari debent : ubi ci-  
 tra ortus primi respectum , citra sim-  
 plicitatis intuitum , sæpè prius opus  
 est Deductis ac Compositis , quàm ut  
 de primis & simplicibus vel cogitari  
 ullo modo necesse sit. Et hæc parte a-  
 liam esse etiam Simpliciter rationem ,  
 deprehensum est : quàm ut eadem ad  
 Puerilem captum , ac usum , vel satis sit  
 semper accommoda , vel tutò etiam  
 adhiberi queat , hoc consilio ac profes-  
 sione , quasi Deductio & Compositio  
 deinceps in expedito futura sit. Ani-  
 madversum contrà fuit , Deducta &  
 Composita sæpè multò esse Simpli-  
 cioribus & Primitivis usitiora , sen-  
 suque suo etiam magis communia. Ad  
 hæc , ita à Simplicibus & Primis com-  
 posita & Derivata nimis quàm multa  
 descendunt : ut Declinatio , ea quam  
*Varro* sic vocat ( quam aliàs Deriva-  
 tionem dicimus ) & Compositio , haut  
 quaquam sit naturalis , hoc est , eo-  
 dem se modo etiam in similibus habeat  
 ( uti fit in Declinationibus , quas vul-  
 gò sic appellamus : ) sed variet etiam  
 quàm maximè , etiam in simillimis :  
 adeoq; ex usus peculiaris observatione  
 planè pendeat. Neque enim ut ab hoc  
 illud derivatur ; ita simile aliud item  
 ab alio licet derivare : vel ex quibus-  
 vis ,

vis, quidvis item, citra usus approbationem componere. In quo etiam feliciter ac dextrè exequendo, jam Rerum ea intelligentia requiritur, quæ in pueros non cadit: viris certè negotium etiam facessere alicubi potest. Et sæpe significationis ratio ita variat inter Prima & Deducta, ut vix ullâ lege certâ comprehendi res ea possit: nōdum ut pueris in expedito futurum sit, ex Primitivorum notitiâ per Generales Regulas ad Derivata procedere: Sensu præsertim inter Linguas ita etiam variante in Vocabulis: Ut quod in Vernaculo compositum Deductumve est, in Latino sit simplex ac Primitivum, & contrâ.

Quibus ita comparatis, satius, imò necessarium esse agnosci potest: ut à Derivatis & Compositis nihil admodum in Vestibulo abstinetur: quin eo cum privilegio in illud admittantur: ut non tantum cum Primitivis & simplicibus promiscuè accersantur: sed vel illis etiam si usus sint forte vulgarioris, & si capui Puerili significant aliquid magis accommodatum, præferantur.

25. Extra eam autem rationem, si aliter nimirum res comparata in quibusdam deprehendatur, poterit ac vel debet sanè Primitivis ac Simplicibus prærogativa concedi, ut in Vestibulo

præ Deductis & Compositis statuantur.

26. Fortè & illud non nemo requirer: ut Vocabula potiora quædam, citra structuram, qualis in Vestibuli textu occurrit, separatim præmittantur, cum Pueri sic multa per Vestibuli textum, de casu Recto & Primo ægrè agnoscere, & minus dextre animo imprimere posse videantur.

Quæ sententia, quantum ego in præsens deprehendo, postulare quippiam videtur, magis ex pristino more commendabile, & fortè ex primâ assuetudine plerisque etiamnum hodie commendatum: quàm ut idem vel omnino necessarium vel admodum expediens fore, censendum sit.

Nimirum isti Defectui in Vestibulo, id plus satis medebitur, quoddam INDEX accessurus sit, CASVS RECTOS & THEMATA Verborum cum iis, quæ juxta inculcari Pueris convenit, perspicuè exhibens. E quo Puer dum in flectendis Vocibus non obiter exerceatur, facile poterit quodque non Nomen tantum, sed VERBUM etiam, pervestigare.

Ita. a. ea ipsa quoque Themata memoriæ penitus imprimet, si non tantum de Textu, quæ constructæ sententiole obveniunt: Sed de INDEX etiam, quatenus vocabula simplicia spe-

L

stantur,



stantur, recitare & vel cum commilitonibus certare subinde jubeatur.

Omniñò aliàs, sic voces quæque, etiam si Casu primo, vel secundum ipsum Thema, non proponantur, discuntur & facilius & certius, cum in Structurâ quadam offeruntur: quàm ubi extra Structuram solitaria proponuntur. Vis nimirum, Significatio, ac Usus, istâ ratione & perspicuè patet & facilius retinetur: Cum in solitariis significatio vera sæpè lateat; Usus autem extra structuram nullâ ratione pateat, sed vix operosâ institutione tandem inculcetur.

Quamvis etiam, ut Thema quoquo loco, facilius & mox pateat cum Textu; nec Indicem adire in Tractatione primâ opus sit: exprimi difficiliora ad marginem consultum fuerit.

27. Quod si tamen VOCABVLIS quibusdam SOLITARIIS, more Antecessorum Pusiones teneros, in primo Vestibuli Limine, inescare velut libuerit, ad Vestibulum ipsum avidius & expeditius subeundum: præmittatur sane quædam Sylloge vocum Pueris familiarissimarum: & Rhythmicâ illâ ratione per Homoioteleuta significata, ab initio proponantur: ut materia sic solis in primo aditu Declinationibus exercendis suppetat.

Quod ipsum si non in Nominibus tantum,

tantum, sed Verbis etiam quibusdā fiat, jam materia quoque Conjugationibus similiter exercendis sub initium præstò erit.

Atque hæc talia, tali modo, intra eum numerum Pueris proponi satis fuerit: ut dum inflectere ista satagunt, jam potiora alia omnia Nomina & Verba, ad istorum aliquod deinde referri possint, tanquam similis inflexionis futura.

280. In INDICE quoque illo, qui Vestibulo subjiçietur. hoc observari non de nihilo fuerit: ut Primitivis sua derivata, & composita, subiçiantur. Quâ ratione quicquid a parte ad faciliorem intelligentiâ promptioremque memoriam facere potest, tutissimâ ratione Pueri proponetur.

29. Quid Ordinem, veramque Seriem seu Classes, per quas voces in structuram redactæ, proponantur Pueris, attinet: poterunt sanè sic Tringenta præter-propter Capita fieri. Sed ut singula sub sua semper Classe distinctim reponantur, nihil necesse est. Id fieri satius est, si ea semper occasione, sub quocunque tandem capite, res quæque attingatur maximè, sub quâ per utilem quandam atque non indignam enunciationem attingi potest. Rerum verborumque ordo accuratior in Januâ probo satis còsilio reservatus est.

30. Atque tandem cùm ea, quæ sub quoque capite prætermiſſa videri poſſent, alibi ferè reperiantur, opportuno etiam quodam loco expreſſa: atque interim eadem ſub ſuo capite ſeu claſſe in conſpectu haberi, & velut in eodem complexu teneri expediat: ſuppleri defectus ille ſic poterit: ut ſub calcem cuiuſque capitis Vocabula, quæ videri poterant præterita, notentur cum indicio §. in quo legantur ſeu reperiantur alibi.

31. Ut potiora tandem omnia quæ huiusque dicta ſunt, velut in Summam conferantur, Videndum veniet in VESTIBULO, ac ſuo deinde modo etiam in JANVA, perſolendis magis ac perſiciendis.

*Annon occurrunt etiam in illis quedam*

1. Minus pura? 2. Non a modum propria, vel uſu ſaltem trita? 3. Parum digna ac momentosa? 4. Ex parte tantum vera? 5. Ad puerorum capium vix accommodata, vel illum ſuperantia?
6. Nec ad uſum vite adeò comparata, &c.

Ut non alicubi quedam demi,  
alicubi nonnulla addi,  
denique quibuſdam in locis aliqua commutari,  
ac ſubſtitui meliora atque reſtiora, poſſint.

Atque hinc, ubi deprehenſa ac notata quæ

quædam illiusmodi fuerint, laborandum curandumque id fuerit : ut non tantum quæ deesse videbuntur, suppleantur : sed & substituantur locis sic animadversis,

*Puriora*

*Magis propria & Usutrita*

*Digniora.*

*Veritatis certæ ac plenæ ;*

*Capiti accommodatiora ;*

*Deniq; ad usum vitæ magis factura*

In JANVA quidem præter ista venient fortè nonnulla etiam sigillatim observanda, ob SCOPVM, qui illi amplior & sublimior præfigitur : Sed nunc in Vestibulo subsistere placet, neque ad ipsam usque Januam pertumpere. De qua alio tempore erit, ut exprimam quod animo cogitâro.

Quod TRANSLATIONEM ALEMANICAM VESTIBVLI attinet, de eâ breviter hæc monenda puto.

1. Spectandum quidem esse, ut Translatio quoad ejus fieri per Linguae genium potest, sit ad Verba quàm maximè adstricta : Interim, nec consultum fore, ita usquam strictè id affectari, ut propterea, seu Nativa Linguae Latinae elegantia (quæ adeò nec in Vestibulo fuscari debet ac corrumpi) seu Germanæ propria indoles, negligatur : Siquidem non perinde, ut in illâ, ita etiam in hâc code n̄ prorsus ordi-



ne Verba satis vel eleganter, vel congruenter etiam semper connecti possunt.

2. Operam dandam esse, ut Stylo purè Germanico, singula quoque redantur: nec illud admodum pensi habeatur, si quæ in Germanico non ita pressè verbis Latinis sic responsura videantur.

3. Ne tamen propria significatio non pressè etiam declarata quovis loco exister, atque id non satis tutò Institutori minus cauto committatur, interseri per parenthesin necesse fore, quæ Vocum quarumque Latinarum vis propria sit, si Germanicæ paulò longius recedere videantur.

4. Non opus esse ut Latino Textui mox subjiciantur, & velut interlineariter illi respondeant Germanica: sed satis fore si ad latus alterum ex adverso rejiciantur. Id ipsum sic fieri vel ideò etiam consultum fore, quòd ea ratione expeditior sit futura puerorum examinatio; seu de Latinis vernaculo sermone interpretandis; seu de Germanicis Latino rursus sermone exprimendis. Præterquàm quòd SCRIPTO etiam, quan in INFORMATRIO monstrare & commendare libuit, commodiùs sic successura sit, si Latina à Germanicis distinctim occurrant.

Hæc ita tumultuariè chartis his illinere

nere visum est, Vir Clarissime; tum ut expendi satis omnia possint, perq; aliorum monita & Judicia corrigi & perfici: tum Tui ut sit Arbitrii, si quem deinde alicunde exposcere velis, ad Partum Tuum ex ductu tali amplius perpoliendum. Neque enim dubito, quin sint futuri præstò inter eos, qui in Puerili Trivio defudant, vel complures etiam: qui hunc Partum Tuum, velut sibi abs Te contraditum, ac planè commissum, dum alius præ illo, tanquam sequioris sexûs Masculus magis porrò ad lucem maturandus Tibi venit, tanquam proprium & suum, lambendo ulterius purgaturi sunt atq; formaturi.

Tantum & nunc jam & deinceps quoque optandum id maximè fore video: ut ad LIBELLVM hunc talem dextrè tractandum, Institutor accedat satis idoneus & fidelis: qui quæ Pueris patere ubivis non ita mox videntur posse, ipse demissione quâdam perpetuâ ad illorum captum, & cum facilitate ac suavitate ex se additâ, singula inculcare sataget.

Cui rei atque Usui, nescio an Consultum fuerit COMMENTARIUM, & velut quandam POSTILLAM ( ut nomen hodie irroborati usûs hûc accommodem ) *super & post Vestibulum* conscribi: Unde qui per se minus hoc per-

spiciunt, quo quidque tendat, & qui pueris instillari, quâ temperaturâ suavius reddi queat, pervidere privatim, atque ipsi addiscere possint antè, quàm publicè ad docendum & Pueros informandum accedant.

Certè si Puerorum Informatores, seu Pædodidascali illi, agere voluerint, ut nutriculæ prudentes ac fideles, reperiant in Vestibulo, præsertim si secundum prædictam rationem perpolitum amplius fuerit, ceu in Uberrimo Ubere, lac affatim abundans, quod tenellorum animis immulgeant, non ad ELOQVENTIÆ tantum, sed ad SAPIENTIÆ etiam Primordia, per incrementa atque augmenta perpetua enutriendis.

Deus, Puerorum atque tenellorum Miserator Maximus, de Cælo INCREMENTVM elargiatur, ubi ubi terrarum plantantibus & rigantibus.

Te verò, Vir Clarissime, Pueris tam hætenus utilia meditatum, atque ad sublimiora jam attentum, servet, sospitet, roboret porro, ad ea, quæ ulterius meditaris, pro ætate etiam magis provecstâ, feliciter in bonum publicum emolienda. B. V.

*Scribeb. Lesne, Ineunte Anno 1638.*


(225)

CONATUM  
PANSOPHICORVM  
DILVCIDATIO.  
IN GRATIAM  
CENSORVM  
FACTA.



LONDINI,  
Anno M. DC. XXXIX.





*Iohan. 3. 21.*

Omnis qui facit Verita-  
tem, venit ad LVCEM,  
ut manifestentur ope-  
ra ejus, quia in DEO  
facta sunt.



LONDINI

ANNO M. DC. XXXIX.



ERV DITI  
CENSORES,  
VERITATIS ET LVCIS

AMANTES,

Salvete per CHRISTVM,  
Veritatem & Lucem  
nostram.



*S*apienter illa septem filiorum, martyrum, apud Machabæos mater alloquuta eos scribitur: Nescio [ filii mei ] qualiter in utero meo apparuistis. Neque enim ego spiritum & animam donavi vobis, & vitam: & singulorum membra non ego compegi: sed ipse Mundi Conditor, qui formavit Hominis nativitatem, & omnium invenit originem [2 Mach. 7. v. 22, 23.] Non absimile quid de suis ingenii

ingenii factibus pronuntiare possunt, quicunque se & sua omnia pie ad Deum referentes, in victimam ei humillime offerunt: nempe non seipsis authoribus fieri, quæ rectè fiunt, sed Deum esse qui adinvenit omnem viam scientiæ, eamque tradit [per quoscunque tandem vult] Jacobo filio suo, & Israëlî dilecto suo: quemadmodum loquitur Baruch [3. vers. 37.] Deus autem ipse ponere se in corde omnis eruditi, Sapiëntiam, ut faciant quæ ipse præcipit, testatur. [Exod. 31. vers. 6.] Præcipere autem credendus est Deus, non duntaxat cum cœlitus alloquitur, & expressis verbis quid fieri velit mandat, quemadmodum Prophetis suis: sed & cum internè illuminat, externè autem rerum gerendarum occasiones subministrat [1. Reg. 17. v. 4. & 9.] Qualiter in rebus maximis & minimis observare potest, cui providentiæ Divinæ notare vestigia, & sequi ductum, animus est. Experiatur id ego quoque minimus omnium, quàm fortiter attingat, & suaviter disponat omnia, admirabilis illa Dei nostri sapiëntia: ut non nostra, sed Dei esse quæcunque unquam utiliter cogitantur, fateri necesse sit: ideoque & solatio liceat frui, non nostram primario, sed Dei causam agi, si malevoli ad discerpendum nos, & nostra quæ nos Deo genuimus, insurgant. Ante annos aliquot obtulit providentiæ divinæ occasionem

com-

componendi opusculi, quod linguam Latinam, & quamcunque aliam, compendiosius docendi modum præscribit, per ipsam Rerum seriem. Quod amicis suadentibus, & superioribus annuentibus, sub titulo **LINGVARVM JANVÆ** [exemplo eorum à quibus occasio fuit, Patrum Hibernorum Salmantici in Hispania Collegii] in publicum emisi. Exceptum id communii Scholarum applausu, ansam dedit de **JANVA RERVM** ipsarum exstruenda cogitandi. Nempe non satis videbatur, docere quid dicatur Album, Nigrum, Cælidum, Frigidum, Planta, Homo, Angelus, Cælum, Ecclesia, Deus, Christus, &c. docendum etiam, atque aded potius, quid illæ sint: ut non tam cum Vocabulis quam cum Rebus consuscant animi. Progreffus aliquousque conatus, cæpit facere Spem successus non infelicitis. Prodit interim sub **PANSOPHIE** titulo D. Petri Laurebergii Artium Encyclopædia: quam cum avidissimè acquisitam lustrarem, tituliq; amplitudini non respondere viderem: (Nihil enim ibi de Sapientiæ veræ objecto, imò & fonte, **CHRISTO**; nihil de vitâ futuri seculi, ad quam qui sapit, is demum sapit, via, & similibus;) putabam occasionem dari desiderata supplendi: ut quæcunque in Scholis Christianis doceri & disci opus est, fasciculo collecta haberemus: & quidem methodo, quæ omnia illa Juventuti brevius, verius, melius,



lius, h. e. ad fines vitæ præsentis & futura accommodatus, instillaret. Scopus enim fuit (ut id repetam obiter) conficere epitomen librorum Dei, Naturæ, Scripturæ, Conscientiæque humanæ: ut, Quidquid Rerum est, hic unâ continui serie descriptum haberetur: Quidquid divinarum Revelationum exstat, hic illustrandis Rebus adhiberetur: Quidquid communium notionum Menti humanæ innascitur, hic in suos usus digereretur. Per quæ volumus,

1. Reddere Christianis Scripturam sacram familiariorē, quàm ferè hæctenus.

2. Tradere in manus clavem, pleraque maxima Naturæ & Scripturæ mysteria reserantem.

3. A studiis vitæ hujus ad studium æternæ magis magisque traducere Homines. Idque viis, per quas posse in melius profici, judicarunt & judicant, quicunque hæc à fundamento cognoverunt.

Non deerant itaque jam ante quinquennium, qui editionem opellæ hujus (prioris exēplo) & suaderent & flagitarent. Sed ego hic quàm antè trepidantior, persuaderi mihi non aliud sum passus, quàm ut titulum, Catalogo Librorum proditorum insertum, præmitterem, judiciorum explorandorum gratia. Factum id est, semel & iterum, ut titulus JANVÆ RERUM, siue Pansophiæ Christianæ, publicè vendicaretur:

nundaretur: sed quod mox, buccinare ante se indecorum ratus (praesertim in re, quae necessario moras posceret) inhibui. Rogatus tamen ab amicorum intimo, Viri publici profectus pie avido, ut futuri Operis ideam aliquam communicarem: ego quod in forma Praefationis Operi aliquando praefigendae, affectum habebam, illud obiter descriptum communicavi: quod praeter meam spem, & me inconsulto, Oxonii (sub titulo CONATUM COMENIANORVM PRAELVDIA) typis descriptum est. Intentione quidem optimam (nempe ut pluribus Eruditis tanto facilius communicare, & iudicia exquiri, possent) eventu tamen spei Viri optimi non per omnia respondente. Tamen si enim plures docti bonique Viri magna de tali Opere praekoncipientes, plurimum nos ad continuandum hortati sint, & hortari non desinunt (nonnulli etiam excellentioribus donis instructi operam suam offerunt): reperti tamen simul sunt, qui temeritatis inusitata nos, quasi impossibilia & superhumana attentantes, arguendos putarunt: & quod peius, qui è vocalibus quibusdam, (sensu ab Orthodoxia alieno, ut putarunt, positus) suspicionum ingentes excitarunt moles, latere nescio quid veneni, & sub methodi concinnitate portenti aliquid, metuentes. Fuerunt denique, qui editionem differri videntes (cujus tamen dilationis nobis graves causas,

se, ne scilicet ex fœtu vitali abortivus fiat, emissus ante diem) putarunt nos aut ludificasse Mundum, nihil præter desideratum (quanquam illud melioris notæ) offerentes, & tamen quasi rem effectam promittentes: aut certè succubuisse labori, ut promissa in fumos itura sint omnino. Quæ omnia novam dederunt ansam hæc, quæ nunc leges pie lector, scribendi: h. e. dilucidior modo vota, desideria, conatus nostros exprimendi. Scripta hæc sunt à nobis, & descripta typis, Antistitum & Patronorum Ecclesiarum hujus loci (post solemnem nuper solemni in conventu factam deliberationem) voluntate & jussu, non ut irent in lucem publicam, sed ut communicarentur illis, quorum interest. Exinde igitur cognoscetis,

1. Delincationem nostram Pansophia non somnium esse, sed realissimum opus.

2. Nihil hic latere monstri, sed id quæri & agi, ut verissima ac formosissima Rerum facies, quemadmodum ab æterna sapientia efformata, Rebusque impressæ sunt, omnium oculis detegantur, eosque ad abjiciendum diabolicas (dogmatum pravorum & vitæ enormis) larvas invitent & instruant. Non enim aliquid novi dogmatis cudere, nec errorem ullum interpolare, sed Veritates rerum sparsas, naturales, artificiales, morales, divinas, in unum colligere; collectas in ordinem unum cōtinuum (ut finis nisi in fine reperiri non possit.)

possit) digerere; digestas ad facilem usum Scholarum (& quicunque compendii sapientie DEI amphitheatrum lustrare vellent) adaptare, propositum fuit. Quod cum voluisssem, numquid levitate usus sum? inquit Apostolus: aut quæ cogito, num secundum carnem cogito? (2 Cor. 1. 17.) Si cui minus commodè aliquid dixisse vidcor, indictum esto: ego enim cum omnibus meis Ecclesiæ iudicio sto. An verò propter navulum aliquem corpus totum, pulchrum & harmonicum, abjici conveniat, judicent prudentes. Novit ille qui novit omnia, non alio ire desideria habere, quam ut universale quoddam mentibus accendatur lumen. Quod fieri posse, videre dedit Deus, artificiosa quadam à natura mutuata methodo, quâ omnes humanarum observationum rivuli, omnes etiam divinorum Operum & Verborum amnes, ad suos reducuntur fontes, de novoque suis diducuntur venis, ad facile influendum animis universaliorem quandam rerum cognitionem, quam usurpatis hucusque vis fieri potuit. Dum enim prolixa donantur brevitate, confusa distinctione, obscura luce, per via sunt ingeniis omnia.

3. Videbunt tamen hîc Censores, nos, quia quò profundius in hæc penetramus; eò major Sapientiæ Dei circumdat fulgor, Viarumque & Operum ejus multitudo ac varietas obumbrat, eò magis de assequendo



assequendo tam eccellente scopo (adornanda scilicet perfecta, & amplitudini ac majestati rerum exactè respondente, *Universi* imagine) dubitare: nisi sint, qui sub tantæ structuræ mole labascutibus auxiliatricem porrigant manum. Quod in re communiter profutura expectare & expetere quidni æquum sit?

Verum-entimvero dolendum est, Hominum incogitantiam consueque prorumpere, ut adversus eos qui amicè accedentes, palmam, non gladium, præferunt (pro opinionum tumultu realioris scientiæ aliquid exhibere parati) impotenter insurgant, maledictis impetant, probris exagitant, vulneribus etiam confodiant: ut hujus rei exempla nonnulla vidit ætas nostra, nosque ipsi jam quoque (etiam à quibus minimè conveniebat) experimur. Miserum ac deplorandum, non meminisse nos Literas Armis contradistingui! Nonne, cheu, satis est gladiis ferreis consumi mundum, nisi calami etiam omnes, & linguæ omnes, vertantur in gladios? Habeant sanè Arma, quæ ab irato DEO immittuntur Orbi, characterem iræ, venientis in turbine venti, dissipantis montes, & subvertentis petras, cum fragore & flamma ignis: Literas certè, quæ Sapientiæ instrumenta sunt, divinæ præsentiae, in aura leni, sine tumultu & strepitu venientis characterem habere æquum est. Nec quidquam magis  
conve-

convniens, quàm ut Viri pii & sapientes, cum Elia ad ostium prospectantes, facies suas involvant, & quid favoris Dei aura hinc aut hinc ferat, attendant.

Quid alioqui profuit odiosis disputationibus Mundum conflictasse tot sæculis! Jam tandem igitur præposterâ contradicendi ac litigandi consuetudine sepositâ, scrutemur junctâ diligentia Sapientiæ Dei vias; ut ejus quaquaversum se diffundentis ubique percepto suavissimo gustu, jucundius transigamus mortalem vitam, immortali autem præparemur deccentius.

Non id peto, ut quisquam Voluntatem potius quam Intellectum his quæ afferro, accommodet: Sed ne affectum & præjudicium pro ratione adhibeat. Censuras peto: sed liberas, à mente libera profectas: Quia anticipata suffragia, & hominum potius quàm rerum respectus, præconceptæque opinionis potius quàm concipiendæ Veritatis studium, quantumvis solertia ingenia ligant & mancipant. Neminem ego oppugno: cur ergo me oppugnet aliquis? Viam reconciliandi omnes, qui ullâ parte Veritati litant, trado: & cur mihi aliquis irreconciliabiles denuntiet iras? Etsi [ fateor ] monitis sum minor ipse meis: an ob id tamen odio dignus? Certe enim nullo Eruditionis apparatu, aut Ingenii acumine, fractus, Vniuersali Sapientiæ pomeria designare

narc sum aggressus : Sed quia quod cogitare dedit DEVS , saluberrimum fore Mundo, scio , arbitratus sum occasiones ad alios qui rem tantam felicius possunt, exstimulandos non prætermittendas: inde factum, ut prostituere me, quam stimulum illam segtem in hominum animos non spargere, māluerim. Scopum nempe quia mihi propono excelsum, meritoque toti mortalium generi desiderabilem, si in mediis deficio, commiseratione dignior ero quàm odio. Inhumanum nimis est, prodesse conantem plagis affligere : æquitatis autem plenum, eum qui per publicā viam incedit, publicā frui securitate : quique communia promovere quærit commoda, eum communi patrocinio defendi ac protegi. Sed veniamus ad rem ipsam, ut nostra pro Ecclesiæ incrementis iterum exponamus vota. Præloquium tamen hoc verbis Augustini claudam.

Cum his colloquar coram Te, DEVS meus , qui hæc omnia quæ intus in mente mea non tacet Veritas Tua, vera esse concedunt. Nam qui hæc negant, obstrepant quantum volunt, persuadere conabor ut quiescant, & viam præbeant ad se Verbo Tuo. Quod si noluerint, & repulerint me, obsecro Te DEVS meus , ne Tu sileas à me. Tu loquere in corde meo veraciter : Tu enim solus sic loqueris, ut dimittam eos foris suffiantes in pulve-

pulverem, & excitantes terram in  
oculos suos &c. Domine DEVS, mi-  
serere, ne implumera pullum con-  
culcent qui transeunt viam: Mitte  
Angelum tuum, qui eum reponat in  
nido, ut vivat donec volet (*August.  
lib. XII. Confess. Cap. 16. & 27.*)

Comple-



*Eruditionis  
universalis  
fundamenta,*



Omplexum aliquem totius Eruditionis colligere pridem tentarunt Viri summi; non constare sibi mentis lumen, nisi coeuntibus undique Veritatis Rerum radiis, satis animadvertentes. Aristoteles ipse, *Sapientem debere OMNIA SCIRE, quantum possibile est*, scripsit: & debere talia ponere principia, per quæ omnibus quæsitis satisfaciat: & debere incipere ab his quæ magis nota sunt, & idè à magis universalibus: & oportere ut habeat magnam rerum certitudinem, eamque non quomodocunque, sed per causas. (Uti hæc ex Aristotele collecta habet Joh. Bel-  
larinus, in praxi scientiarum lib. 4. Distinct. 1. Num. 1.) Ubi ad OMNI-  
SCIENTIAM, quæ Homini possibilis est, tria hæc requirit Philosophus.

1. Principiorum Universalitatem.
2. Ordinis Methodum veram.
3. Veritatis certitudinem infallibilem.

*Et varia va-  
riorum tenta-  
menta.*

Ad quas leges doctrinarum syntagmata construere, non solum Aristoteles ipse, alique antiqui, tentarunt, sed & nostri ævi Scriptores quàm plurimi, Encyclopædias, Polymatheias, Panepistemonas, Artes Cyclognomicas, Syntaxes Artis mirabilis, Institutiones magnas, Transformationes scientiarum, Theatra Sapientiæ humanæ,

manæ, Omniscientias Christianas, Panfophias, Panaugias, Panarchias, Pancosmias, (& si qui alias libris suis tribuerunt inscriptiones) in publicum edendo. Quorum conatus tamen laudabiles omnium, haud tamen par omnium successus: Quemadmodum nec intentio eadem. Alii quidem sibi proposuerant omnem Eruditionis varietatem, ut per Bibliothecas diffusa haberetur, in unum redigere corpus: alii non nisi delectu adhibito, siue subtilitatis, siue elegantiae, siue ad vitam communem usus, & quidem alii methodo pressâ, Rebus adstrictâ: alii liberiori, ad placitû, sic vel sic. Quicquid tamē sibi quisq; eorum vel proposuit, vel præstitit, de omnibus nihilominus verissimè pronuntiari poterit, quod pronuntiavit Seneca. *Multum egerunt qui ante nos fuerunt, sed non peregerunt. Multum adhuc restat operis, multumque restabit: nec ulli nato post mille sæcula præcludetur occasio aliquid adhuc adjiciendi.* (Epist 65.) Quid igitur prohibet alios etiam, si quid utile ferant, audiri? Et in his quidnā nos etiam, qui Opus prorsus Universale condidimus: in usum non Scholasticæ solum Juventutis, aut Eruditorum, sed & totius Christianæ plebis, quò omnes in universum rectius sapere doceantur. Nempe (quemadmodum in Præludio

Conatum

*An etiam  
insuper ali-  
quid tentari  
possit?*

Conatuum Panfophicorum vota nostra expressimus) librum esse conscribendum, qui esset *Universe eruditionis Breviarium solidum: Intellectus humani Fax lucida: Veritatis rerum Norma stabilis: Negotiorum Vita Tabularum racerta: ad Deum denique ipsum scala beata.* Cujus rei rationes & fundamenta ibidem sic generaliter detecta sunt, ut multi jam de necessitate & possibilitate rei non ambigendum esse, nobiscum statuunt. At quia non nemo confusionem sic aliquam sapientiae divinae cum humanae metuit, occasio data est aliquantò distinctiùs hæc proponendi, & ex fundamento tali, qui titulum etiam Libro immutet. Nempè ut inscribantur,

*Panfophia  
Templum.*

PANSOPHIAE CHRISTIANAE TEMPLUM,  
ad ipsius supremi Architecti, Omnipotentis DEI, ideas, normas, legesque, exstruendum; & Usibus Catholicae JESU CHRISTI Ecclesiae, ex omnibus gentibus, tribubus, populis & linguis, collectae & colligendae,

## ligendæ, consecrandum.

Et quoniam de optima methodi forma nunc consultamus, reddenda erit ratio; Cur talem Librum **CHRISTIANÆ PANSOPHIÆ TEMPLVM** appellari? & ad ideas, normas, legesque Architecti summi **DEI**, construi? cur denique *Vsibus Catholicæ JESV CHRISTI Ecclesiæ*, ex omnibus populis & linguis collectæ & colligendæ, consecrari suadeamus? De singulis ex ordine dicendum est.

**TEMPLVM**, priscis Latinis dicebatur omnis locus patulus, ex quo in omnes partes prospici poterat: quasi *Tu-emplum*, hoc est ad tuendum amplum spatium. Unde & *Contemplari* aliquid, est liberè sine impedimentis contueri. Quo sensu appellatio Templi quam maximè Cælo convenit: quia undique prospectui patet, & quia **DEVS** inde liberè contuetur omnia. Quemadmodum David loquitur: *Dominus in Templo sancto suo, in cælo sedes ejus est, oculi ejus vident, & palpebræ explorant filios hominum*, (Psal. 11. 4. & Psal. 33. 13.) Ita Lucretius *Lucida cæli Tempia* dixit. Ennius autem: *Contremuit Templum magnum Iovis altitonantis*. Quia verò antiquitas loca terræ editiora, colles & tumulos, è quibus prospectus dabatur amœnus,

M

numini

*Cur Templum  
appellandum?*

*1. Quia con-  
templationis  
amplum the-  
astrum.*



numini colendo consecrabat, erectisque ibi Aris ad usus sacros signabat, tandemque Aras ipsas septis circummuniebat: factum inde est, ut Templi nomen ad significandum inprimis ædificium divino cultui destinatum transierit, eoque sensu nunc potissimum usurpetur. Constat tamen è Cicerone, Curiam, ubi Senatus ad consultandum quasi in Dei conspectum convenit, Templi quoque appellatione honestatam fuisse. *Curia est sedes ac Templum publici consilii, inquit.* Et alibi (pro Milone) *Curiam vocat Templum Sanctitatis.* Tandem Poëta Mentis templa vocat intimos animi humani (præsertim Sapientis) recessus: unde Mens velut ex edita specula contemplatur universa, & de iis quæ cernit, pro conscientia etiam decernit. Unde iterum Lucretius ipsam sapientum doctrinam edita Templa vocat, noto illo versu.

*Sed nil dulcius est, benè quam munita tenere*

*Edita Doctrinâ Sapientum Templa serenâ;*

*Despicere unde quæas alios, passimque videre*

*Errare, atque vias palantis querere vita.*

Atque hæc prima est causa, cur nova nostræ Encyclopædiæ Templi nomen indendum putamus : quia, hîc menti humanæ universalis quædam fabrica paratur, unde quaquaversum prospectâdo omnia quæ usquam sunt, visibilia & invisibilia, temporaria & æterna, (modò revelata sint) jucundè contemplari queat.

Alterâ causa sublimioris est considerationis, quam nobis ipsa divina Scriptura suggessit ; nempe quod quidquid æternâ Sapientia TEMPLVM suum, HABITACVLVM suum, DOMVM suam, TABERNACVLVM & SANCTVARIVM suum, appellare dignata est, id omne hic repræsentatur. Appellavit autem DEVS habitaculum suum.

(1.) Æternitatem suam, Jes. 57. 19. (2.) Mundum hunc, cœlo & terra constantem, Jes. 66. 1. (3.) Domum nomini suo ædificatam, 1. Reg. 5. vers. 5. (4.) Cor contritum ac humile. Jes. 57. 19. (5.) Ecclesiam. 1 Tim. 3. 15. (6.) Christi humanitatem, quam tota divinitatis plenitudo inhabitat corporaliter. Coloss. 2. 9. Quæ omnia ut hîc veras suas accipiant delineationes, seria datur opera.

Addatur causâ tertiâ, magni ipsa quoque momenti : quod qui fines & usus erant materialis illius sub Veteri

2. Quia hic  
omnia Dei  
Templa deli-  
neantur.

*Quia ob  
eosdem fines  
erigitur ob  
quos materia-  
le Dei Tem-  
plum.*

Test. Templi, iidem esse poterunt ad-  
eoque debebunt, hujus Christianæ  
Sapientiæ Templi. Quintuplex au-  
tem è Scripturæ testimoniis DEI sco-  
pus in ordinando Mosaico Taberna-  
culo, & Salomonico templo, observa-  
tur: nempe,

(1.) Ut populus DEI solenni illo  
ad locum Unum [quem ipse Deus ele-  
gisset] confluxu, in unitate Fidei, hoc  
est Unius illius D E I cultu, contine-  
retur.

(2.) Ut doctrinæ Legis auditu, &  
decori ceremoniarum aspectu, ratio-  
nalem illum DEI cultum addiscendi  
occasionem haberent.

(3.) Ut recordando hic solenniter  
variorum DEI beneficiorum solenni-  
ter ad laudandum & amandum DEVM  
excitarentur. Inde est quòd introire  
jussi fuerint portas domus DEI in con-  
fessione, atria ejus in hymnis, & lau-  
dare nomen ejus, Psal. 100. 4.

(4.) Ut mutuam inter se concor-  
diam & charitatem foverent inflam-  
marentque utpote ejusdem DEI con-  
servi.

(5.) Tandem ut magis hac etiam ra-  
tione, in spem vitæ futuræ erigeren-  
tur, ubi in magna Electorum Angelo-  
rum hominumque in conspectu throni  
DEI congregatione laudabitur DEUS  
in æternum. Jam autem ad eosdem pla-  
nè

nè fines hâc Sapientiæ Templi erectione tenditur.

Nempe (1.) ut Christiani omnes in una Catholica & salvifica Fide facilius inter se consensum & agnoscere & tueri possint : ex iisdem fundamentis, De eodem DEO, ad eundem scopum, eadem edocti. *Via enim Sionis illa sancta, quæ in se tam plana est, ut ne stulti quidem decurrere possint* (Jes. 35. 8.) hic planissimè docetur. (2.) Ut rationali contemplatione & collatione Operum & Verborum DEI attendere doceantur omnes, quàm magnifica sint omnia DEI nostri opera, & quam sapienter fiant ! (Psal. 104. 24.) quò & ipsi nos utpote imago DEI nostri, non nisi sapienter omnia nostra administrare discamus. (3.) Provideri potest ac debet, ut Sapientiæ hoc Templum lustrantibus, perpetui adsint stimuli, affectum in se Davidico similem excitandi, in quem ille Operum DEI contemplatione abreptus fuit, ut diceret : *Sit gloria DOMINI in seculum, letetur Dominus in operibus suis. Cantabo DOMINO in vita mea, psallam DEO meo quamdiu sum* (Psal. 104. sub finem.) (4.) Nec est cur desperetur major inter mortales concordia, si major fuerit consensio, hoc est, iidem de rebus iisdem sensus. Nam si attenderent omnes, se ab eodem Conditore,



iisdem communibus viis (quanquam  
particulares varient) eodem duci, ve-  
rissimile est paratiores fore huic pro-  
videntiæ ordini suum relinquere cur-  
sum, quàm obluendo turbare, & ta-  
men nihil proficere, nisi quod inviti  
tandem in ordinem cogendi sint, æter-  
nâ confusione suâ, (5.) Denique Sa-  
pientiæ hoc Templum ad excitandam  
Vitæ futuræ spem ac desiderium ac-  
commodari poterit, si mentibus per  
omnia ductis, omnium ex æternitate  
effluxus, & in eandem refluxus, gra-  
phicè ob oculos ponatur: ut omnes  
qui se hîc figunt, nil nisi umbras cap-  
tare clarissimè intelligantur.

CUR PAN-  
SOPHIA  
dicenda?

Hæc cur Sapientiæ Theatrum, TEM-  
P L I appellatione insigniendum ve-  
niat. Dicendum jam est, cur non Sa-  
pientiam simpliciter, sed *Omni-sapien-  
tiam*, seu Universalem Sapiientiam  
(Græcè rotundius *Pansophiam*) ap-  
pellitemus. Non exempla prætendam,  
(ut Laurenbergii, & Alstedii, qui  
commendat quinque genera τῶν γινω-  
σκῶν illi, qui πανεπιστήμιον καὶ ἀντιστοι-  
χίαν fieri & dici velit, Archilogias cap. 1.)  
Nobis stat ratio nostra, eaque tri-  
plex: desumpta à subjecto, objecto,  
& modo docendæ hîc Sapientiæ. Quan-  
tum ad subjectum: Obtinuit Mos a-  
liquot sæculorum, ut ea in quibus Sa-  
pientiæ mysteria contineri credebantur,

tur, non linguis vernaculis, vulgò intelligibilibus, sed exoticis, ob id peculiariter discendis (Latinâ & Græcâ) traderentur, eaque ratione Sapientia ipsa ut peculium quorundam, ad fontes nempe illos admissorum, habebatur. At nos contendimus esse communitati generis humani concessam possessionem, publico juri & usui merito vindicandam, oramusque & obtestamur per gloriam DEI, viam quæri & inveniri, parari & aperiri, quâ omnibus in universum, etiam de infima plebe, potentix, sapientix, bonitatisque Creatoris sui vestigia, omnibus illis quæ omnes vident, audiunt, gustant, tangunt, agunt, dicunt, cogitant ubique impressa, intueri & adorare liceat. Eo inquam primò fine non simpliciter sapientiam, sed OMNI homini debitam S A P I E N T I A M, profitemur.

Quod objectum Sapientix attinet, partiebantur id ferè hætenus inter se eruditi, ut alius Philosophiam, alius Theosophiam, seu Theologiam, alius Medicinam, alius Jura sibi deposceret, posthabitâ aliorum curâ, & communis Veritatis respectu. Imò ipsius Philosophix partem, alius hanc, alius aliam eligit & colit, reliquis ne à limine quidem salutatis. Unde fit, ut plerorumque

*Propter  
1. Subjcti  
amplitudine.*

*2 Objecti uni  
versalisatē.*

scientia particularis tantum sit; imò,  
 quod pejus, *partialis*. In partes enim  
 abeunt, qui non conveniunt in toto: &  
 fundant sectas, qui quomodo se eadem in  
 basi suâ insectilis Veritas diffundat, non  
 intelligunt. Nos autem protestamur,  
 nec animam rerum, Ordinem, nec vin-  
 culum rerum Veritatem, cognosci in-  
 tegrè posse, nisi è toto rerum comple-  
 xu. Non percipit certè rerum Ordinem,  
 qui in unum, aut pauca, defixus,  
 quomodo omnia omnibus cohæreant,  
 non considerat. Nec Veritatem rerum  
 totam capit, qui non quomodo per  
 omnia diffusa sui similis sit, observat.  
 Suademus pròinde universum Rerum  
 & scientiæ humanæ orbem sumi, &  
 percommensuratum omnium ad omnia  
 proportionem, media essentiarum cē-  
 tra observari: quò veneranda Veri-  
 tatis facies in abstractis formis nobis  
 veniat in conspectum, eaq; ratione sui  
 alibi etiam, nempe ubi rebus concreta  
 est, facilius cognoscendæ faciat copiā  
 Hic autē facile colligi potest, etiā no-  
 bis divortia illa Theologiæ à Philosophiā,  
 & Philosophiæ à Theologia, quam passim  
 videre est, improbari. Plerumque enim  
 Theologi muneris sui esse putant,  
 divinis vacare tantum: vicissim Phi-  
 losophi creaturarum speculationi ni-  
 mium intenti, nullum Theologiæ,  
 nullum etiam sæpe ipsius DEI, habent  
 respectum.

respectum. Unde fit, ut Philosophorū quidam Deum & religionem desueti, in atheismum incidant: contra Theologorum quidam Philosophos & Philosophiam omnem pertæsi, detestentur: manifestā ibi impietate, hīc injuriā. Deus etenim, tam Operum quam Verborum suorum author, utrobique agnosci ac celebrari vult, & potest. Nam quanquam nos vitæ futuræ parat, ad illam tamen nos per ea quæ hīc, non loquitur solum, sed & operatur erudit ac instruit. Ideoque non tantum audire mandat vocem suam, sed & intueri jubet Opera. Nos igitur ut reconciliemus Philosophiam Theologiæ, (hoc est Opera Dei Verbis Dei, seu Veritatem Rebus impressam Veritati Verbis expressæ), atque per id Rationem subordinemus Fidei: suademus apud Christianos doceri nec Philosophiam separatim, nec Theosophiam separatim, sed utramque conjunctim, id est, Pansophiam. *Id enim erit propriè Omni-sapientia nostra, sapere ad vitam futuram, & non desipere in præsentī: habere DEUM & vitam futuram in prospectu, & sentire tamen quomodo nos jam nunc undique circumstet per omnia diffusa majestas ejus.*

Si quis dicat (dicunt autem: jactatæ jam sunt in nos Voces istæ.) *Tua vero ista Pansophia confundet Theologiam*



*cum Philosophia, sapientiam divinam  
 cum humana, cælumque terræ miscbit:*  
 Respondebo. 1. Si non ista confun-  
 duntur in mente eruditi: (dantur e-  
 nim viri excellentes, scientiâ sacrâ &  
 profanâ potentes) quid est quod in  
 libro confusionem metuamus? 2. An-  
 non distincta distinctè tradi possunt?  
 ut tamen si simul sint, inconfusa tamen  
 maneant. 3. Denique quomodo ista  
 non confunduntur in Scriptura sacra?  
 quæ non cœlestia & æterna solum tra-  
 dit, multæ etiam hujus vitæ attingit.  
 Dices: *sed subordinate ad æternam.*  
 Rectè, atque hoc idem est, quod faci-  
 endum suademus in Pansophiæ libro,  
 ut omnia quæ mundus habet Cœlo  
 subordinentur, Scientiaq; omnis Phi-  
 losophica, scientiæ illi quæ secundum  
 pietatē est, servire cogatur. *Id au-  
 tem sine triplici.* Primū ne ignorent  
 filii Dei, quæ admirantur, & ob quæ  
 sibi placent, sapientuli hujus mundi: hi  
 autem ut placere desinant, si nos ea-  
 dem intelligere, & tamen præ dulce-  
 dine majorum aliò magis trahi vide-  
 ant. Secundò, quia opera Naturæ,  
 & multiplicia in illis abscondita my-  
 steria non idē sunt, ut impiis solum  
 ac profanis delicias faciant: potius ut  
 oblectent filios Dei, Angelos & Ho-  
 mines, quibus tam admirabile hoc po-  
 tentiæ sapientiæ bonitatisque suæ ex-  
 pandit

pandit theatrum. Utamur ergò jure nostro, & in theatro hoc confidentes rationabiliter omnia speculemur potius ipsi, quàm ut id scientes volentes cedamus profanis. Tandem, eo fine coordinari & sibi invicem subordinari volumus omnia, ut per omnia inferiora mens gradatim attollatur ad omnia sublimiora. *Certum siquidem est, ad fastigia rerum non veniri, aut certè non veniri commodè, nisi per gradus. Certum & hoc, naturalia omnia [et artificialia omnia] Alphabeta esse Filiis Dei, quo præparantur ad melius legendum & intelligendum sublimiora illa, quæ dictat Lex DEI. Quod ostendit David: magna de Deo nos doceri Cœli & Naturæ quotidiano cursu, majora autem ipsius Divinæ legis dictamine, admonens. Psal. 19.*

Tertia causa, cur Pansophiæ titulum usurpari suademus, est, *Modus ejus tradendæ amplior, quam quo Philosophia sola, aut Theologia sola, utitur. Nam quod Aristoteles à Sapiente (qui omnia quantum possibile est sciret) requirebat, idem in Pansophia requiretur necessariò: Nempe Principiorum universalitas; Ordinis continuo fluentis nusquam interrupta series, à principio ad finem; & rerum ipsarum infallibilis Veritas. Et Principia quidem hic ponuntur verè Universalia, per quæ*

3. Ob Sapi-  
entia tradenda  
modum ple-  
nissimum.

quæ omnibus quæsitis omnino satisfi-  
at, *Sensus*, *Ratio*, & *Divina Revelatio*.  
*Methodus* autem usurpari docetur fa-  
cillima, à notissimis incipiens, in ig-  
notissimis desinens : ad ea tamen sine  
saltu & hiatu ullo, gradatione perpe-  
tuâ, deducens. Unde tertium quoque  
emergit, *Certitudo* & *Veritas* scientiæ,  
quâ discens in lumine semper consti-  
tutus progredi se videt, non regredi,  
non stare, aut hæsitare : sciens autem  
scit se scire, non falli.

Cum igitur doceamus, quomodo  
OMNES, circa OMNIA, OMNINO  
(πάντες, πάντα, πάντως,) sapere pos-  
sint, quidni πανσοφίαν docere videa-  
mur?

*Cur dicenda*  
**PANSO-**  
**PHIA**  
**CHRISTI-**  
**ANA.**

At cur tamen PANSOPHIAM cum  
adjectione CHRISTIANAM, dicendam  
putamus? Primò quia Pansophiam  
condere & haurire, soli possunt prin-  
cipiis sufficienter instructi, Sensu,  
Ratione, Fideque Revelationibus di-  
vinis adhibenda. At soli Christiani  
habent Mundum in oculis, Verbum  
Dei in ore, Spiritum Dei in cordibus,  
Juxta promissum Jes. 59. 21. Ideò Au-  
gustinus acriter contendit solum Chri-  
stianismum veram esse Philosophiam.  
(Lib. 3. contra Academicos. Cap. 19.)  
Secundò, Omnes fideles & pii Christia-  
ni, etiam simplicissimi, eo ipso, quia Chri-  
stiani, boni sunt, Pansophi sunt : quate-  
nus

nus magis Cœlum quam terram, æterna quam temporaria sapiunt, Christumque (in quo omnis Sapientiæ thesauri absconditi sunt) possident. Involutè id quidem, verè tamen: eo modo quo semen quodvis arborem aut herbam totam, cum fructu suo, verè continet.

At quia tamen hæc non Christianis solis servire deberent (ex intentione Universalis institutionis, quæ a facilissimis, omnibus confessis, incipiendo, ad ignota ducit) sed omnibus qui homines nati sunt, ut etiam ad collustrandum & convincendum infidelium mētes (si Deo visum fuerit) vim habeant: convenientius forsan HVMANA PANSOPHIA diceretur: quemadmodum & ad excludendam incogitantæ notam, quasi aliquid supra hominem attentemus, cum *nihil nisi humana, id est, homini possibilia & debita urgeamus*. Tandè tamen, si hoc siue illud placeat, nos non alio magis sine Pansophiæ titulum usurpandum censuimus, quam quod excitatos vellemus homines, ut *Omnes sapere cupiant, & circa Omnia, omninò Rerum Veritate animos ex- plentes non opinionum fumis*. Hoc seposito respectu, patimur vel ἀποσοφίας vel γενεσοφίας (Sapientia circa optima, aut selecta) vel sanè Ignorantiam, dici: lubentissimè cum Socrate



Cur ad Idem  
Dei exstru-  
enda ?

crate profitentes, hoc vnum nos scire,  
Nos nihil scire. Et cum Apostolo : Si  
quis existimat se aliquid scire, is nondū  
scit quomodo scire oportet. (1. Cor. 8. 2.)

Sequitur dicendum, Cur Pansophiz  
hoc Templum ad ipsius architecti sum-  
mi Dei, ideas, normas, legesque construi  
dicamus ? Ratio in promptu est : quia  
totius dimensione partiumque nume-  
ro, situ, usu, exemplar sequimur, quod  
ipsa sibi met delineavit Sapientia Dei.  
Primum apud Mosē, in erigendo Ta-  
bernaculo : deinde apud Salomonem in  
exstruendo Templo : tandem apud  
Ezechielem, in gloriosius restaurando  
diruto Templo. Primò enim ad Mo-  
sen ita Dominus : *Facient mihi San-  
ctuarium, ut habitem inter cos, omnino  
juxta similitudinem quam ostendam tibi.*  
Et postea : *Inspice & fac secundum ex-  
emplar, quod tibi monstratum est in monte*  
[Exod. 25. vers. 9. 40.] Deinde, ad  
Davidem misit Deus (per Nathanem  
Prophetam, ut creditur) exemplar  
Templi, & omnium partium ejus,  
quod ille Salomoni tradens, mandabat  
non recedere à forma illa, sic prote-  
statur. *Omnia hæc venerunt scripta ma-  
nu Domini ad me, ut intelligerem univer-  
sa opera exemplaris.* [1. Chron. 28. 19.]  
Tandem Ezechieli ostendit formam  
templi mysticæ, id est, Ecclesiæ novæ  
sub Christo, cum mandato expresso at-  
tentè

tentè omnia excipiendi, & annuntiandi  
Domui Israel [Ezech. 40. 4.]

N. B. Observandum autem est posteriorem quamque formam pleniorē ac perfectiorem fuisse priore. Non quod Deus temporis & operarum progressu proficeret, & opera sua emendaret, [quemadmodum hominibus in architectando evenit, ut posteriores cogitationes videantur, & sint meliores] sed quia sic Ecclesiæ suæ profectus, cum tempore venturos, præfigurare voluit. Non enim sua, sed nostri causa, ista Figurari iusserat. Tabernaculum ergo Mosaicum non nisi tripartitum fuit, *Atrio, Sanctuario & Sancto sanctorum* constans, uti ex 40. Cap. Exodi liquet. Salomonis Templum habuit ante ultimum illud & intimum penetrale [Sanctum Sanctorum dictum] exteriora Atria tria: *Atrium vulgi, Atrium Levitarum, Atrium Sacerdotum*, tandemque illud soli Sacerdoti summo semel anno patens, *Sanctum Sanctorum*. Ezechieliani Templi structura tantodem partium numero constabat [quanquam pluribus muris & portis.] situ tamen diverso. Salomonicum enim Templum in monte Moriah jacebat, sed in montis plano totum: Ezechieliani verò Templi exteriora in acclivitate montis sita erant, quovis interiore Atrio gradibus

bus aliquot supra proximum elevato;  
 ut tandem ipsum Templum, hoc est,  
 Sanctum Sanctorum, in summo Mōtis  
 constitutum splendidissimè quaquā-  
 versus fulgeret. Quæ diversa habita-  
 culorum Dei inter homines structura,  
 Ecclesiæ Dei varia incrementa, sem-  
 per tamen in majus, ostendebat: tam  
 ratione dilatationis per populos &  
 linguas, quàm ratione cognitionis &  
 scientiæ, cum ætatibus Ecclesiæ au-  
 gendæ. Nam ut ipsi Mundo suæ sunt  
 ætates, ita & Ecclesiæ: infantia, pue-  
 ritia, virilitas, rursusque declinans  
 ætas, senectus; quæ ut virium cor-  
 poris decrementsa patitur, ita mentis  
 vires ferè intendit. Nempe propter  
 temperamentum ad siccitatem deveren-  
 tiam, quâ motus animi sedatiores, &  
 spiritus animales fixiores sunt. Cum  
 itaque Ecclesiam Novi Testamenti,  
 præsertim hoc ævo Mundo ad senium  
 vergente, prorsus adultam sensu esse  
 conveniat [ 1. Cor. 14. 20. Ephes. 4.  
 14. ] nos huic Sapientiæ Christianæ  
 Templo, formam ex delineatione Tem-  
 pli ultimi, Ezechieli facta, mutuamur:  
 distinguentes totum Pansophiæ appa-  
 ratum in septem diversas partes, in  
 quarum singulis diversa spectanda ex-  
 hibebantur, quò mentes ab humiliori-  
 bus semper ad sublimiora elevatæ, tan-  
 dem ad Sanctum Sanctorum, in bea-  
 tam

tamejus æternitatem, deducantur. Id autem quomodo ex forma Ezechieli-  
ni Templi obtineatur, explicandum est.

I. Primum Ezechiel generaliter, paucisque verbis narrat *Quid in visionibus vidisset Dei*. Nempe. (1.) Civitatem in monte sitam, locum augustissimi illius Templi, quod descripturus erat. Cap. 40. vers. 2. (2.) Virum adstantem ut sibi monstraret omnia, instructum mensuris ac normis, & se ad videndum, audiendum, cordeque attendendum exhortantem. v. 3. 4. (3.) Tum Ambitum Templi, seu Murum extimum, cum Mensura ejus in latitudinem & altitudinem, v. 5.

II. Mox describit *Portam templi*, quæ unica fuit in toto illo Templi ambitu, ab orientali plaga. (vers. 6. ad 17.)

III. *Atrium primum*, seu *extimum*, quod *Vulgi* seu popolare, dicebatur (quia huc introitus patebat omni populo) describit, à v. 17. ad. 28. Quod habuit *Portas* tres per quas *gradibus septem* ascendebatur in ipsam Atrii aream, v. 6. 19. 22. 26.

IV. Tum describit *Atrium medianum*, ubi sacra instrumenta asservabantur, & à Levitis curabantur ea quæ anteire, oportebat sacrificiis & oblationibus ex lege. Illius descriptio absolvitur à v. 28. ad 44. Notandum-  
que

*Descriptionis  
Templi Eze-  
chieli sui par-  
tes septem  
præcipue.*



que est, altius fuisse Atrio primo gradibus octo: ut patet ex descriptione Portarum ejus: v. 31. 34. 37.

V. Sequitur *Atrium intimum*, in quo *Altare holocausti* erat, cum reliquo ad expiationes faciendas apparatu: ideoque dicitur esse *Sacerdotum* v. 45. Descriptio ejus habetur à v. 44. ad 48.

VI. Templum ipsum *Sanctum Sanctorum* dictum (Cap. 41. v. 4.) describitur à v. 48. capitis 40. per totum caput 41. Situsque ejus in ipso montis vertice Cap. 43. v. 12. Itaque in descriptione Vestibuli ejus (Cap. 40. versu ultimo) graduum fit mentio, quanvis sine expresso numero, quot fuerint. In ipso Templo, seu Domo Jehovæ, nihil memoratur præter Cherubim, Palmas. (cap. 41. v. 20. 21.) & Mensam quæ est coram Jehova (v. 24.)

VII. Describit tandem (post repetitam formam cultûs Dei in novo hoc Templo, Cap. 43. & 44. & formam novæ politiæ in populo Dei cap. 45. & 46.) è Templo Dei per Atria illa tria emanantem *fluvium aquarum*, à principio exili, in profunditatem vastam assurgentem, & se diffundentem per omnem terram, fructificantemque & vivificantem omnia: cap. 47. v. 1. &c.

*Regè Templi  
Pansophia  
residem.*

*Ad hanc ideam si Templi Sapientie  
structu-*

*structuram partimur, septem illa quoque partibus constabit.*

I. Prima pars erunt *Prolegomena generalia, ostendentia* [1.] *quid libri sit Pansophia, & quis finis ac usus ejus;* (2.) *Qui apparatus, quos ad parandam Universariam Sapientiam nobis supeditavit bonitas Dei;* (3.) *Qua ejus generalis forma.*

II. Loco *Portæ illius Orientalis*, erit nobis *systema Notionum communium*, quarum varietas Intellectui humano per se obvia est. Est enim animus noster harmonicè factus, utpotè summi Dei, à quo rationes rerum promanant, imago: habetque sibi congenitas rerum normas, verum à falso dignoscendi. Hæ autem normæ sunt communes quædam veritates; quæ enunciata nullâ probatione opus habent, quia ab omni sanâ mente ultrò admittuntur: alia verò particularia, de quibus quandoque dubium incidit, per has examinantur, probantur, aut reprobantur. Talium autem primarum & communium notitiarum apparatus sufficiens, verè erit *Porta sacra*, in omnium rerum cognitionem, facile, citò, tutò, penetrandum.

III. *Atrium Vulgi* dabit nobis tertiam Pansophiæ partem, *explicantem ea quæ sensibus subjacent, nempe Mundum visibilem*, cum omnibus visibili-  
bus

bus creaturis, & quæ in illis & circa illas *vi naturæ* fiunt. Huc enim à Portâ communium notitiarum proximus transitus est, ut prælibata jam communis illa veritas in illis primum quærat & cognoscatur, quæ proximè ad manum sunt, videri & palpari possunt: quod facillimum, & ad remotiora facilius quoque cognoscenda, gradus certus: Addiscetque hîc homo naturalia suæ vitæ requisita ac fabricam, ut eam naturalibus mediis sustentare ac tueri possit & sciat, quamdiu fata sinunt.

III. *Atrium medianum* dabit nobis quartam *Pansophiæ* partem, explicantem ea quæ *Rationi* subjacent: nempe *Mûdum representatitium*, hoc est omnia, arte & ingenio producta & producenda humana opera, & quæcunque *vi Mentis* nostræ fiunt. Huc iterum ex Atrio *Naturæ* proximus est aditus: quandoquidem *Ars* & *Prudentia* nostra nihil nisi *Naturam* aut imitatur, aut emendat, aut supplet. In hoc theatro addiscet Homo ea, quæ peculiariter habet præ brutis, *Rationis* puta usum rectum; Operum omnis generis prudentiam, & *Linguæ* artes. Verbo, vivere *Vitam rationalem*, tam in se, quam in commercio cum *Creaturis* omnibus, & societate humana quæcunque.

IV. *Atrium intimum* dabit nobis *Philosophiæ partem quintam, in qua Homo seipsum intimè cognoscere, vitamque Spiritualem ac divinam vivere docebitur.* Hic enim contemplabitur seipsum eâ parte, quâ proximè Deum refert, libertate Voluntatis, seu Arbitrii, absolutâ : ut instructus antea sensuum ministerio, ad cognoscendum omnia ; & Rationis lumine, ad dijudicandum omnia ; jam etiam ut Rex solutæ potestatis, quidquid sensus ostendunt aut occultant, & Ratio suadet aut dissuadet, liberè velit aut nolit, pro arbitrio. Hoc etenim dignitatis fastigium est summum, quod à Creatore communicari poterit Creaturæ : quemadmodum id expressit Deus in sua de Homine creando consultatione: *Faciamus inquit, Hominem ad imaginem nostram, qui dominetur in pisces & aves, &c.* id est, pro arbitrio agat. Requirebat quippe Mundi perfectio, dari talem Creaturam, quæ non à natura determinaretur ad suas actiones, & impetu naturæ solum ageret [uti Elementa, lapides, plantæ, bruta] sed quæ se ipsâ incitaret, aut retraheret, pro lubitu. Intererat quoq; gloriæ DEI, cujus Sapientia magis elucescit in regendis Creaturis suâ voluntate se agentibus, quàm iis quæ per naturam ad actiones suas determinantur.

Et



bus creaturis, & quæ in illis & circa illas *vi naturæ* fiunt. Huc enim à Portâ communium notitiarum proximus transitus est, ut prælibata jam communis illa veritas in illis primùm quærat & cognoscatur, quæ proximè ad manum sunt, videri & palpari possunt: quod facillimum, & ad remotiora facilius quoque cognoscenda, gradus certus: Addiscetque hîc homo naturalia suæ vitæ requisita ac fabricam, ut eam naturalibus mediis sustentare ac tueri possit & sciat, quamdiu fata sinunt.

III. *Atrium medianum dabit nobis quartam Pansophiæ partem, explicantem ea quæ Rationi subjacent: nempe Mûdum representatitium*, hoc est omnia, arte & ingenio producta & producenda humana opera, & quæcunque *vi Mentis* nostræ fiunt. Huc iterum ex Atrio Naturæ proximus est aditus: quandoquidem Ars & Prudentia nostra nihil nisi Naturam aut imitatur, aut emendat, aut supplet. In hoc theatro addiscet Homo ea, quæ peculiaria habet præ brutis, Rationis puta usum rectum; Operum omnis generis prudentiam, & Lingux artes. Verbo, vivere Vitam rationalem, tam in se, quam in commercio cum Creaturis omnibus, & societate humana quacunque.

IV. *Atrium intimum* dabit nobis *Pansophiæ partem quintam, in qua Homo seipsum intimè cognoscere, vitamque Spiritualem ac divinam vivere docebitur.* Hic enim contemplabitur seipsum eâ parte, quâ proximè Deum refert, libertate Voluntatis, seu Arbitrii, absolutâ : ut instructus antea sensuum ministerio, ad cognoscendum omnia ; & Rationis lumine, ad dijudicandum omnia ; jam etiam ut Rex solutæ potestatis, quidquid sensus ostendunt aut occultant, & Ratio suadet aut dissuadet, liberè velit aut nolit, pro arbitrio. Hoc etenim dignitatis fastigium est summum, quod à Creatore communicari poterit Creaturæ : quemadmodum id expressit Deus in sua de Homine creando consultatione: *Faciamus inquit, Hominem ad imaginem nostram, qui dominetur in pisces & aves, &c.* id est, pro arbitrio agat. Requirebat quippe Mundi perfectio, dari talem Creaturam, quæ non à natura determinaretur ad suas actiones, & impetu naturæ solum ageret [uti Elementa, lapides, plantæ, bruta] sed quæ se ipsâ incitaret, aut retraheret, pro lubitu. Intererat quoq; gloriæ DEI, cujus Sapiencia magis elucescit in regendis Creaturis suâ voluntate se agentibus, quàm iis quæ per naturam ad actiones suas determinantur.

Et

Et stravit sibi Deus viam ad patefaciendam abyssum bonitatis suæ in remunerando spontaneo obsequio, & iustitiæ in plectendo scelera; tandemque clementiæ, in restituendo collapsam hanc excellentem Creaturam. Hoc itaque demum fuit adæquatum objectum sapientiæ Dei omnimodè declarandæ, HOMO: qui suæ dignitatis fastigium recogitans; facilius agnosceret enormitatem sui prolapsus in profundissimum miseriarum barathrum: è quo retrahi & dignitati suæ restitui non potuit, nisi Deus ipsi se dimitteret, reuniendoque se illi firmiori vinculo eum sibi astringeret in æternum.

In hac igitur Pansophiæ parte Homo magna illa & profunda ab oculis Mundi abscondita, internæ generationis, degenerationis, & regenerationis suæ mysteria, speculabitur: unà cum admirandis Dei circa Hominem condendum, redimendum, sanctificandum, regendum aut deserendum, salvandum aut damnandum, arcanis. Discetque è perditionis profundo retractus, & sibi ac Deo redditus, abnegare posthac seipsum, id est, arbitrium suum Deo resignando, Spiritui ejus regendum se dare: verbo, spirituales vivere vitam & adhærere jam DEO. Hæc igitur Pansophiæ pars continet scientiam

entiam illam, quæ dicetur *Sanctorum* [Prov. 30. 3.] & *Sapientia occulta* [Psal. 51. 8.] *omnisque Sapientie compendium* [Job. 28. 28. Eccles. 12. 13.] à *Sapientibus mundi absconditum* [Mat. 11. 25.] ut appareat, quanto doctrina Ecclesiæ præcellat doctrinæ Philosophorum, quantoque domus Domini elevetur super vertices aliorum montium. [Jes. 2. 2.]

VI. *Ultimum Templi* penetrale *Sanctum Sanctorum* dabit nobis *Panosophiæ* partem sextam, in qua suam æternitatem inhabitans **DEVS DEORVM** spectabitur: in quantum nempe se & infinitam illam suam æternamque maiestatem atque gloriam, in hac vita cognoscendam dat illis, quos æterno suo consortio destinat, & ad id allicit. In hoc Theatro Homo archetypum sui, & Mundi, contemplando, quam verè opera Dei omnia Deum, suo modo referant, & quam infinitò tamen sublimiora in Deo sint omnia, quæcunque in Creaturis bona, pulchra, jucunda, desiderabilia, inveniuntur, agnoscet. Cujus agnitionis effectus erit, ut beatitudinis illius æternæ dulcedine captus, & gustu ejus jam velut inebriatus, nihil sciat & possit, quàm in Deo suo gaudere, & amore ejus colliquescere, & se totum illi inhabitandum permittere, eoque plenâ jucunditate



cunditate transmittere vitam hanc, & ad mortis delatus portam, ingredi æternam.

VII. Tandem, *fluvius ille Aquarum è Templo promanantium*, & se in omnem terram diffundentium, dabit partem Panſophiæ ultimam, *uſum verum aquarum Sapientiæ veræ explicantem*. Equidem per aquas illas è Templo Ezechieliano erumpêtes, designatum fuiſſe Euangelii curſum, placidum initio, ſenſim tamen augmenta capientem, ut nemo impedire ac ſiſtere poſſit, æquè ac fluvius nullis objectis molibus cohiberi poteſt, ſcio: ſed & in genere, doctrinam Sapientiæ aſquis conferri conſtat. *Doctrina Sapientiæ eſt ſcaturigo vitæ*, inquit Salomon Prov. 13. 14. Item: *Aquæ profundæ ſunt verba ex ore Viri præſtantis: torrens eructans eſt ſcaturigo Sapientiæ* Prov. 18. 4. Apud Syracidem verò inducitur ipſa Sapientia ita loquens: *Ego Sapientia effudi flumina, ſicut aqua ductus proceſſi in Paradysum. Dixi, irrigabo hortum meum, & inebriabo pratium meum, &c. (24.)* Cogitandum igitur, quibus designatis alveis perfundere debeant hæ aquæ omnes hortulos animæ noſtræ, & omnia vireta negotiorum vitæ noſtræ, & totum Eccleſiæ para diſum: Id inquam diſquiri, & in aperto poni, in hæc ultima

ma Philosophiæ parte debebit.

Atque hæc inter alia est causa cur Sapientiæ hoc Templum Catholicæ Jesu Christi Ecclesiæ, ex omnibus gentibus collectæ & colligendæ, consecrandum diximus. Nempe quia 1. Huic matri debetur, quidquid in ejus solatia & honorem filii ejus possunt ac sciunt.

2. Non accendunt lucernam inquit Christus, ut ponant sub Modio, sed super candelabrum, ut luceat omnibus qui in Domo sunt (Matth. 5. 19.) Atqui lumen hoc sapientiæ universalis, omnia finibus suis subordinatis, lucerna quædam Dei est: suspendenda igitur, omnino in Domo Ecclesiæ, ut luceat omnibus.

3. Hæc domus Dei vivi, Ecclesia (ut dicitur 1. Tim. 3. 15.) exstructa est ad eandem ideam, ad quam ipsum hoc sapientiæ Templum conditum est, ut hujus contemplatione in amplio-rem sui ipsius cognitionem provehi possit. Juxta illud Canticor. 18. Si ignoras te o pulcherrima inter mulieres, egredere, & abi post vestigia gregum, &c. Hic enim per vestigia rerum, quæ usque sunt deducta, ad suam & sponsi sui æterni pulchritudinem cognoscendam Ecclesia promovetur. Et quandoquidem Angelis per Ecclesiam nota sit multiformis Sapiencia DEI (Ephes. 3. 10.) Ipsa quoque Ecclesia sui, Ange-  
 N lorum,

Cur Sapiencia  
Templum Ec-  
clesia Catho-  
lica dedican-  
dum?

lorum, DEI, contemplatione in e-  
iusdem multiformis Sapientiae DEI  
cognitionem alius aliusque se pro-  
movendi occasiones ut habeat, provi-  
dendum est.

4. Maxime autem, quia Templi  
sui novi (Ecclesiae Novi Testamenti)  
magnificentiam maximè conspicuam  
ultimis temporibus prædixit, eique  
luminis & benedictionis suæ torren-  
tes promisit DEVS. *Et erit in novissi-  
mis diebus* (dicit per Iesaiam & Mi-  
cheam DEVS: idem per diversos, di-  
verso tempore, & bis iisdem verbis,  
ut notetur decreti divini certitudo.)  
*præparatus mons domus Domini in ver-  
tice aliorum montium, & elevabitur su-  
per colles, ut confluant ad eum gentes.*  
(Jes. 22. Mich. 4. 2.) *Et erit die illo,  
stillabunt montes dulcedinem, & colles  
fluent lacte, & per omnes rivus Iude  
ibunt aquæ, & fons de domo Domini egre-  
diatur, & irrigabit valem levisissimarum  
Cedrorum* (Joel. 3. 18.) *Exibunt enim  
aquæ vivæ de Hierusalem, medium earum  
ad mare orientale, & medium earum  
ad mare novissimum, in æstate & in bie-  
me. Et erit Dominus Rex super omnem  
terram Dominus unus, & nomen ejus  
unum.* (Zach. 14. 8. 9.) Hoc quia  
complendum est omnino, excitandi  
sunt universalibus quibuscunque me-  
diis homines, non solum ad spectan-  
dum,

dum, sed & promovendum splendorem hunc domus DEI: proferendumque quibuscunque viis datur terminos Ecclesiæ, & diducendum de torrente DEI rivos, etiam per loca arida, nondum ante cœlesti hoc rore conspersa: ut tandem omnes stantes super vitreum mare, citharas DEI nacti, cantare incipiant canticum Moïsi servi DEI, & canticum Agni, dicentes. *Magna & mirabilia sunt opera tua, Domine Deus omnipotens! Iusta & vere sunt viæ tuæ, Rex sanctorum. Quis non timebit te Domine, & magnificabit nomen tuum? quia solus Sanctus es. Nam omnes gentes venient, & adorabunt in conspectu tuo: quoniam iudicia tua manifesta facta sunt.* [Apoc. 15. 2. 3. 4.]

Atque sic jam patere potest, quid libri sit, quod suademus condi, & quibus de causis suadeamus? Desinant ergo metuere, aut suspicari, confusum hic iri sacra profanis. Primum enim, *Omnia munda sunt mundis* (Tit. 1. 15.) Nihil Israelitas, nihil Tabernaculi structuram, inquinavit Aurum & Argentum impuris Ægyptiis ereptum &c. Deinde nihil hic confunditur, sed confusionum quibus hominum mentes laborant, remedia parantur, per distinctam, & gradibus suis in fastigia sua se elevantem cognitionem omnium

*Objectionum  
solusio.*



quæ cognosci possunt, merentur, debent. Ideoque primum ostendimus generalissima illa & notissima, quæ ipso sensus communis testimonio vera esse, per se liquet. Tum produci-  
mus ea quæ Sensus externi vident & palpant, & videre ac palpare se sci-  
unt. Mox ea quæ ab his Ratione cer-  
tâ deducuntur; sed ita, ut veritas eo-  
rum ad sensualia quoque experimen-  
ta deducatur. Tandem ea quæ à Re-  
velatione divinâ veniunt, & fide solâ  
prehenduntur: sed ita, ut simul tamen  
Ratio & sensus subtestari Deo, reve-  
latorumque invisibilium veritatem,  
per analogiam visibilium agnoscere  
doceantur; quò totius æternæ per om-  
nia sparsæ Veritatis, unus æternus  
concentus undique sibi constet. *Quid  
ergo hic confusionis ubi harmonia me-  
ra?*

*Sed talia Christus non docuit in-  
quiunt: solam salutis viam tradidit:*  
Resp. 1. Ecce igitur vos minora  
etiam illa, ad vitam hanc spectan-  
tia, docetis, aut doceri curatis, filios  
vestros; Literarum nempe, Nume-  
rorum, Syllogismorum, &c. doctri-  
nas? 2. Esto, non docuerit hæc Chri-  
stus, certè tamen nec vetuit: potius  
non ignoranda esse passim innuit,  
quum à naturalibus & artificialibus  
varias mysteria spiritualia declarandi  
&

& occasiones & formas fumeret, ostendens nimirum ea esse visibilia ad invisibilia rationes, ut hæc à nobis vix aliâ commodiore viâ, quam illorum ductu, intelligi queant. Supra Christi ergo sapiunt, qui spiritualia tantum & celestia volunt, & jactant, remotis à Christianismi studio omnibus iis, quibus (ut aiunt) profani occupantur. Occupentur sanè illi, & hic se figant, nos nostri, *Plus ultra memores*, non occupabimur illis, sed illa occupabimus, tanquam gradus & scalas ad ulteriora & altiora illa nostra facilius & expeditius nos promovendi. 3. Si Christus talia non docuit per se, docuit per alios: si non docuit tunc, docet nunc. Ille enim *idem est heri & hodie & in sæcula* (Hebr. 13. 8.) *Sapientia illa Dei per quam fiunt omnia* (Prov. 8. & 1. 9.) Quicquid ergo usquam est luminis, ordinis, sapientiæ, ab illo est: per quemcunque tandem hominum & quocunque seculo, ex operum & verborum ejus Thesauro erutum. Ipse in Mundum venerat, non ut minora hæc expediret, sed *ut animam suam daret* *ὑπὲρ πολλῶν*, in redemptionem pro multis (Matt. 20. 28.) Ideò etiam libros Evangelii scribendi, & in Ecclesia sua ordinis externi constituendi partes cōmisit discipulis suis; promittens illis, & successoribus, præsentiam suam

*Architectus  
Templi Sa-  
pientiae obser-  
vanda regula.*

ad consummationem usque seculi. Erit proinde hoc etiam opus, si utile erit, & quidquid unquam boni emerget, ad consummationem usque seculi, Christi opus: *Qui cuncta bona facit, unumquodque in tempore suo* (Eccles. 3. 10.)

Nos, si ædificandi hoc Universalis Sapientiae Templum sententia stabit, meminisse æquum erit.

1. Templum ædificandum esse (ut David monebat Salomonem) *magnum, excellens, celebre ac gloriosum per omnes terras.* (1. Chro. 22. 5.) quia *magnus est Deus noster super omnes Deos.* 2. Chron. 2. 5.) Conquirendos igitur undecunque artifices tanto opere dignos, qui sciant adinvenire prudenter quidquid fuerit necessarium. (2. Chro. 2. 7. 14.)

2. Templum Salomonis fundatum fuit, DEI jussu, in monte *Moriah*, quod visionem DEI sonat: Templi item Sapientiae fundamentum erit *Visio Domini*: hoc est, eò ibunt omnia, ut per visibilia universa, ipse invisibilis universi præses, cum diffusa per omnia potentia, sapientia, bonitateque, sua mente videri queat.

3. Materia Templi Salomonici terni generis erat, *Lapides, Ligna, Metalla*: & quidem Lapides pretiosiores, *Marmor & Gemma*: ligna succosa & odorifera, *Abiegna & Cedrina*; Me-  
talla

*talla purissima; Aurum obryzum.* Templo Sapientiæ materiam dabunt tres illæ principiorum sylvæ, *Sensus, Ratio,* & divina *Revelatio*; Sensu palpabilitate suâ naturam lapideam; Ratione vernante suâ vi arboreum vigorem; Verbo Dei suâ in æternum permanēte virtute, incorruptibilitatem auri purissimi, referente.

4. *E Lapidibus erigebantur parietes: è Lignis fiebant Tabulæ ad obtegendum parietes: ex Auro laminae ad inducendum Tabulas* [2. Chron. 3. v. 5. 6. 7.] quin & pavementum marmoreum (2. Chro. 3. 6.) rectum fuit Auro (1. Reg. 6. 30.) sed *Vasa sacra, Altare, Mensa, Candelabra, Lucerna, Thuribula, & omnia ex auro purissimo* (2. Chron. 4. 19. &c.) Ita Sapientiæ Templi fundamenta & parietes ex illis solis ponantur, quorum veritas ad sensualem usque evidentiam consolidata est: adjunctis tamen, & vi ratiocinationis in apertum productis, causis, cur ita esse unumquodque uti est, necesse sit: tandemque divinorum testimoniorum superaddito splendore, quo Veritati rerum integrè sua ubique constet majestas. *Sacra tamen supellex, ad fidei & salutis spectans mysteria, purissimum eloquiorum Dei aurum sit.*

5. Salomonis Templum ædificatum fuit è lapidibus dolatis, atque perfectis,



*ut inter ædificandum neq; malleus, neq; securis, neque ferramentum ullum auditum fuerit (1. Reg. 6. 7.)* Ita inter ædificandū Sapientiæ Templum, nullos disputantium & rixantium strepitus audiri convenit: sed ut componantur omnia è Veritate in quadraturam redacta: h. e. dogmatibus & doctrinis non temerè congestis, ibi demum ubi tanquam structuræ pars jam ponuntur, ascian- dis, dolandis, ad veri similitudinem aliquam conformandis, intellectuque adaptandis: sed quæ ex præmissa Prin- cipiorum officina quasi jam parata pro- deant, nullosque ad reliqua anfractus, aut hiatus, aut quascunque inæquali- rates, ostentando, omnibus præmissis, connexis & connectendis, ex amussim quadrare appareant. Ita demum Veritas rerum in luce sisti, & à contradi- ctionibus liberari poterit.

6. *Templi illius materialis partes e- rant proportionatissimæ: ideoque ædifi- cati illius historia plena est numero- rum & mensurarum (1. Reg. 6.)* Angelusque structuram typici Templi ostensurus Prophetæ, funiculo lineo & calamo mensorio instructus accessit (Ezech. 40. 3.) Eodem modo in Sa- pientiæ Templo ad universalem symme- triam redigenda erunt omnia, ut va- gabundis mentis nostræ cogitationi- bus, cancelli sint fixi, certi ac immoti.

7. Ad-

7. Addita ibi erant artificiosa ornamenta, *sculpturae & calatura, Cherubinorum, Palmarum, Florum* (1. Reg. 6. 29.) Id in Sapientiae Templo erit *externa methodi concinnitas, stylique elegantia*, ad faciendum externo quoque palato, quantum convenit, *delicias*.


8. Ibi omnia Templi ambitu conclusa sancta erant (solus enim extremus, in circuitu Templi murus, inter sacrum & profanum distinguere debebat) Ezech. 42. 20. *Ita quidquid Sapientiae Templum continebit, sanctum esto, sive in se, sive quod ad sanctos usus adhibeatur, nempe in gradum facilius agnoscendi & assequendi fines nostros, gloriam Dei & beatitudinem in DEO nostram, ad quæ omnia hæc maxima, minima, unumquodque ordine suo, referuntur.*

8. Quod autem olim desolati Hierosolomytani Templi reædicatoribus DEUS, ut animum adderet, promittebat, præsentiam, opem, benedictionemque largam (Hagg. 1. & 2.) idem sibi meritò pollicebuntur Sapientiae Templi ædificatores: juxta illam Sapientiae cœlestis vocem, *Ego diligentes me diligo, &c. ut replcam thesauros eorum* [Prov. 8. 17. 11.]

10. Tandem, quemadmodum cùm fundaretur, à Cœmentariis Templum

plum illud materiale, Sacerdotes cum  
 Levitis stabant in ornatu suo, cum tu-  
 bis & cymbalis, ut laudarent Deum,  
 totusque Populus acclamabat laudans  
 Dominum (Esd. 3. vers. 10. 11.) ita  
 dum Sapientie Templum fundatur,  
 omnes pios pii propositi conscios non  
 inconueniens erit adungere vota &  
 suspiria sua, ut conceptum in nomine  
 Domini opus feliciter surgat & in e-  
 jusdem laudem cedat, dicentes: *Sit*  
*nomen Domini benedictum, ex hoc nunc,*  
*& usque in seculum. A solis ortu usque*  
*in occasum laudetur nomen DOMINI,*  
 (Psal. 113. vers. 2. 3.)

Septem



# SEPTEM PARTIVM

TEMPLI PAN SOPHIAE

CHRISTIANÆ

tituli speciales.

I.

## Templi Sapientiæ

PROPYLÆUM

Anteriora ejus, nempe stru-  
cturam externam, cum  
ejus condendi & adeundi  
necessitate, Possibilitate,  
Facilitateque, spectanda  
exhibens.

II.



II.

# Templi Sapientiæ

P O R T A

Per quam in omnium scibi-  
lium cognitionem ve-  
ram aditus pri-  
mus datur.

*sive*

S A P I E N T I Æ

A P P A R A T V S

G E N E R A L I S ,

In quo summa Rerum om-  
nium genera , structuræ ,  
legesque spectandæ exhi-  
bentur. Idque ductu ferè  
communium Notitiarum,  
omni humanæ menti infi-  
tarum , quæ probatione  
nullâ indigent , illustrata  
solum exemplis, mox ad-  
mittun-

mittuntur: è quibus tamen,  
ut Veritatis fontibus pri-  
mis, omnes particularium  
scientiarum rivuli dima-  
nabunt.

### III.

## Templi Sapientiæ

### ATRIUM PRIMVM

In quo Mundus visibilis, cum  
omnibus quæ in illis &  
circa illas vi NATVRÆ  
fiunt, spectanda exhiben-  
tur. Eo fine, ut Homo na-  
turalis suæ Vitæ requisita  
& fabricam nosse, Crea-  
torisq; sui Sapientiam re-  
ligiosè venerari, addif-  
cat.

### IV.

## IV.

**Templi Sapientiæ**

ATRIUM MEDIUM.

In quo Creatura rationalis ,  
 H O M O , cum omnibus  
 illis quæ I N G E N I O hu-  
 mano fiunt , ac fieri pos-  
 sunt , spectanda exhiben-  
 tur. Eo fine , ut Homo  
 V I M M E N T I S suæ  
 nosse , eaque Deo plas-  
 matori suo in honorem  
 uti , & vitam verè R A-  
 T I O N A L E M V I V E R E  
 condocesiat.

## V.

**Templi Sapientiæ**

ATRIVM INTIMVM.

In quo I N T E R I O R A H O-  
 MINIS,

MINIS, quâ proximè  
 DEO accedit, nempe Li-  
 berum ARBITRIUM,  
 & agendi soluta potestas,  
 cum horrendo ejus abusu  
 & attracta inde pernicie,  
 reparataque per Christum  
*ἡ ἀγία πόλις* salute, spectanda  
 exhibentur. Eo fine, ut  
 Homo sibi ac Deo resti-  
 tutus, spirituales & divi-  
 nam vivere incipiat vi-  
 tam.

## VI.

# Templi Sapientiæ

PENETRALE ultimum,  
 SANCTVM SANCTORVM  
 dictum.

In quo Ipse adorandus Mun-  
 di præses, Angelorum &  
 Homi-



Hominum Dominus JE-  
HOVAH DEUS Deorum,  
cum æterno suo Regno,  
Majestate & gloria, in  
quantum se & illa revela-  
vit, mentibus spectanda  
exhibentur. Eo fine, ut  
Homo per omnia & om-  
nium ope ad Deum ad-  
ductus, eumque tanquam  
æternæ quietis beatitudi-  
nisque centrum flagrantis-  
simo amore complexus,  
semetipsum, ut Templum  
vivum sanctum inhabitan-  
dum ei tradat in æternum.

## VII.

### Templi Sapientiæ

FONS AQUARVM  
viventium. hoc est,

De usu SAPIENTIAE ve-  
ræ,

ræ , è Templo Dei diman-  
 nantis : nempe ut exun-  
 det ac se diffundat per  
 omnem Terram , ad im-  
 plendum eam cognitione  
 J E H O V A E , sicut mare  
 aquis opertum est.

Psal. 43. vers. 3.

*Emitte LUMEN Tuum , &  
 VERITATEM Tuam ,  
 Deus , ut me deducant , &  
 adducant in montem san-  
 ctum TUUM.*



## D I D A C T I C A

M A G N A ,

**Universale omnes omnia docendi artificium exhibens.**

S I V E

*Certus & exquisitus modus, per omnes alicujus Christiani Regni Communitates, oppida & vicos, tales erigendi Scholas, ut omnis utriusque Sexus Juventus, nemine usquam neglecto Literis informari, Moribus expoliri, Pietate imbui, eaque ratione intra pubertatis annos ad omnia, quæ presentis & future vitæ sunt, instrui possit.*

**Compendiose, Jucunde, Solide.**  
Ubi omnium quæ suadentur,

**FUNDAMENTA**, ex ipsissima rerum Natura eruuntur.

**VERITAS**, artium Mechanicarum parallelis exemplis ostenditur.

**SERIES**, per Annos, Menses, Dies, Horas disponitur.

**VIA** denique in effectum hæc feliciter deducendi, facilis & certa ostenditur.

Operâ & Studio J. A. C.

## D I D A C T I C Æ

nostræ , Prora &  
Puppis esto.

*Investigare modum , quò*

DOCENTES minus doceant, *Discentes*  
verò plus discant.

SCHOLÆ minus habeant strepitus ,  
nausæ , vani laboris , plus autem ,  
otii , deliciarum , solidique pro-  
fectus.

RESPUBLICA CHRISTIANA minus  
tenebrarum , cõfusionis , dissidiorum ,  
plus lucis , ordinis , pacis , tran-  
quillitatis.

*Psal. 67. vers. 1. 2.*

*Deus misereatur nostri , & benedicat no-  
bis ! Illuminet vultum suum super nos  
& misereatur nostri ! ut cognoscamus  
in Terra viam Tuam , in omnibus gen-  
tibus Salutare Tuum.*





LEMMATA CAPITVM  
DIDACTICÆ  
MAGNÆ.

*In Præfatione ejus, cura diligentis liberorum educationis variis rationibus & exemplis, Magistratui, Parentibus, & Præceptoribus seriò commendatur. In opere ipso sequentia tractantur.*

Cap. I. Probatur, Hominem Creaturarum ultimam, absolutissimam, excellentissimam esse.

Cap. II. Hominis finem ultimum extra hanc vitam esse.

Cap. III. Vitam hanc non nisi præparatoriam esse æternæ.

Cap. IV. Præparationis ad æternitatem gradus esse tres: Sc (& secum omnia) (1) NOSSE, (2) REGERE, & (3) ad DEUM DIRIGERE.

Cap. V. Trium illorum (eruditionis, Morum, Religionis,) Semina nobis inesse à Naturâ.

Cap. VI. Hominem, si homo fieri debet, formari oportere.

Cap. VII. Formationem Hominis commodissimè fieri ætate prima: atque nisi hîc, commode haud posse.

Cap. VIII.

Cap. VIII. Juventutem simul formandam : Scholisque opus esse.

Cap. IX. Totam utriusque Sexus Juventutem Scholis cōmittendam esse.

Cap. X. Institutionem in Scholis debere esse Universalem, seu in Scholis omnes omnia docendos esse.

Cap. XI. Perfectas Scholas defuisse hactenus.

Cap. XII. Scholas reformari posse in melius.

Cap. XIII. Reformandarum Scholarum fundamentum esse, accuratum in omnibus ordinem.

Cap. XIV. Ordinem Scholæ accuratū à Natura mutuandum esse. Itaque.

Cap. XV. Ostenduntur, è Natura, Fundamenta vitæ prologandæ.

Cap. XVI. Docendi & discendi requisita generalia, hoc est, Quomodò docendum & discendum sit Certò, ne possit non sequi effectus.

Cap. XVII. In docendo & discendo Facilitatis fundamenta.

Cap. XVIII. Soliditatis, in docendo & discendo fundamenta.

Cap. XIX. Compendiosæ in docendo Celeritatis fundamenta. Ubi inter alia monstratur, quomodò Præceptor unus, quantovis discipulorum sufficere queat.

Cap. XX. Proponitur, Scientiarum Methodus in specie.

Cap. XXI.

- Cap. XXI. Artium Methodus.  
 Cap. XXII. Linguarum Methodus.  
 Cap. XXIII. Methodus Morum.  
 Cap. XXIV. Pietatis instillandæ Methodus.  
 Cap. XXV. Demonstratur, si Scholas ad veras veri Christianismi normas planè reformatas velimus, Gentilium libros aut esse amovendos, aut certè cautius quam hætenus tractandos.  
 Cap. XXVI. Agitur de quadripartita Scholarum secundum ætatis & profectuum gradus fabrica. Hincq;  
 Cap. XXVII. Exhibetur Idea Scholæ maternæ.  
 Cap. XXVIII. Idea Scholæ Vernaculæ.  
 Cap. XXIX. Scholæ Latinæ Delineatio.  
 Cap. XXX. De Academia.  
 Cap. XXXI. De Scholarum ordine Universalis, plane accurato.  
 Cap. XXXII. De requisitis, ad inchoandam Universariæ hujus methodi praxin necessariis.

## F I N I S.

*Hæc omnia ab Authore jam elaborata, extremam tantum manum ejus expectant, quam prout favorem, opemque orbis literati experietur, ita cito tardeve iis est impositurus.*

The High-Dutch in some Paragraphs  
of this booke, Englished.

§ 200. Come yee hither boyes learne  
the Latin tongue.

§ 201. Come hither yee boyes.

§ 203. What will,

God will helpe you

God will helpe you.

§ 210. You N. How say you in La-  
tin Come hither boyes? you N.

How say you God will help you?

Ec.

§ 214. Who? O thou? whose? to  
whom? whom? with whom?

Behold, a boy.

O thou boy.

A boyes hand.

Giue to the boy.

See that boy.

Take from the boy.

§ 231. My sonne if thou diligently  
learne the neate Latin tongue, thou  
wilt I assuredly loue thee. For  
therein is great wisdom to be  
found. Thou hast a good Teacher  
that shewes thee how thou mayest  
comprehend it. It is also very easy,  
if one obserue strictly. The begin-  
ning indeed is somewhat difficult,  
but the end will certainly be plea-  
sant.

God help thee my child.

§ 264.



§ 164. The shape, frame, ground plot,  
modell, &c. That one may plainly  
see what it shall be.

§ 20. } I bring backe,  
} I relate,  
} I am able, I am worth  
} I am in health.

FINIS.



1, 2

2

2

2

2

2

2

2

2

2

2

2

2

2

2

2